

136

殿志 368 部=31-4

鶴峯州志

卷首至卷四

各序各原序

修志姓氏

凡例 星野附氣候

輿圖 沿革

疆域 山川

營建



道光二年壬午新鑄

鶴峯州志

州署藏板

鶴峰州志序

邑之有乘所以徵文獻也若文獻無徵操觚者欲旁搜遠紹求諸荒渺難稽之說則已誕或採風問俗僅得諸父老傳聞則又俚鶴峰故容美地漢唐以前書缺有間歷宋元明至我朝始翕然向化改土歸流於雍正十三年

鶴峰州志

序

設州牧以治之閱今八十餘年沐浴聖澤土田闢學校興教養之深仁已並洽於中土吉薌畦刺史家學淵源師承有自凡天文地輿之繁星緯象數之精無不周知慨然以前志為簡略以簿書餘暇重輯成卷而請序於余

懌於嘉慶二十四年奉

命視學楚北次冬校士宜施二郡即聞  
刺史治行卓卓勤政愛民有古循吏  
風茲幸閱其志之成而有以窺其致  
治之有本矣夫志星野以應乎天文  
志疆域以詳其地利沿革必衷於史  
山川必溯其源志賦役輕徭稅勸輸  
將也志風俗尚樸畧禁淫靡也志學

校重師儒崇文教也志兵防預戎備  
增守衛也至於物產之蕃息人物之  
閒生秩官祠宇之必詳藝文營建之  
不廢其所以寓風勵而昭勸懲者悉  
有深意存乎其閒且志為國史之權  
輿尤採風使者所當博取而廣輯之  
以為修史者之一助方今

文教昌明無遠弗屆鶴峯雖巖邑得賢  
刺史以為之撫而敷教興行熙熙然  
樂遊太平之世又豈僅為一邑之乘  
以文詞見其美備哉

賜進士出身

誥授通奉大夫光祿寺卿提督湖北學政  
古六楊懌曾拜撰

鶴峯州志

序

三



敘

史以示百代之勸懲志以誌一方之掌故名異而實亦異也然其體例則同此陳壽三國志與馬班並稱也自是以後惟華陽國志三輔黃圖二書最爲古雅宋元後方志雜出乃亂乃萃矣前明康氏武功

鶴峯州志

序

志韓氏朝邑志文簡而事該他若王羨陂誌鄠呂涇野誌高陵喬三石誌耀胡可泉誌秦趙浚谷誌平涼劉九經誌郿張光孝誌華率皆秦人誌秦地王阮亭所謂郡縣之志無踰乎秦者以其猶有黃圖決錄之遺也予蒞任鶴峯凡五載地


僻而民樸政簡而刑清暇卽與部  
君生榕洪君先燾仰登山而俯臨  
水出採風而人問俗以考其改土  
歸流之美而紀其生材殖物之繁  
蓋已八十餘年於茲矣因取前牧  
毛公舊志而重加編輯其卷帙較  
增於前非欲以誇多而鬪靡覺此

八十餘年中學校興而教化廣沐  
日浴月百寶生焉欲問當年之寶  
樓琴閣傳樂府而演桃花者已漠  
然了無一存蓋天下之太平久矣  
顧自古著述之難或失之於濫收  
或失之於欲速而欲其完善無疵  
則必遲之數年或遲之數十年又

且經諸儒之考訂滙百家之異同而始折衷以歸於至當今則上不窺金匱石室之藏下鮮老師宿儒之指授而紛於簿書限於時日豈敢自信爲完書哉亦聊以顯微闡幽不使後來者有文獻無徵之歎也

道光二年孟秋月中澣

賜進士出身湖北庚午癸酉丙子壬午  
四科鄉試同考官知鶴峯州事加  
五級紀錄五次丹陽吉鍾穎撰





原序

知州 毛峻德

邑有志猶國有史也一邑中沿革異同有必辨疆域山川有必分風俗物產有必載壇廟城署學校有必興田賦戶役職官兵防有必備非近乎史其將安近鶴峯向爲容美土司地因土弁田明如貪殘改

設州治經營伊始百度維新則州志較他邑尤爲急務德不敏初蒙制府邁檄委進司守催田明如進京旋又奉委撫恤殘黎並隨湖北臬憲王荆南觀察姜經理改土善後事宜仰荷百凡指示幸免隕越事未竣卽膺上憲保題授以牧民

重任七載於茲土俗民情知之頗  
悉現設章程皆所創始德又何敢  
以不文辭因於簿書之暇約舉大  
端稍加編輯分上下兩卷用捐清  
俸以授梓人竊謂志同乎史傳信  
也非以傳疑也慎而毋濫簡而毋  
繁凡事之因時措置難垂久遠者

概不敢登若夫名宦鄉賢人物選  
舉因初入版圖無可紀載至於忠  
孝節義事關倫紀非確有可據者  
豈容冒濫仙釋古蹟事涉誕妄非  
見諸史冊者未便率錄其餘流寓  
方技之徒文藝襍記之末旣非所  
重未暇考求覽是編者其亦見作

志之苦心勿以簡畧是責是則深  
幸也夫乾隆六年歲次辛酉仲冬  
月

又序

荆宜施道

屠嘉正

郡邑之有志所以載綱紀一方之  
大畧者也志有創有因其因者前  
世之陳蹟備於斯其創者一時之  
締造備於斯夫前無所憑藉而後  
將視是以率由此其事爲倍難而  
其文之所關爲更要非其心足以

鶴峯州志

又序

立事而事足以載於文者其曷能  
創之鶴峯故容美地土官世及肆  
虐於民民不勝其毒奔走偕來願  
沾

聖化我

世宗憲皇帝惻然憫之允廷臣議改設州  
邑選良吏以撫斯民毛君覲文爰

自安陸通守移牧鶴峯披荆榛建  
城郭招流亡安反側設學校列營  
汛壇廟公廨乘時俱舉生聚教訓  
因俗以施三年而政成五年而報  
最七年而毛君膺

簡命晉守宜昌顧念鶴峯新造之區案  
牘易至散缺不可無所纂集以貽

之後也用輯州志而請序於余蓋  
其事與文類皆出於創而已無一  
不可爲後之所因余覽是編而竊  
有以見毛君之用心也夫天生兆  
民樹之后王君公承以大夫師長  
以左右民也何以長民曰仁何以  
行仁曰政何以舉政曰誠不誠則

無物而政非其政矣毛君之治鶴  
峯其意主於爲

朝廷綏靖遠民予以寬徭薄賦之樂而  
去其獷頑犍劣之習其哀矜惻怛  
藹然見乎其詞而篤摯懇切之衷  
復足以貫乎其設施之顛末此所  
以政通人樂而下爲編戶之所瞻

就卽上邀

聖天子之獎擢歟毛君推是心以蒞官  
將所處益高其所及益廣而後之  
牧是州者以毛君之心爲心相時  
調劑以求久安此溪峒之衆安在  
不足以比於中土之民雍雍然揖  
讓於冠裳禮樂也夫

鶴峯州志目錄

卷首

各序各原序

修志姓氏

凡例

星野氣候附

輿圖

卷一

沿革

卷二

鶴峯州志

卷首

目錄

一

疆域

卷三

山川

卷四

營建

卷五

賦役

卷六

風俗

卷七

物產

卷八

祠宇

卷九

學校

卷十

兵防

卷十一

秩官

卷十二

鶴峯州志

人物

卷十三

藝文

卷十四

雜述

跋

卷首

目錄

二



鶴峯州志

主修

鶴峯州知州 吉鍾穎 江蘇丹陽乙丑進士

分修

原任廣東三水縣知縣 洪先燾 州戊申舉人

原署公安縣教諭 部生榕 州己酉拔貢

採訪

附貢劉正性 附貢龔經德 生員龔紹融

生員于世英 監生龔紹緒 生員田士選

生員田興邦 生員田福來 生員李定南

鶴峯州志 卷首 修志姓氏

校字

原任漢陽縣訓導部生崧 歲貢

候選訓導何夢芝 歲貢

附貢周必超 生員羅玉麟 生員劉開泰

校刊

生員徐本立 生員徐承爵 童生謝景安

監生田桂斗 工書陳應詔 營書鄧天章

童生陸士志

凡例

一鶴峯於雍正十三年設州至乾隆六年前牧毛峻德  
創修州志分上下二卷 部咨文告已居其半蓋當  
時草昧初開無可紀載不過畧具規撫然改土始末  
及一切建置今得據爲濫觴不得以簡畧訾之

一沿革各州縣志少不列表者鶴峯係土司改設田氏  
世據茲土自明洪武以來始確鑿有據其謂始自漢  
唐書缺有間固已無從敘次土人相傳田氏之先有  
覃姓爲尙長尤荒邈難稽茲考據明史叅以容陽田  
氏世述錄所載并改土源流列於篇亦信以傳信疑

鶴峯州志

卷首

凡例

以傳疑之義也故不列表

一舊志文告內之所示禁皆土民相沿積習今已改革  
殆盡故文不載

一守禦爲郡邑要務舊志列關隘一門於邊界三關外  
當之以塘汎今於山川志內詳載其扼要而塘汎併  
入兵防

一古蹟舊志未列采訪亦無所得其有境內砦洞與寺  
觀橋梁之營建於土司時者依類分載

一寓賢舊志所無據世述錄所稱亦無多人故附雜述  
而不列專門

一衛昌營轄鶴樂二邑營員之分防長樂者應歸長樂縣志今武職官表皆本邑員弁

一州設學未久選舉寥寥文武仕宦爲數無多故概以人物而不列表

一機祥舊志所無現今采訪確而有徵者止得數條亦列於雜述

星野志

周禮保章氏以星辨九州之地所封州域各有分星以觀祚祥厥後談天家或以十二州配或以列郡配或以山河兩界配或以北斗九星主九州或以七星主七國或繫以二十八宿或繫以五星蓋星野之說浩杳難稽矣然志疆域者必先定分野鶴峯域為荆州自應星分翼軫前志以為入翼十度茲亦仍其舊云爾志星野

翼十八度七十七分

丹元子步天歌云翼二十二大難識上五下五橫着


鶴峯州志

卷首

星野

行中星六箇恰似張更有六星在何處三三相連張畔附五個黑星翼下頭欲知名字是東甌

翼



翼宿考

翼宿二十二星爲朱雀翼土星也距中右第二星去極百四度入翼初度凡十九度上爲中赤道十九度九十分黃道十九度六十五分位在巳次於分爲楚於野爲荆州

按軫星於野爲今湖南諸郡故未詳考

舊志云天文志翼軫荆州史記天官書翼爲羽翮主遠客軫爲車主風星經翼二十二星凡十九度軫四星凡十七度鶴峯分野翼十度

附氣候

鶴峯州志

卷首

星野

二

地高氣多寒地下氣多煖氣有先後而候之遲早因之鶴峯僻處山林氣候殊於澤國然卽一州之中亦有不齊者則高下異也

初春餘寒凜冽無異隆冬俗謂倒春寒夏日霖雨積旬亦或着棉擁絮秋後餘熱或較甚三伏俗謂秋老虎入冬或值晴多蟄蟲率蠕蠕然動間有春花開放者

山高處暑月可著棉衣遇陰雨連綿卽可圍爐至陰崖冰雪必俟春盡乃消

諺云清明斷雪穀雨斷霜高下皆然至白露節後高處或已見霜不必待九月也

農家種植高處播種在先收成在後低處播種在後收成在先

晴多則高處成熟低處卽雨少亦不十分歉收以氣寒水冷故也

果蔬時蔬有低處已盡而高山猶未嘗新者

低處桃花開於二月次高處開於三月至高山之上四月甫開其他花木多類是

岡巒崇疊時有陰霾然地氣偏寒故民人不受瘴癘惟州治牛馬猪隻較鄉村易染瘟疫說者以爲四面環山塵居藜集烟煤汗垢不能外散故鬱蒸之氣中之理或鶴峯州志

卷首

星野

三

然也

州治之水南折而經南渡江之下是地低於州治也而穀果成熟在州治之後此又氣候不可以地之高下論者

鶴峯州志

景縣界

金雞口

東接長壽縣界

懶板橙

交湖南石門縣界

關內山川圖

建始縣界巴萊洲

茶絲河

黃花坵

鄆陽關

高橋塘

樓角塘

百順橋塘

劉家司

燕燕坪塘

清源水塘

牛陸頭

山平

石龍河塘

三路口塘

涼井塘

五里坪

大岩關

義學

茶店子塘

白葉坪

先農壇

柘澤坪塘

南渡江

神門格

利慈出此

慈利鶴峯

輿圖

鶴峯州志

關外山川圖




西抵宣恩縣界






鶴峯州志

城垣圖




鶴峯州志

四





學宮圖




鶴峯州志

州廨圖

五



鶴峯州志



鶴峯州志卷之一

沿革志

州爲容美土司田氏地元隸四川明屬湖廣其先或稱柘谿或稱容美司舊志載楚南徼諸崗蠻叛服不常宋嘉泰中湖南安撫使趙彥勵請擇素有智勇爲崗蠻信服者立爲酋長鎮撫之如土司之類考宋淳化元年溪蠻田漢權來附大中祥符五年崗蠻田仕瓊等貢溪布元祐時以崗酋田思利爲銀青光祿大夫卽所傳容美田氏已世述錄稱唐元和元年高崇文討平劉闢之亂奏授田行臯

鶴峯州志

卷之一

沿革

一

爲施溱溶萬招討把截使是田氏爲土司自唐始然何璘澧州志載石門慈利二縣所官隘官設自蜀漢建興年間唐宋以來悉仍其舊所隘以防禦土司爲責任二縣又與容美毗連是以華容嚴首昇作田元傳中有自漢歷唐迄今世守容陽之語此其由來久遠而世述錄自叙家世亦不及詳焉夫容美壤接荆梁非若雕題交趾之介處遐域也土司躬膺茅社非若狝苗猺犵之別爲族類也而源流不可深考蓋其先山深林茂所謂狐狸居而豺狼嘯也材武之士乘中原多故斬荆闢萊驅狐

狸豺狼而有其土地雖不能如尉佗之制七郡竇融之保河西而竄處既久夜郎自大朝廷以馭蠻當順其情假其名爵羈縻勿絕久之蠻觸互爭遞爲廢興田氏以前度非一姓矣然前史既未詳載而累代兵燹之餘復文獻無徵其或置或廢或析或并在某代爲某名則闕疑焉茲據世述錄所載參以明史自田行臯迄於明如撮其大旨次於篇蓋卽以田氏之興替爲斯土之終始也志沿革

唐

田行臯元和元年從高崇文討平劉闢投施溱溶

鶴峯州志

卷之一

沿革

二

萬招討把截使後加兵部尙書金紫光祿大夫施州刺史仍知溱萬溪溶四州諸軍事

宋

田思政元祐間襲授鎮南等處軍民五路都總管一云元夏時襲授容美等處軍民五路都總管未知孰是

田崇釗田伯鯨二人皆思政以後襲職者年代輩次無可考

元

田乾宗輩次亦不可考以其子光寶於明洪武初

年授宣慰使故斷爲元時人

明

田光寶乾宗子洪武三年三月遣弟光受等以元所授誥勅印章詣行在請換上命光寶爲四川行省叅政行容美等處軍民宣慰使事仍置安撫元帥治之五年二月遣子答谷朝貢

田勝貴光寶子襲父職以後尙蠻向天富作亂牽連革職永樂三年復下詔招撫授爲宣撫使

田潮美勝貴子襲父職天順元年以老疾請子保富代職詔從之

鶴峯州志

卷之一

沿革

三

田保富襲父職成化五年禮部奏容美宣撫司田保富等遣人進貢方物不及數恐使侵盜宜停其賞仍移知所司從之宏治二年保富已致仕與木冊長官田賢各進馬爲土人譚敬保等贖罪刑部言蠻民納馬贖罪輕者可原重者難宥宜下按臣察覈八年貢馬及香禮部以香不及數馬多道斃又無文驗命予半賞保富卒子鎮襲

田鎮事實無考

田秀鎮弟鎮無子秀襲職宏治十八年以子禍卒田世爵字廷器號龍溪秀第七子秀有庶長子乳

名白俚俾謀篡襲因秀外巡乘間殺其嫡長并弟五人而嗾其黨弒秀於觀音坡之河側世爵尙在襁褓乳母覃氏與其夫賀某後賜姓名田勝富者以己子代而負世爵奔桑植白俚俾覺追弗及時本司舍人名麥翁宗者赴桑植請兵討賊比兵至而白俚俾已赴武昌請襲僅誅其黨數人會土經歷向太保俾告變於撫按而桑植申文亦至乃下白俚俾獄驗治磔死正德二年世爵襲職九年由桑植回司任事嘉靖間因與土官向元楫累世相仇覲元楫幼佯爲講好以女嫁之謀奪其產因誣

元楫以奸有司恐激變令自捕元楫下獄論死世爵遂發兵盡俘向氏並籍其土久之撫按訶知責與元楫對狀世爵不出陰與羅崗土舍黃中等謀叛於是湖廣巡按御史周如斗請移荆南道分巡施州衛以便控制調廣西清浪等戍軍以實行伍疏下督臣馮岳等議岳等言施州地勢孤懸不可久居戍軍亦非一時可集當移荆瞿守備於施九永守備於九谿上荆南道備巡歷至世爵驕橫有司不能攝治獨久繫元楫何爲宜假督臣以節制容美之權問世爵抗違罪狀如不悛卽繩以法從



之世爵自是歛戢獄得解後以隨總督胡宗憲征倭卒於蕪湖年八十有三

田九霄號後江世爵長子從世爵征倭世爵卒於軍中襲職詔賜紅紵衣一襲以浙江黃宗山之捷也九霄賞罰嚴明與士卒同甘苦所向有功然爲人刻深毛鷲每叱馭出民皆閉戶雞犬無聲嘉靖四十一年卒

田九龍字子雲號八峯九霄同母仲弟九霄忌諸弟才俊九龍深自歛戢耕讀於龍潭坪之後山今俗稱二爺坪是也九霄病知諸子不才遺命九龍

襲職九龍膽識過人喜讀書好義愛客萬歷三十七年卒年八十有三

田楚產字子良號郢陽九龍嫡長孫父名宗愈先是九龍以年老爲宗愈請給冠帶攝事未幾病卒九龍又爲楚產請給冠帶以備承襲而年益髦其庶長子宗元糾弟宗愷等控於上臺誣宗愈庶出楚產非嫡長孫納賄負緣雖有田楚臯田大玉等不避榜掠力爲爭辯終不能解楚產攜妻子出亡忠尚十餘年及九龍卒宗元爲衆憤所戮宗愷亦死上臺乃檄楚產回司襲職爲人言笑不苟多善

政惟構爭時宵小乘閒攘竊帑藏告誑急於賦歛  
一日飲舍人家爲叛奴所戕年五十有一

田元字太初號墨顛楚產長子愛民卹鄰忠崗田  
桂芳施南田懋棗東鄉田繩武諸士司皆得其扶  
持力於桑植向一貫捐宿隙而卹其子人尤偉之  
闖獻寇起從征助餉晉授宣慰使加太子太保後  
軍都督府崇禎十二年上疏言六月間穀賊復叛  
撫按兩臣調用土兵臣卽捐行糧戰馬立遣土兵  
七千令副長官陳一聖等將之前行悍軍鄧維昌  
等憚於征調遂與譚正賓結七十二村鳩銀萬七

千兩賂巴東知縣蔡文陞以逼民從軍上報阻忠  
義而啓邊釁朝廷命撫按核其事而時事日非矣  
元天性忠義燕京失守其甲申除夕詩有矢志終  
身晉難忘五世韓及何事都門下猶多不罷官等  
句時

大清正朔未及洪光時元猶以蠟丸奏事一時避寇氛  
者如夔陵文相國松滋伍計部數十輩多挈眷相  
從館餐不倦其華陽諸藩及華容孫中丞之避居  
九永諸衛者不時存問隆武二年卒年六十有五  
誥封龍虎將軍賜祭六壇

田霈霖字厚生號雙雲元長子年二十補澧州博士弟子尋改長陽學父元隨征立功霈霖贊襄之力居多晉授容美等處軍民宣慰使加太子太保榮祿大夫後軍左都督賜蟒玉正一品服色後寇氛益熾縉紳之避難者霈霖待之一如元時嘗遣千戶覃應祥閒道赴閩粵行在陳方略無何殘寇一隻虎由清江竄入霈霖不及備遂受其蹂躪不一年憂憤以卒年三十有九

國朝

田旣霖字夏雲元次子年十四補長陽博士弟子

鶴峯州志

卷之一

沿革

七

以兄霈霖無子襲職時

大清定鼎七八年矣諸殘寇降明者荆侯王光興等十餘家窮蹙竄西山借明朝爲名徵糧索餉施歸長巴之閒受其擾害乙未歲旣霖投誠我

朝晉授容美等處軍民宣慰使司宣慰使加少傅兼太子太傅賜蟒玉正一品服色丙申年卒年三十有八

田甘霖字特雲號鍊峯元三子年二十補博士弟子以兄旣霖無子襲職殘明降寇之爲勲鎮者藉容美奉

本朝正朔爲口實阨之於皖國公劉體純營中督部  
李蔭祖奏

聞奉

世祖章皇帝恩旨有田甘霖能否脫歸星速奏聞之諭後  
多方解險棲遲澧陽者四年乃歸任事凋殘之餘  
經營安集並創立學宮康熙間吳逆竊叛脅投僞  
命乙卯年卒年六十有三

田舜年字韶初號九峯甘霖子初受吳逆僞勅後  
繳換襲職屢奉檄從征著有勞績能文章所交多  
一時名士有廿一史纂容陽世述錄許田射獵傳

鶴峯州志

卷之一

沿革

八

奇諸書行世康熙四十五年在武昌卒年六十有  
七

田明如舜年子初爲通州州同承襲父職康熙五  
十二年左都御史趙申喬劾奏奉

恩旨原宥令其改過自新雍正十一年湖廣總督邁柱  
復列款叅奏奉

旨令其來京訊問明如托詞支延大府復委員督催明  
如於是年十一月十一日自縊土目土民遂將部  
印一十八顆解赴荊州公懇改土歸流雍正十三  
年改司爲鶴峯州所有原題部文節錄於左

刑部咨開本部會同吏部院寺會看得容美土司田明如不遵法紀濫給劄付私徵錢糧一案據湖廣總督邁柱疏稱田明如世受

國恩又蒙

皇上屢次宥其過愆令其後改無如非禮越分私給劄付擅用闖人僭造九間五層衙署並建鐘鼓樓上設龍鳳鼓景陽鐘且橫徵濫派黨護兩壻經臣列款糾叅蒙

皇恩優渥令其來京訊問卽當星馳

闕廷泥首悔罪乃扶同土日向日芳向虎闖人劉冒

鶴峯州志

卷之一

沿革

九

仁壽祿壽史東東等商謀假捏撫恤水災奏請寬限攜眷齊赴平山寨險處又已因黨護長壻覃楚昭經部議革職復縱次壻覃禹閭淫殺旗長藏匿不容州縣拘審自知悖逆昭著恐致問罪之師於雍正十一年十二月初三日攜眷搬入萬全洞負固不出土目張彤硃首先繳印餘衆漸次投出明知自知負罪深重民心已變於是月十一日畏罪

自縊經

臣

奏報奉准部覆將田明如子弟及闖人助虐之處行令飭審各犯供認前情不諱應以逃避山澤不服

拘換拒敵官兵律擬斬雖經自縊仍開棺戮屍同謀之向日芳等俱擬斬決劉安太擬絞監候向志高等俱擬流等因具奏奉

旨田明如畏罪潛藏投繯自盡尙與抗拒官兵者有間著從寬免其戮屍凡田明如之孽皆由自作其眷屬及脅從牽連之人俱係聽伊指使情有可原此本內所擬斬絞各犯俱從寬免死交與總督邁柱分別安插別省居住田明如之衣飾等物仍賞給田明如之妻子其田產亦不必入官著查明變價亦賞伊妻子以爲度日之資所有牽連治罪各犯

鶴峯州志

卷之一

沿革

十

著邁柱酌其情罪減等發落其首先繳印之石梁司長官張彤硃著賞給千總職銜支食俸薪以示獎勵欽此

又

刑部咨開本部會同戶部會議得容美土司田明如等不遵法紀一案據湖廣總督邁柱疏稱遵查田明如既蒙

皇仁原宥免其戮屍其眷屬及所擬斬絞各犯俱從寬免死分別安插則田明如之妻妾子女應請照犯斬絞土司之家口安插遠省例與應流徙烏喇之

父母祖孫兄弟免其異處一併解交陝西安插其向日芳向虎闖人劉冒仁壽史東東俱係擬斬之犯今蒙

皇上法外施仁從寬免死應將田明如家口解交陝西安插令其團聚至向日芳等雖免死不便一同安插應請將向日芳向虎闖人劉冒仁壽史東東解交廣東安插其向日芳等之眷屬亦當仰體

聖慈與向日芳一同安插再田明如之田產既沐皇恩賞給伊妻子以爲度日之資其向日芳等田產應請變價賞給伊等以廣

鶴峯州志

卷之一 沿革

十一

皇仁除田明如之衣飾等物已給伊妻子收領外其各田產一時難於變售應請確估定價先動存公銀兩照數給與分別起解再行歸款先繳印之土弁張彤硃旣蒙

皇恩賞給千總職銜支食俸薪銀兩應於奉文之日爲始令地方官於地丁銀內支給造報伊弟田琨如及田召南均無助虐情事原議照律不坐但容美已經改流不便發回土境應於本省另行安插使

得其所等因俱題前來除擬徒之麻老丑已經病故不議外應如該

督所題完結等因雍正十三年閏四月二十日奉  
旨依議欽此

又

吏部咨開本部會議得湖廣總督邁柱等疏稱容  
美地方幅員一千五百餘里非分設一州一縣不  
足以資治理今查容美司舊治人烟聚集應於此  
處設知州一員吏目一員五里坪距舊司治稍遠  
與慈利縣河道相近擬設州同一員北佳坪爲北  
路要區擬設州判一員均屬新州管轄五峯司地  
勢開敞爲石梁水盡長茅諸司總會應於此處設

鶴峯州志

卷之一

沿革

三

知縣一員典史一員東西以金山雲霧村爲界南  
北以百順橋爲界約計州境週圍八百餘里縣境  
週圍六百餘里又灣潭地方係適中之地應於此  
處設分防同知一員就近稽查彈壓查容美舊屬  
荊州府轄但荊州遠在東北惟於彝陵則僅隔長  
陽一縣且設有重鎮向來容美邊地事原責成彝  
陵鎮控制今文武事應畫一應於彝陵建立府治  
改彝陵州爲附郭之縣再彝陵旣設府治歸州應  
改去直隸並長陽興山巴東三縣與容美議設之  
一州一縣共二州五縣均隸新府管轄仍以荊州



道爲統轄又容美大崖關外卽湖南慈利縣界其所屬山羊隘遠距縣城通容美河道應將大崖關外慈利所轄近關五十里以內之地撥歸新州管轄設巡檢一員以資巡防其原有土百戶一員應請革除等語應如該督等所請容美舊司治地方准其設立

云

云

又疏稱新府州縣如蒙

俞允恭請

欽定佳名等因雍正十三年三月初一日奉旨依議欽此

鶴峯州志

卷之一

沿革

三

鶴峯州志卷之二

疆域志

一州之中官司所莅民籍所繫而財賦於是乎出  
鶴峯幅員遼廓設流初前牧與鄰邑官吏循行履  
勘經界旣正矣厥後民人開墾界之犬牙相錯者  
彼此訟爭三十餘年而後息然後歎申畫郊圻古  
人所以斤斤致慎也疆域明則綱舉目張而庶事  
可次第列矣爰爲詳其廣袤四至而鄉里保分鋪  
遞皆備列焉志疆域

疆界

鶴峯州志

卷之二

疆域

一

東西廣一百九十里南北袤三百四十五里周圍  
八百餘里

東至百順橋九十里抵長樂縣界

西至牛喫水一百零五里抵宣恩縣界

南至山羊隘二百里抵慈利縣界

北至金谿口一百四十五里抵巴東縣界

東北至上王界一百四十五里抵長樂縣界

西北至虎鶴嶺一百四十五里抵建始縣界

西南至杉木界六十五里抵桑植縣界

東南至西溪河一百六十二里抵石門縣界

鄉里

東興仁鄉

西崇讓鄉

南禮陶鄉

北樂淑鄉

東鄉分爲二里曰博愛曰元長

西鄉分爲二里曰在道曰在田

南鄉分爲五里土司舊治二里曰節文曰儀則慈

利撥歸三里曰崇本曰貴和曰謙吉

北鄉分爲三里曰純化曰和平日以成

鶴峯州志

卷之二

疆域

二

以上共爲四鄉十二里

每鄉設鄉約或一人或二人

保分

本城二保

厚生坊 正德坊

元長里四保

張家村 觀音坡 平山 銀硃寨

張家村併入正德坊

觀音城併入茅竹山

博愛里四保

溪坪 燕子坪 清水溜 後康

節文里五保

水寨 下平溪 上平溪 墻苔 東鄉坪

三潭井 水寨併入正德坊

儀則里五保

螞蟻坡 南府 五里坪 六峯 下洞

崇本里六保

白果坪 官庄坪 千金坪 走馬坪 上陽

河 下陽河

貴和里六保

芭蕉河 升子坪 剛家灣 所坪 後溪坪

三望坡

鶴峯州志

卷之二

疆域

三

謙吉里七保

細沙坪 鍊鑪坪 大典河 江口 柘坪

七郎坪 紅土坪

在道里三保

龍潭坪 脚踏坪 大水湄

在田里四保

太平鎮 舊建城 黃檗山 三岔口

和平里六保

茅竹山 麻旺村 北佳坪 茅坪 新地

麻水 麻旺村併入厚生坊

純化里六保

梅果灣 韭菜壩 下坪 小龍潭 岩門子

劉家司

以成里三保

尋木嶺 鄔陽關 咸盈河

以上原分六十一保除合併四保外現在實共五

十七保

每保設保正一人或分爲二甲三甲每甲設甲長一人

按保甲之設宋王安石祖周禮大司徒比閭族黨之意以籍鄉村之民二丁取一十家爲保保丁皆授以弓弩教之戰陣其要在於訓練齊民使

鶴峯州志

卷之二

疆域

四

皆可戰有司奉行不善未收其效明王守仁撫贛檄所屬嚴行十家牌法令居城郭者十家爲甲在鄉村者村自爲保各自糾舉甲內有平時習爲盜賊者捕官究治其過惡未稔者報名在官諭令自新由是奸細無由藏匿蔡懋德備兵嘉湖因仿之爲簡便保甲法其要但令各甲止查十家中行徑可疑之人密首捕送尤爲易行至

國朝而制益詳備總之稽查協捕乃保正甲長專責鶴峯山深壤僻尤易藏聚奸匪故承充正長必

令紳耆公舉誠實諳練之人責以實力稽查協捕於保民乃爲有裨若但供期會奔走之役甚且與胥吏相緣爲奸不惟於保民無濟而反受其困矣予旣備列一邑保分而附論正長之利弊如此

鋪遞

州前總鋪一 鋪兵三名

東路鋪遞五

涼水井 鋪兵二名

石龍洞 鋪兵二名

鶴峯州志

卷之二 疆域

五

燕子坪 鋪兵二名

三陡坪 鋪兵二名

百順橋 鋪兵二名

南路鋪遞四

茶店子 鋪兵一名

五里坪 鋪兵一名

白果坪 鋪兵一名

山羊隘 鋪兵一名

北路鋪遞二

水沙坪 鋪兵一名

北佳坪 鋪兵一名

路程

自州城至府城五百零五里由府城至省城一千零八十里由省城至京二千八百八十五里

鶴峯州志卷之三

山川志

鶴峯環邑皆山也舊志僅卽山著名者書之而川則闕而弗詳顧層巒疊嶂中有衝要有險隘概不容畧而州治以河爲襟帶激石揚波亦有一綫溪流足資灌溉均宜析其源委也志山川

山

印山脈來自四川由施南至州北望鄉臺迤邐起伏南趨州治城垣北踞其嶺南蟠其麓東西各隨其支分頂有磐石方如印爲州治後展

鶴峯州志

卷之三

山川

一

八峯山面河壁立形如筆架爲州治門屏

紫草山自州東北蜿蜒西來下注龍溪爲州治左翼

芙蓉山位西面東形如仰坐山頂峯巒參錯疊出爲州治右翼

城東

九峯山 紫雲山山頂建廟名紫雲宮 老虎坡

觀音坡 銀硃砦 雷打崖 平山頂平周圍

可百里巉石壁立土司舊設城建署於上以禦外寇西面山腰有洞下臨深澗門圓中空澗土司并



於其內修葺居址以備緩急名爲萬全洞碑記尙存  
天台山頂有廟名杉樹觀 牛鹿頭山頂與長樂分界爲往來要路 鯉魚山 龍頭山

城南

五峯山 羊角山 刀脊嶺 紫荊山 龍門山  
朱家山 百歲山 屏風山 天仙山 古城山  
鐵靈官山 馬王臺山 古老山 桐木山  
雁堽與桑植慈利二縣分界 立虎坡 螞蟻坡  
紅毛三尖 茅戶坡 大崖關 小崖口  
牛角尖與石門縣分界 神門鬼桶與慈利縣分

鶴峯州志

卷之三

山川

二

界 青猴城 婆婆山 九女砦

城西

撒穀嶺 七架山 青龍山 金龍山 老土界  
杉木界與桑植縣分界 觀山土司設砦山頂  
以備鄰司有警則守者鳴角山頂以次遞傳不逾  
刻而達司治其石砌砦門今尙存 奇峯山 黃柏山  
分水嶺與宣恩分界 火燒嶺 燒巴崖  
與宣恩縣分界 觀音山 鐘菴山

城北

茅竹山 銅山 瑪瑙山 天泉山小於平山而

險峻過之土司未築平山之先設砦於此 白鹿  
坡 望鄉臺 上望界與長樂縣分界 雞公山  
香鑪山 石寶山 天星砦三姊妹山 馬灣  
嶺 向家山 高木山 唐正山

川

州屬東西北三面之水皆歸州治合而南流入慈  
利縣境其發源皆係暗泉瀑布溪澗行潦滙而  
成河所有分合源委備列如左而各溪流之溉  
田畝者並析載焉

城東水由牛鹿頭蕎陽坪諸溪澗滙於清水湄與

鶴峯州志

卷之三

山川

三

西南徐家莊溪流水合而伏流至九峯橋洞口  
乃見與北路水合西流七里而達州治

城北水由望鄉臺以上諸溪澗南流至北佳坪受  
巴子山以上之水下至兩河口受石寶以上之  
水又下至紫雲山受狗兒溪之水至九峰橋與  
東路水合而達州治

城西水由三岔口以上諸溪澗東流經茅坪一帶  
南折至王家坪受小乾溪之水下至兩河口與  
州治水合而南出麋子峽

麋子峽以下水東南流至青猴城受南渡江之水

下至大冶坪始通州楫又下江口受大典河之水入慈利界大典河下之鍊鑪坪亦可行船江口以上麂子峽以下巉石阻隔疏鑿難施故商船不通其尤險之處曰黃牯洞曰神門鬼榻曰新崩

東西北三路之水有未達州治者東北朝陽坪鄔陽關等處皆循山曲轉流入長樂巴東二縣境內西路則分流宣恩桑植二縣

西路奇峯關以上之水流至舊建城之小水湄而伏洞長灣以上之水流至太坪鎮之大水湄而伏香溝水出龍潭坪至回水套而伏各水均可溉田又青龍山底有水伏流合於大水湄之伏流至麂子峽而見

千金坪溪流下滙枯樹壩溪流至楊家坪滙楸木坑溪流出龍門幹由高橋入大典河溉田不計畝

古城寨溪流由獅毛溪至芭蕉河入大典河溉田不計畝

上陽河溪流至自生橋滙下陽河溪流入水流溪至大冶坪溉田不計畝

官倉坪溪流會八方園溪流出長澳口由小庄坪至高橋滙龍門幹水入大典河溉田不計畝白菓坪溪流所坪溪流花橋溪流皆出南道崖會升子坪溪流下入大典河溉田不計畝懶板橋溪流由後溪坪至青剛坡出大典河溉田不計畝

山竇流泉時伏時見間有澗寬一二尺而獲魚一尾重至數斤蓋石山戴土底多石罅溪河之水由罅分流而魚隨之也

按鶴邑山脈發源西蜀既入州境其在東西北三

面者於百里以外忽起忽伏蜿蜒盤折而當乎州治之南岡巒攢列近州治壁立八峯作屏障又水亦東西北三面循山曲轉達州治其東北二面由州治九峯山麓西流七里作襟帶至峽口與西來水合而南折焉蓋山水之勢若天造地設成此形勝此容美土司用以建中府而設流時復仍其地爲州治而不易也若夫雄關四塞東牛鹿頭西奇峯關南大崖關北鄔陽關皆衝途扼要之處一夫當關萬夫望而卻步矣然而層山萬壑峭若削窟若鑿崢嶸突兀類奇鬼

猛獸要皆天然保障當容美時盤踞蝸角固足  
雄長諸蠻而十餘年前蓮匪奔竄宜郡七屬凡  
遭蹂躪者六而鶴邑獨無烽火之警非由形勝  
可恃與

國家承平日久金湯鞏固官斯土者旣萬萬無虞  
寇盜而搜奇攬勝之餘如或思患預防披圖以  
考當亦瞭然於扼塞之所在也夫

鶴峯州志卷之四

營建志

凡舊疆之營建成於因而新城之營建出於創始  
基不善後雖欲踵事增華無由也鶴爲邑八十餘  
年自城郭官廨以及津梁街市靡不具焉建在官  
者民樂其觀成建在民者官喜其急公雖僻壤荒  
陬難侈觀美而有守土之責者爲保障不爲繭絲  
更以時修舉廢墜焉斯萬世永賴己志營建

城垣

土司舊無城垣設州後臬司王柔巡道姜邵湘相

鶴峯州志

卷之四

營建

一

度地勢令知州毛峻德鳩工庀材卽建城於土  
司舊治所謂中府者是也城負山臨河周圍六  
百丈高一丈七尺下廣一丈三尺上廣七尺堞  
口五百零三个外砌以石內甃以甌開門四東  
永安西太平南迎恩北同樂開口五一東門右  
一南門左一南門右一西門左一西門右開之  
大小因受水之多少爲之

衙署

知州署在東門內原爲土司署雍正十三年知州  
毛峻德改建乾隆四十八年至嘉慶十三年修

補三次

頭門三間對面照牆一座東西轅門二柵柵各有額東曰拊循芸庶西曰保障巖封

儀門三間門外西爲監獄東爲土地祠

戒坊一座東西書吏房各四間

大堂三間東西庫房各一間

二堂五間東西廂房各三間宅門外小偏厦東西各一間

二堂東廚房三間又東常平倉一座原爲土司田舜年南藩近日樓至田明如改建寶善樓其刊

鶴峯州志

卷之四

營建

二

牆碑記俱存乾隆元年知州毛峻德改爲倉倉前爲倉神祠祠前爲射圃祠東又倉廩五間

二堂西書房三間又西書房前後各三間後三間今廢西書房前爲荷花池池中爲荷花亭

三堂五間東西廂房各三間

三堂後山有六方亭一座名爲鶴亭今廢

三堂西有方亭一座今廢

州同署在五里坪乾隆二年知州毛峻德建乾隆三十七年州同缺裁四十年奉文以衙署變價其舊基邑人建立關帝廟

州判署在北佳坪乾隆二年知州毛峻德建  
訓導署在明倫堂左乾隆三十五年闔邑士民捐  
建

吏目署在州署西乾隆二年知州毛峻德建

巡檢署在白果坪乾隆二年知州毛峻德建

常平倉分貯山羊隘倉厥在巡檢署左

遊擊署在西門內原爲土司舊署紅梅閣地雍正

十三年知州毛峻德改建

守備署在南門內原爲土司舊署雍正十三年知

州毛峻德改建千總署乾隆三十三年移灣潭

鶴峯州志

卷之四

營建

三

守備駐防州城署卽仍之

右司把總署在西門內

左司把總署在奇峯關

前司把總署在五里坪

左哨外委千總署在鄔陽關

左司外委把總署在北佳坪

前司外委把總署在白果坪

演武亭在南門外較場

營房塘房舖舍

州城營房二百三十間



各汛營房共七十七間

各汛塘房共一百二十四間

舖遞一十二處共舖舍三十六間

局

軍裝局在北門內

火藥局在北門

館

奇峰關寅賓館三間在把總署左

院

孤貧院原建西門外大街乾隆四十年間移山川

鶴峯州志

卷之四

營建

四

壇之左

以上俱雍正十三年知州毛峻德建

津梁

尖壩渡城東五里渡船一隻渡夫二名歲支工食

雍正十三年知州毛峻德詳設後改設渡船口

嘉慶十二年邑庠唐良鳳仝兄良龍等呈請移

設刺岩潭釀金置田以備每歲修整船隻暨額

外加給渡夫工食之費

按渡田租現在實數龍尾坵水田當價一百千

文中嶺朝山坡旱地二處共當價三十八千文

彭姓旱地價四十千文原渡夫向姓旱地價一百六十千文戴姓旱地三十千文另趙儒欽交給首人生息錢二十千文爲屆期修船費用唐良龍家不中貲緣此舉構訟受累得儒欽慨然解囊人樂爲之助經費稍備然每年僅租穀十石零尙需將來籌增云

兩河口渡城西三里船隻渡夫暨詳設年分與尖坵同嘉慶十二年邑人何夢芝王永安等呈請釀金置田如尖坵渡之例

按是渡義田數目設計灣潭買旱地一處錢四十四千文聶家坵當劉姓水旱田地錢五十千文約得穀十餘石渡夫自種修船另歸地方公捐

南渡江渡城南六十五里船隻渡夫暨詳設同前嘉慶十二年邑人覃繼遠田光宗等呈請釀金置田亦如前例

江坪九女河渡城南一百二十里乾隆四年知州毛峻德捐設渡船一隻并於渡口買置旱地山場以爲渡夫養贍及修整船隻之費立有普濟渡石碑碑後鐫勒旱地山場界址并糧銀數目

按租錢每年四千八百文不敷渡夫養贍因索取往來錢文而地經開墾承種者租錢可陞嘉慶年間民人等呈請陞租穀二十石以給渡夫而禁止索錢有卷存檔

水砦渡在城外較場下附郭邑人公置渡船一隻渡夫養贍公同捐給

王家坪渡在城西三里附近邑人公置如前例

徐家莊渡在城東七十五里附近邑人公置如前例

唐家渡在慈利交界

鶴峯州志

卷之四

營建

六

五里潭渡在城南四十五里

津梁

龍溪橋在東街口俗呼桂花橋舊有桂花二株今無

百順橋在城東八十里土司時有白鹿堂田舜年嘗集文人著書於此堂久廢

望喜橋在城東

天然橋在城東

通濟橋在城東

閃橋在城西茅琪

高橋在城北劉家司下今廢

高橋在城北水古洞下

允盈橋在關外所坪

花橋在關外杉木場下

回龍橋在千金坪

公安橋在城北白鹿坡傾圮已久嘉慶四年邑人

部泮田指南等勸捐重建

天星橋在城東土司舊建

新建橋在城東張家村乾隆四年知州毛峻德捐  
建

三元橋在西街口乾隆五十三年大水冲塌五十

八年邑人洪繼周李林安喻文奇等倡捐重修

街市

城外街市

石龍洞在城東

太平鎮在城西

燒巴崖在城西有市期

五里坪在城南有市期

白果坪在城南

走馬坪在城南有市期

懶板凳在城南

鍊爐坪在城南

三路口在城南

麻水在城北有市期

按邑無異產奇貨肩擔背負以有易無而已一  
閔之市有定期趕場者前官設客總場頭以專  
責成利之所在爭端起焉而集衆之地尤藏奸  
匪當官者宜加稽查也

鶴峯州志

20260.285  
136  
2020

卷五至卷八

賦役 風俗  
物產 祠祀



鶴峯州志卷之五

賦役志

朝廷任土作貢所以贍經費待積儲也鶴邑莅民者有州衛民者有營需用孔多矣而正供不及大縣之耗羨地形磽确物產涼薄故也邑內峻嶺崇山幅員幾廣千里而掛猿眠鶴之區多帶牛佩犢之地少我

高宗純皇帝加惠元元輕徭薄賦以視他邑之膏腴饒沃者輸將尤易此吾民所以沐浴歌詠幸生聖人之世也志賦役

一戶口

改土案內乾隆二年

勘出人丁壹千玖百貳拾肆丁於奏明事案內詳請  
題明照康熙伍拾貳年滋生人丁之例免派丁

銀奉准

部覆在案

又慈利縣乾隆貳年

撥歸隨糧人丁玖丁

每丁派銀貳錢玖分柒釐貳毫  
柒絲陸忽玖微伍塵叁纖伍渺

共該徵丁銀貳兩陸錢柒分伍釐肆毫玖絲貳  
忽伍微捌塵壹纖伍渺

鶴峯州志

卷五

賦役

二

雍正玖年編審增益滋生人丁叁丁

乾隆元年編審增益滋生人丁叁丁

乾隆陸年編審增益滋生人丁叁丁

乾隆拾壹年編審增益滋生人丁叁丁

乾隆拾陸年編審增益滋生人丁叁丁

乾隆貳拾壹年編審增益滋生人丁叁丁

乾隆貳拾陸年編審增益滋生人丁叁丁

乾隆叁拾壹年編審增益滋生人丁叁丁

捌屆共增益滋生人丁貳拾肆丁欽奉

恩詔永不加賦



又改土案內勘出人丁壹千玖百貳拾肆丁於奏明  
事案內詳請

題明照康熙伍拾貳年滋生人丁之例免派丁  
銀奉准

部覆在案

乾隆六年編審增益滋生人丁壹拾伍丁

乾隆拾壹年編審增益滋生人丁伍丁

乾隆拾陸年編審增益滋生人丁叁丁

乾隆貳拾壹年編審增益滋生人丁伍丁

乾隆貳拾陸年編審增益滋生人丁肆丁

鶴峯州志

卷五

賦役

三

乾隆叁拾壹年編審增益滋生人丁肆丁

陸屆共增益滋生人丁叁拾陸丁欽奉

恩詔永不加賦

伍年編審人丁壹次於乾隆叁拾柒年  
柒月內奏准通政司咨乾隆叁拾柒年陸

月內關抄出  
上諭伍年編審沿襲虛文無裨實政永行停止

又於欽奉

恩詔事乾隆拾壹年編審案內遵照

部文將該州乾隆拾年民賦陞懇糧銀照現  
今攤徵之則派徵丁銀玖釐肆毫壹絲柒微  
伍塵捌纖叁渺捌漠捌茫自乾隆拾貳年爲  
始起徵

又於欽奉

恩詔事乾隆拾陸年編審案內遵照

部文將該州拾貳拾肆拾伍拾陸等年陞懇糧銀照現今攤徵之則派徵丁銀壹兩伍錢陸分捌釐玖毫叁絲肆忽壹微玖塵肆渺玖漠肆茫

又於欽奉

恩詔乾隆貳拾壹年編審案內遵照

部文將該州乾隆拾柒拾捌拾玖貳拾貳拾壹等年陞墾糧銀照現今攤徵之則派徵丁銀叁兩貳錢玖分叁釐肆毫玖絲玖微伍塵伍纖伍渺肆漠貳茫自乾隆貳拾貳年爲始起徵

又於欽奉

恩詔事乾隆貳拾陸年編審案內遵照

部文將該州乾隆貳拾貳拾陸兩年陸墾糧銀照現今攤徵之則派徵丁銀壹兩陸錢貳分叁釐捌毫貳絲肆忽伍微柒塵貳纖肆渺壹漠柒茫自乾隆貳拾柒年爲始起徵

又於欽奉

鶴峯州志

卷五

賦役

四

恩詔事乾隆參拾壹年編審案內遵照

部文將該州乾隆貳拾柒貳拾玖參拾壹等

年墾墾糧銀照現今攤徵之則派徵丁銀叁

兩貳錢肆分捌釐五毫柒絲貳微陸塵捌纖

捌渺貳漠陸茫乾隆參拾陸年屆當伍年編

審適奉文停止造報新墾糧

銀應攤丁銀奉准

部咨覆隨年攤徵嗣奉

上諭丁糧壹事仍悉其舊復經詳請咨准

民賦新墾地畝應派丁銀係按陸糧科則派

算歸於伍年編審具題其題報伍年編審人

丁之例既已停止似可毋庸

專案具題至攤派丁銀欽奉

諭旨悉仍其舊亦應仍以伍年壹次彙造攤徵

送丁冊隨同

奏銷

賦役

送部以備查核

賦役

五

鶴峯州志

卷五

五

又乾隆肆拾年墾墾糧銀照現今攤徵之則派徵

丁銀伍錢伍分伍釐貳毫叁絲肆忽柒微肆塵

肆纖玖渺壹漠玖茫自乾隆肆拾貳年為始起

徵

又乾隆伍拾年新墾糧銀照現今攤徵之則派徵

丁銀柒分叁釐柒毫壹絲柒忽陸微柒纖叁渺

柒漠叁茫自乾隆伍拾貳年為始起徵

查此項

按數徵收彙造攤征丁冊隨同

奏銷送部查核在案理合登明

土田

原改土并撥歸共田地基園柒百壹頃肆拾柒畝玖

分伍釐壹絲內

改土案內乾隆貳年

勘出成熟田地共陸百伍拾肆頃陸分捌釐玖毫則各

不科糧叁百叁拾玖石叁斗捌升陸合叁勺

柴抄陸圭捌粒乾隆元年欽奉

上諭卽以原徵秋糧作為定額欽遵按則均攤每糧壹石派條

銀壹錢伍分伍釐伍毫貳絲玖微五塵該條

捌纖貳渺陸漠叁茫伍沙伍灰伍漂

銀伍拾貳兩柒錢捌分壹釐陸毫玖絲叁忽

伍微捌塵玖纖柒渺肆漠肆茫每糧壹石派餉銀伍分肆釐壹毫

鶴峯州志 卷五 賦役 六

捌兩叁錢玖分陸毫肆絲柒微柒塵陸纖貳

漠貳茫

又慈利縣乾隆貳年

撥歸田地基園共肆拾柒頃肆拾柒畝貳分陸釐壹

毫壹絲內

上則田玖拾玖畝肆分貳釐陸毫陸絲每畝科糧肆升柒合

該糧肆石陸斗柒升叁合伍抄貳圭每畝科

分陸釐柒毫玖絲肆忽貳微該條銀叁兩陸

錢伍分捌釐叁毫貳絲肆忽伍微肆塵伍纖

捌渺壹漠肆茫肆沙伍漂每畝科餉銀壹分叁釐柒毫玖絲壹

徵肆塵捌織 該餉銀壹兩叁錢柒分壹釐壹

毫柒忽陸微壹塵玖織壹漠捌茫肆沙肆漂

中則田貳頃伍畝伍分叁釐壹毫伍絲每畝科糧肆升貳合

該糧捌石陸斗叁升貳合叁勺貳抄叁撮每畝

科條銀叁分貳釐捌毫柒絲玖忽 該條銀陸

兩柒錢伍分柒釐捌毫陸絲肆忽貳微玖塵

玖織捌沙捌漠捌茫捌沙肆漂每畝科餉銀壹分貳釐叁

毫貳絲叁忽壹微壹 該餉銀貳兩伍錢叁分

貳釐柒毫捌絲柒忽伍微伍塵捌織叁沙柒

漠柒茫貳沙壹漂

鶴峯州志

卷五

賦役

下則田壹頃玖拾畝伍分叁釐肆毫每畝科糧叁升柒合 該

糧柒石肆升玖合柒勺伍抄捌撮每畝科條銀貳分捌

釐玖毫陸絲伍忽陸微陸 該條銀伍兩伍錢

壹分捌釐玖毫肆絲肆忽柒塵玖織叁沙壹

漠玖茫玖沙伍漂每畝科餉銀壹分捌毫伍絲陸忽柒塵肆織貳沙柒

茫 該餉銀貳兩陸分捌釐肆毫伍絲壹忽

貳微伍塵陸織壹沙叁茫叁沙捌漂

全墾田叁拾伍頃玖拾畝肆分柒釐貳毫照道州下則每

畝科糧壹升柒 該糧陸拾壹石肆斗陸升捌

合捌勺捌抄陸圭肆粒每畝科條銀壹分柒釐玖毫肆絲叁忽叁

微陸塵肆織柴  
該條銀陸拾肆兩肆錢貳分

伍釐壹毫肆絲捌忽柒微柒塵捌織壹渺玖

茫伍沙伍漂每畝科餉銀陸釐貳毫伍絲壹忽玖微柒塵柒織柒渺捌漠肆

該餉銀貳拾貳兩肆錢肆分柒釐伍毫伍

絲壹忽壹微柒塵捌織柒漠肆茫肆漂

中則地肆拾柒畝壹分肆釐每畝科糧貳升伍合該糧壹石

壹斗柒升捌合伍勺每畝科條銀壹分玖釐伍毫柒絲壹忽叁微玖

塵伍織肆沙玖漠捌茫該條銀玖錢貳分貳釐伍毫玖

絲伍忽伍微捌塵叁織柒渺柒漠伍茫柒沙

貳漂每畝科餉銀柒釐叁毫叁絲伍忽壹微捌塵伍織叁渺貳漠壹茫該餉

鶴峯州志 卷五 賦役 八

銀叁錢肆分伍釐柒毫捌絲陸微叁塵陸織

叁漠壹茫玖沙肆漂

下則地伍頃貳拾陸畝陸分捌釐柒毫每畝科糧壹升叁合

玖勺玖抄伍撮該糧柒石叁斗柒升玖勺捌抄肆撮

伍圭陸粒伍粟每畝科條銀壹分玖毫伍絲陸忽伍微叁塵伍織柒漠叁

茫柒沙陸漂該條銀伍兩柒錢柒分陸毫陸絲肆

忽伍微捌塵捌織叁渺玖漠叁茫肆沙叁漂

每畝科餉銀肆釐壹毫陸忽貳微叁塵陸織柒渺肆漠叁茫該餉銀貳兩

壹錢陸分貳釐柒毫壹忽伍微壹塵壹織肆

渺陸漠肆沙肆漂

基園捌拾柒畝肆分柒釐每畝科夏稅麥糧壹該

麥糧壹石伍斗玖升捌合柒抄陸撮玖圭每畝

科麥銀壹分壹毫捌絲玖忽該麥銀捌錢玖

分壹釐貳毫陸絲叁忽壹微貳塵伍纖捌渺

玖漠壹茫叁沙每畝科餉銀伍釐叁毫陸絲

該餉銀肆錢陸分捌釐捌毫捌絲柒忽陸微

捌纖柒渺捌漠肆茫伍沙壹漂

改土案內勘出成熟田地共陸百伍拾肆頃陸分捌

釐玖毫

科糧叁百叁拾玖石叁斗捌升陸合叁勺柒抄陸

鶴峯州志 卷五 賦役 九

圭捌粒每糧壹石派銀則

共徵銀伍拾貳兩柒錢捌分壹釐陸毫玖絲叁忽

伍微捌塵玖纖柒渺肆漠肆茫

玖釐餉銀壹拾捌兩叁錢玖分陸毫肆絲柒微柒塵

陸纖貳漠貳茫

慈利縣撥歸田地基園共肆拾柒頃肆拾柒畝貳

分陸釐壹毫壹絲科派糧銀各則俱

該糧玖拾壹石玖斗柒升壹合伍勺柒抄叁撮叁

圭伍粟

共徵銀捌拾捌兩壹分伍釐柒毫玖絲伍忽肆微

陸塵壹織捌沙玖漠玖茫伍沙伍漂內有書後開載

撥歸班匠銀柒分玖毫玖絲肆微陸塵陸渺玖漠陸茫參沙壹漂係乾隆貳拾叁年奉文於奏銷冊內刪除班匠名色統歸地丁條編造報

該餉銀叁拾壹兩叁錢玖分柒釐貳毫陸絲柒忽

叁微陸塵柒織捌沙肆漠玖茫玖沙陸漂

以上改土并撥歸田地基園共柒百壹頃肆拾柒畝

玖分伍釐壹絲

共科糧麥肆百叁拾壹石叁斗伍升柒合玖勺肆

抄叁撮玖圭捌粒伍粟各科不等

共該條銀壹百肆拾兩柒錢玖分柒釐肆毫捌絲

鶴峯州志

卷五

賦役

玖忽伍塵壹織陸渺肆漠叁茫伍沙伍漂

共該餉銀肆拾玖兩柒錢捌分柒釐玖毫捌忽壹

微肆塵叁織捌沙柒漠壹茫玖沙陸漂各科則不

等

乾隆肆年開墾額外田地陸頃伍拾伍畝肆分叁釐

伍毫

科糧貳石捌斗叁升玖勺肆抄壹撮捌圭

該條銀貳兩玖錢陸分柒釐玖絲貳忽叁微陸塵

捌織伍沙

乾隆伍年開墾額外田地柒頃叁拾肆畝壹分叁釐



科糧叁石壹斗肆升貳合柒抄陸撮肆圭

該條銀叁兩貳錢玖分叁釐壹毫玖絲伍微玖塵

叁緘玖渺壹漠陸茫

乾隆陸年開墾額外地陸頃玖畝貳分肆釐

科糧貳石陸斗貳升叁勺捌抄柒撮貳圭

該條銀貳兩柒錢肆分陸釐肆毫壹絲壹忽肆微

壹塵壹緘捌漠肆茫

乾隆柒年開墾額外地叁頃貳畝伍分

科糧壹石貳斗玖升肆合柒勺

該條銀壹兩叁錢伍分陸釐玖毫陸絲陸忽玖微

鶴峯州志

卷五

賦役

十一

陸塵肆渺貳漠玖茫

乾隆玖年開墾額外地壹頃柒拾貳畝叁分

科糧柒斗叁升柒合肆勺肆抄肆撮

該條銀柒錢柒分貳釐玖毫壹絲肆微叁塵柒緘

貳渺玖漠陸茫

乾隆拾年開墾額外地玖頃壹拾伍畝陸分

科糧叁石玖斗貳升玖合肆抄

該條銀肆兩壹錢壹分捌釐貳忽貳微壹塵叁緘

柒渺玖漠捌茫

乾隆拾壹年開墾額外地叁頃陸拾肆畝叁分伍釐

科糧壹石伍斗伍升玖合肆勺壹抄捌撮

該條銀壹兩陸錢叁分肆釐肆毫壹絲陸忽貳微

叁塵捌纖壹渺貳漠叁茫肆沙

乾隆拾叁年開墾額外地壹頃捌拾肆畝

科糧捌斗肆合陸勺肆抄

該條銀捌錢肆分叁釐叁毫叁絲捌忽壹微肆塵

肆纖貳茫

乾隆拾伍年開墾額外地壹拾玖頃陸畝玖釐玖

毫

科糧捌石貳斗玖升貳合玖勺貳抄叁撮柒圭貳

粟

該條銀捌兩陸錢玖分壹釐柒毫陸絲壹忽叁微

捌塵柒纖玖渺肆漠肆茫伍沙

乾隆拾陸年首墾額外地貳拾叁頃壹拾壹畝叁

分

科糧壹拾石壹斗柒升伍勺陸抄肆撮

該條銀壹拾兩陸錢伍分玖釐柒毫肆忽肆微貳

塵叁纖叁渺陸漠肆茫

乾隆拾柒年開墾額外地玖頃貳拾玖畝

科糧肆石壹升叁勺陸抄

該條銀肆兩貳錢叁釐貳毫叁絲叁忽壹微玖塵  
陸纖肆渺叁漠陸茫

乾隆拾玖年開墾額外地壹拾伍頃貳拾伍畝伍分  
科糧陸石伍斗貳升玖合壹勺肆抄

該條銀陸兩捌錢肆分叁釐壹毫伍絲柒微叁塵  
柒纖陸渺叁漠伍茫

乾隆貳拾壹年開墾地壹拾陸頃玖拾伍畝捌分柒  
釐

科糧柒石貳斗伍升捌合叁勺貳抄叁撮陸圭  
該條銀柒兩陸錢柒釐肆毫叁忽伍微壹纖肆渺

鶴峯州志

卷五

賦役

叁漠壹茫

乾隆叁拾年開墾額外地柒頃捌畝

科糧叁石叁升貳勺肆抄

該條銀叁兩壹錢柒分伍釐玖毫柒絲伍忽伍微  
陸塵叁纖伍渺捌漠叁茫

乾隆肆伍陸柒玖拾拾壹拾叁拾伍拾陸拾柒拾玖

貳拾壹叁拾等年額外墾墾餉銀貳拾兩伍

錢貳分柒釐壹毫伍絲陸忽壹微陸塵叁纖

肆渺貳漠柒茫陸沙

以上人丁田地基園條餉並額外墾墾及墾帶丁銀

共額銀貳百捌拾叁兩壹釐陸絲捌忽陸微  
捌纖伍渺柒漠玖沙壹灰壹漂內除乾隆拾  
年墾帶丁銀玖釐肆毫壹絲柒微伍塵捌纖  
叁渺捌漠捌茫又除乾隆拾貳拾肆拾伍拾  
陸等年墾帶丁銀壹兩伍錢陸分捌釐玖毫  
叁絲肆忽壹微玖塵肆渺玖漠肆茫又除乾  
隆拾柒拾捌拾玖貳拾貳拾壹等年墾帶丁  
銀叁兩貳錢玖分叁釐肆毫玖絲玖微伍塵  
伍纖伍渺肆漠貳茫又除乾隆貳拾貳拾  
陸兩年墾帶丁銀壹兩陸錢貳分叁釐捌毫

鶴峯州志

卷五

賦役

十四

貳絲肆忽伍微柒塵貳纖肆渺壹漠柒漠又  
除乾隆肆拾年墾帶丁銀伍錢伍分伍釐貳  
毫叁絲肆忽柒微肆塵肆纖玖渺壹漠玖茫

查墾帶丁銀 奏銷  
冊內係另款登收

實起運

戶部項下地丁條餉等銀貳百柒拾貳兩柒錢壹釐  
陸毫叁忽壹微壹塵柒纖玖渺捌漠肆茫玖  
沙壹灰壹漂

存留

撥運供支官俸役食祭祀等項原額共銀壹千貳百

捌拾捌兩伍分陸釐內係

知州

俸銀捌拾兩

門子貳名工食銀壹拾貳兩

捕役捌名工食銀肆拾捌兩

查該州原設快手捌名嗣於乾隆拾陸年

內奉 文將快手名色改為捕役即食本班工食理合登明

皂隸壹拾肆名工食捌拾肆兩

件作貳名工食銀壹拾貳兩

民壯貳拾名工食銀壹百貳拾兩

查此民壯乾隆元年奉 文每

名每年加增修理器械銀壹兩共加增銀貳拾兩係司庫各屬完解裁汰民壯工食銀內

鶴峯州志

卷五

賦役

五

支給不在請動地丁之內乾隆拾叁年奉 存裁貳名工食加增銀兩併款解司充餉

銀壹百捌兩加增銀壹拾捌兩乾隆肆拾貳年裁減壹半以為修整軍裝塘

房銀玖兩寔給民壯銀玖兩

斗級肆名工食銀貳拾肆兩

禁卒捌名工食銀肆拾捌兩

轎傘扇夫柒名工食銀肆拾貳兩

庫子肆名工食銀貳拾肆兩

州同

俸銀陸拾兩

門子壹名工食銀陸兩

馬夫壹名工食銀陸兩

傘夫壹名工食銀陸兩

皂隸陸名工食銀叁拾陸兩

民壯捌名工食銀肆拾捌兩

查此民壯乾隆元年內奉文每名每年加增修理器械銀壹兩共加增銀捌兩係在司庫各屬完解裁汰民壯工食銀內支給不在請動地丁之內乾隆肆拾貳年裁減壹兩以爲修整軍裝塘房銀肆兩實給民壯銀肆兩

以上州同俸工於乾隆叁拾陸年奉

文裁汰改設隨州州同仍支舊額銀兩

州判

鶴峯州志

卷五

賦役

六

俸銀肆拾伍兩

門子壹名工食銀陸兩

傘夫壹名工食銀陸兩

馬夫壹名工食銀陸兩

皂隸陸名工食銀叁拾陸兩

民壯捌名工食銀肆拾捌兩

查此民壯乾隆元年內奉文每名每年加增修理器械銀壹兩共加增銀捌兩係在司庫各屬完解裁汰民壯工食銀內支給不在請動地丁之內乾隆肆拾貳年裁減壹兩以爲修整軍裝塘房銀肆兩實給民壯銀肆兩

吏目

俸銀叁拾壹兩伍錢貳分

門子壹名工食銀陸兩

馬夫壹名工食銀陸兩

皂隸肆名工食銀貳拾肆兩

巡檢駐劄山羊隘地方

俸銀叁拾壹兩伍錢貳分

弓兵捌名工食銀肆拾捌兩

民壯捌名工食銀肆拾捌兩

查此民壯乾隆元年內奉文每名每年加增修理器械銀壹兩共加增銀捌兩係在司庫各屬完解裁汰民壯工食銀內支給不在請動地丁之內乾隆肆拾貳年裁減壹半以為汰整軍裝塘房銀肆兩實給民壯銀肆

鶴峯州志

卷五

賦役

七

兩

舖兵壹拾玖名工食銀壹百壹拾肆兩

每名支銀陸兩州前

總舖叁名凉水井石龍洞燕子坪叁陸坪百順橋伍舖各貳名茶店子五里坪山羊隘水沙坪百崖坪白菓坪陸舖各壹名

渡夫陸名工食銀叁拾陸兩

尖坵兩河口南渡江各貳名

文廟貳祭銀肆拾兩

崇聖祠貳祭銀柒兩

香燭米折銀壹兩伍分

邑厲壇叁祭銀壹拾壹兩

厲祭米折銀壹兩貳錢貳分

關帝廟參祭銀叁拾伍兩柒錢肆分陸釐

山川壇貳祭銀壹拾兩係乾隆玖年添設

社稷壇貳祭銀壹拾兩乾隆玖年添設

以上共銀壹千貳百捌拾捌兩伍分陸釐均係司庫地丁

銀內動支按年造入 奏銷冊內報部核銷並將請撥緣由亦於 奏銷冊內開報聽候查核

添設項下

訓導俸銀壹拾伍兩柒錢陸分又加品俸銀貳拾

肆兩貳錢肆分共銀肆拾兩

門斗工食銀柒兩貳錢

鶴峯州志

卷五

賦役

齋夫三名工食銀壹拾捌兩

以上銀兩係乾隆叁拾叁年奉文將長陽縣訓導

改撥仍支舊額銀兩不在該州原設支款內之

文昌廟貳祭銀貳拾叁兩捌錢叁分

先農壇祭祀銀伍兩乾隆伍年奉文將籍田存穀變價動用有不敷仍於司庫存公銀

內湊給復於乾隆拾叁年奉文於耗羨酌定章程案內每年赴司請領銀貳兩捌錢貳分伍釐其不敷銀貳兩壹錢柒分伍釐在籍田收穫舊存穀石變價湊辦如無舊存穀石該州自行捐湊備辦祭品乾隆貳拾肆年奉文禁用捐墊字樣又經咨准部覆將收穀石儘數易備如有不敷按數找給不必以貳兩捌錢貳分伍釐之數為定

常雩祭祀銀伍兩乾隆柒年奉文設立



孤貧捌名

每名給口糧布花銀貳兩伍錢貳分

共銀貳拾兩壹錢陸

分

乾隆拾柒年設立係司庫存公銀內支給仍照例小建扣除遇閏加增

以上各項共銀伍拾叁兩玖錢玖分

係於司庫存公銀內動支不在

原請地丁之內

又慈利縣撥歸鹿皮京損銀貳釐壹毫貳絲玖忽壹

微壹塵肆織玖渺玖漠捌茫貳沙伍漂

撥歸優免銀壹兩貳錢壹分叁釐柒毫伍絲伍忽壹

微壹塵捌織陸渺玖漠柒茫陸沙

乾隆拾年墾帶丁銀玖釐肆毫壹絲柒微伍塵捌織

叁渺捌漠捌茫

鶴峯州志

卷五

賦役

乾隆拾貳拾肆拾伍拾陸等年墾帶丁銀壹兩伍錢

陸分捌釐玖毫叁絲肆忽壹微玖塵肆渺玖

漠肆茫

乾隆拾柒拾捌拾玖貳拾貳拾壹等年墾帶丁銀叁

兩貳錢玖分叁釐肆毫玖絲玖微伍塵伍織

伍渺肆漠貳茫

乾隆貳拾貳拾叁兩年墾帶丁銀壹兩陸錢貳分

叁釐捌毫貳絲肆忽伍微柒塵貳織肆渺壹

漠柒茫

乾隆貳拾柒貳拾玖叁拾壹等年墾帶丁銀叁兩貳

錢肆分捌釐伍毫柒絲貳微陸塵捌纖捌渺  
貳漠陸茫

乾隆肆拾年墾帶丁銀伍錢伍分伍釐貳毫叁絲肆  
忽柒微肆塵肆纖玖渺壹漠玖茫

乾隆伍拾年墾帶丁銀柒分叁釐柒毫壹絲柒忽陸  
微柒纖叁渺柒漠叁茫

按賦役俱照 部頒全書抄錄外各官養廉因地丁  
耗羨內不敷坐支俱應赴司庫請領

一知州養廉壹千兩

一州判養廉壹百兩

鶴峯州志

卷五

賦役

辛

一吏目養廉柒拾伍兩

一巡檢養廉柒拾伍兩

雜稅

田房稅契銀兩無定額

黃柏山稅共銀一十四兩四錢

土名五營晒坪馬鹿大拐桃子琪小坪六處承

辦民人三十六名每名徵山稅銀四錢乾隆四年定額咨部

倉儲

常平倉十一廩在州署二堂之東內七廩乾隆元年知

州毛峻德修建又三廩嘉慶伍年知州楊樹本增建

嘉慶十五年署知州劉運浩請領補修

額貯倉穀五千四百四十三石六斗一升三合  
州倉實貯稻穀三千九百七十一石一斗三升七合  
分貯山羊隘巡檢倉稻穀一千四百七十二石四斗  
七升六合  
社倉二十八座分建四鄉共貯稻粟龍爪包穀五千五  
百一十石零七斗六升

官田

州屬官田係改土以後知州毛峻德奉文將土司之入  
官田產置庄招佃領種納租所有土名田畝租額及  
開銷款項列左

鶴峯州志

卷五

賦役

三

新庄二頃七十七畝七分九釐二毫

落龍潭一十六畝八分九釐五毫

張家村五十二畝一分三釐三毫

滿山紅二十八畝八分三釐七毫

覃家庄五十四畝六分三釐八毫

前坵二十八畝二分三釐二毫

潘溪七十三畝二分一釐四毫

銅庄二十六畝七分八釐二毫

哈起坡八十一畝零六釐四毫

王彩坵十六畝八分六釐七毫

陳家灣十四畝五分六釐八毫

龍潭坪十三畝八分六釐二毫

茅其四十七畝九分

堡子裡二十一畝九分二釐

莫愁庄七畝六分一釐六毫

北佳坪二十畝零五分二釐

九峯橋六十畝零七釐六毫

太平鎮四十七畝二分

唐家村九十二畝二分

馬宗坪三十四畝一分

鶴峯州志

卷五

賦役

三

余家坪三十五畝四分

以上官庄水田二十一處派租多少不等每年共收額

稻穀五百七十一石六斗三升二合內除動用五石

一斗八升六合八勺每石變銀六錢共變銀三兩一

錢一分三釐完納條餉外實穀五百六十六石四斗

四升五合二勺碾湊衛昌營秋季兵米

又新添庄水寨前後壩二處官荒山地共八十九畝八

分五釐每年除完條餉外實收存包穀一十一石七

斗九升五合存貯常平倉隨時易換稻穀以備青黃

不接接濟兵民

南米

江陵縣每年閏月解南米二百八十七石不閏月解南米二百三十三石一斗

公安縣每年閏月解南米一百七十八石不閏月解南米一百三十九石八斗

松滋縣每年閏月解南米二百八十八石四斗八升不閏月解南米二百七十一石三斗八升

以上每年閏月收三縣南米七百五十三石四斗八升不閏月收三縣南米六百四十四石二斗八升貯倉支發衛昌營春夏二季兵米

鶴峯州志

卷五

賦役

三

按上載糧米數目係照衛昌營額兵三百六十四名開載至嘉慶二十年減兵二十九名後每年閏月收三縣南米六百九十三石零不閏月收三縣南米五百九十二石零均按大小建扣算又灣潭長樂汎兵米係石首各縣解貯該管衙門支放茲不載

鹽課

容美土司食鹽舊在川省各鹽場零星易換設流後應隨楚省通例請銷淮引但山高嶺峻脚費浩繁價低則商難承辦價昂則民艱措買前牧毛峻德稟請酌奪經署督憲史咨部請就近銷川省陸引招商

承辦於乾隆三年爲始嗣因戶口滋繁民不敷食自乾隆七年以至乾隆三十年陸續請增引額所有歷年加增引數暨現在鹽斤鹽課數目列左

乾隆三年詳請川鹽每年額行陸引二百一十九張

乾隆七年增陸引一百張水引四十張

乾隆二十三年增陸四百張水引二十四張

乾隆二十四年增水引二十四張

乾隆二十五年增水引一百零六張

乾隆三十年增水引十一張

共水引二百零五張

鶴峯州志

卷五

賦役

五

陸引七百一十九張

水引每張配正鹽五千斤耗鹽七百五十斤

陸引每張配正鹽四百斤耗鹽六十一斤

水引每張徵正稅銀三兩四錢零五厘切角耗羨

銀共五分五釐

陸引每張徵正稅銀二錢七分二釐四毫切角耗

羨銀共四分八釐

總共徵銀玖百四十四兩四錢六分零六毫商人

自行赴州領引運銷完納

按鶴峯長樂二州縣例食川鹽其領發額引及上餉

報銷各事件均歸夔州鹽捕通判辦理商人選土著殷實承充乾隆五十七年巴東民人楊升茂等串名冒充並將起運埠頭改設萬戶沱透銷引鹽南岸行長陽一帶北岸行興歸一帶被人告發漢商亦以充斤淮綱具控提審得實將楊升茂等按律治罪着漢商公舉該處商裔承辦以杜藉引行私之弊

鶴峯州志卷之六

風俗志

州民客土雜處習尚不一然無巨奸大猾畏上奉公猶爲易治政教成於上風俗清於下毛志稱歸流之始民習多陋所載文告若干條殷勤誥誡與民更始今則彬彬焉與中土無異於以慶吾民涵濡

聖化獲改椎髻之舊後之蒞斯土者太上教化之其次整齊之庶幾益臻於上理也乎志風俗

俗尚儉樸室宇器用衣服飲食無一切奢靡之習

鶴峯州志

卷之六

風俗

一

士一衿旣青多束書不觀故科目寥寥綠地僻途遠艱資斧憚跋涉赴鄉闈者甚少近則風氣日開亦時有清標令上者出焉且多氣節自好而無武斷健訟諸事

田少山多坡陀磽确之處皆種包穀初墾時不糞自肥閱年旣久浮土爲雨潦洗盡佳壤尙可糞種瘠處終歲辛苦所獲無幾故貧民於農隙肩挑背負乃可贍生

邑不飼蠶亦不產棉婦女鮮紡績俱力農如男子其工匠皆自外來近年亦有習匠作者



廛市皆棉布酒米家常日用之物如需稍珍貴者先向他邑購備

釀酒喂猪糜穀最甚然邑產包穀十居其八其性逾歲必生蟲民食有餘卽不釀酒喂猪亦不可久貯且販猪他邑可市布棉雜貨以有易無於山氓較便故燒熬之禁祇宜行於歉歲

民間樵採最便開墾旣久荆棘入市皆可易錢然煤山所在多有窮民多以挖煤資生

漁人捕魚灘河難施網罟晝用釣竿夜以繩繫鈎於水或於灘上纍石用笥承流取魚名曰柁又山水

漲發於洄漩處施罾或以小網縛竿頭取之

獵戶不甚多以山林漸少故

冠禮笄禮民間不行然婚嫁先一日告祖男家坐子弟於客位父兄親爲正席延戚友子弟之未娶者陪飲謂之伴郎女家與女修容設席如坐子弟之儀延戚友室女陪飲謂之伴女似倣冠禮笄禮而爲之

婚不論財聘儀稱家貧富無奢侈習至親迎之禮則有行有不行

喪必延僧道作佛事士流間用家禮

葬亦必擇地然不溺於青鳥家時日拘忌之說故無  
停喪多年者

祭有祖祠者少令節忌辰各薦酒饌於家

俗重祀神每年正月初九日十五日三月三日九月  
九日婦女亦間有朝山者然絕無男女混雜惡習  
每歲居民按方社釀金延黃冠於寺觀設壇揚旛焚  
香誦經三日至七日不等謂之平安清醮散日以  
紙糊竹船於曠野焚之曰攝瘟偶值瘟蝗亦延黃  
冠誦經或張燈嬉以禳之

喪家作佛事名曰作齋其作於生前者謂作生齋又

有屠剗爲業覺傷生過多或用祈禱悔從前過惡  
皆延黃冠誦經禮懺點燭滿堂名曰然諸天燭

小兒出痘自出者謂之天行醫種者曰放苗皆祀痘  
神

鋪戶皆祀財神謂之黑虎元壇趙公明元帥每月初  
二十六日祭以酒肉名燒牙祭○按干寶搜神記  
散騎侍郎王祐疾聞有通賓者曰今年國家有大  
事出三將軍分布徵發吾等十餘人爲趙公明府  
叅佐等語疑本此至奉爲財神不知所據

各廟神誕輪年預派首士屆期釀金作會或演戲或

延僧道焚香誦經其祀神餽餘首事倩人鳴鈺邀捐錢者廟中飲食謂之散福

立春先一日地方官迎春東郊農官隨行鄉村男女赴城來觀者如堵舖戶當街結綵跪獻春酒胥吏插紙花帽側謂之春花

元日夙興盛服祀家神畢始啓門向外行禮日出天方子弟拜家長親友互相拜年廛居者難遍造其室或用紅紙寸餘或用粉土署名於門客至家中主人有臥者家人應曰挖窖市無列肆室不掃除禁水瀉地者三日

鶴峯州志

卷之六

風俗

四

初三日昏時祀神曰燒門神紙亦曰送年以白蠟樹葉合楮錢於街際焚燒作聲曰炸蛇蚤舖戶隨擇日開張

初九日謂上九始張燈嬉婦女或於夜間迎紫姑神謂請七姑娘至十五日乃已

十五日團糯米粉爲丸夜食曰喫元宵燈嬉是夕最盛以後曰完罷燈

二月初二日按方社釀金祀社神曰作土地會卽春祈秋報意秋以八月初二日

十五日曰花朝節幼女穿耳時或作風鳶之戲諺云

楊柳青放風箏

清明節澆墓以五色紙幡插壘頭謂插青

四月初八日以紅紙二條書俚語四句交斜相連貼於墻壁謂嫁毛娘因是日僧家浴佛資佛號以辟蟲毒

五月五日懸艾蒲門外貼僧道所印送張真人馭虎符於室中食角黍鹽蛋飲雄黃酒以雄黃塗小兒耳鼻云辟百毒燂艾蒲暨百草湯浴身又以雄黃酒并蒜汁遍洒戶壁間辟蛇蟲或捕蟾蜍以墨入其腹中倒懸一足俟乾取出治腫毒有驗

鶴峯州志

卷之六

風俗

五

六月初六日曬書畫衣物

中元日謂之過月半具酒饌祀祖用紙封楮錢名包袱上填祖宗考妣姓名祭畢焚化較他時祭奠更虔曰年小月半大或醵金寺觀作盂蘭會

中秋夜家人具酒設脩陳瓜果餠餅賞月或竊入他人園中摘瓜一枚謂摸秋以鼓樂導送戚友爲宜男之兆

重九日士流飲酒賞菊登高覽勝

十一月稱冬月冬至日後以九日爲一九疊至九九謂之數九天

十二月稱臘月初八日爲臘八日幼女亦穿耳用鹽  
漬脯曰臘肉益貯水曰臘水經三春不壞

二十四日日過小年先期掃舍宇二十三日夜具餚  
果祀竈窩中點燈曰送竈神上天

除日更春帖具酒饌祀神家人團聚共食曰團年飯  
家中器具用紙錢貼掛晚送紙燈於先人墳塋夜  
深復祀竈神謂竈神是夕下界飯兼數日之炊曰  
過年飯浴身曰洗隔年塵亦曰洗邈邈子弟拜家  
長曰辭年親友饋送曰朝年擊鼓鳴鑼曰開年以  
錢繫小兒身曰壓歲錢徹夜不寐曰守歲

土戶田覃二姓土司時於除日前一日祀神過年今  
多仍之

按宗懔荆楚歲時記自元日至除日凡二十餘事  
大抵三戶之俗相類而未盡其詳揚雄懷鉛提槧  
作方言則盡乎天下矣周處風土記應劭風俗通  
亦據此成書不出戶而異方殊域皆得以周知此  
作邑志者所必分載也亦惡可以不文置之哉

鶴峯州志卷之七

物產志

民生在勤勤則不匱邑民勤者多匱者亦多蓋以山峻土瘠物產不饒故也物以能病其生土以珍病其民邑無珍奇異產生其間者服田力穡而外庶免徵取之困焉是其匱也乃吾民所以爲不匱歟志物產

穀類

稻 粳者呼爲黏穀一呼秈穀黏者呼爲粳穀其分種視田之高下爲準又旱稻種旱地亦有秈

鶴峯州志

卷之七

物產

一

粳之別

包穀 一名玉黍又名玉米粟種亦分高低色有

黃白二種間有雜紫色者邑人以此爲正糧

大麥 無芒者呼爲米麥

小麥 低處種之不宜高處

燕麥 宜高處種

蕎 有甜蕎苦蕎伏蕎各種

高粱 種來自蜀故一呼蜀黍粘可爲帚

黍 殼色黑米有黃白二種

豆 大者有黃豆黑豆畫眉豆綠豆茶色豆之分

小者爲綠豆臙豆一呼滾豆小豆一呼飯豆又有豇豆豌豆剝豇麥豌豆蛾眉豆金豆一呼四季豆

芝蔴 有黑白二種又有圓粒者名蘇麻可食亦可榨油不多種

粟 有芒者呼秋穀無芒者呼粟穀亦分秬粳  
接粟 葉孳俱似莧

龍爪粟 穗似龍爪紫色

蔬類

白菜 有黃芽白箭筍白油白各種

鶴峯州志

卷之七

物產

二

青菜 有皺皮青春不老一名九斤欖

苦菜 一呼苦蕒

莧菜

蘿蔔 有紅白二種

萵蕒 莖粗者呼萵笋

蘆菱

茼蒿 野生者曰甜蒿水邊生者曰萋蒿不多有  
芋 俗呼芋頭有水旱二種又一種磨芋可磨如

豆腐

芹 有家芹野芹之分

地蠶 俗呼地牯牛亦呼天螺螄

韭 葱 蒜 薤

蕓薹 鬱香菜

芥藍

藤菜 葉可食子有汁紫赤色俗呼染汗子

陽合 葉似薑根似百合色紫味辛

菠菜 俗呼扯根菜

茄 有赤白二種或圓或長

蕪菜 俗呼甕菜

番椒 俗呼海椒一呼辣椒一呼廣椒

鶴峯州志

卷之七

物產

三

瓜類

冬瓜

南瓜 一呼北瓜

苦瓜

黃瓜

瓠 有甘苦二種

壺盧 有甘苦二種

瓠瓜

金瓜

鏡瓜 有稜宜高處種



果類

梅 桃 杏 梨

胡桃 俗呼核桃

李 有麥李骨李桃李苦李之分

櫻桃 蒲桃 山谷中自生味不佳

銀杏 俗呼白果

柿 小者浸汁可染傘扇

枇杷 石榴

枳椇 俗呼拐棗

柑 大者皮皺俗呼皺皮柑一呼獅頭柑

鶴峯州志

卷之七

物產

四

橙 種來粵東不多有

橘 州城產者味甜於柑有一種小如彈者酸不

可食

柚 味酸種來粵東者可食

香櫞

栗 大者為板栗小者錐栗猴栗又橡栗可研漿

如豆腐

羊桃 一名獼猴桃野生

木瓜

八月參 一名八月瓜形似阜角野生

花類

蘭 蕙 梅 蠟梅 牡丹 芍藥

桂 海棠 秋海棠 罌粟 菊

洋菊 萬壽菊 藍菊 石榴 玫瑰

薔薇 荷 水仙 木槿 剪春羅

十姊妹又呼七姊妹 玉簪紫白二種

月季 俗呼月月紅

繡毬 藤本者為洋繡毬

梔子 鳳仙俗呼指甲草

木香 雞冠 火蝴蝶

鶴峯州志

卷之七

物產

五

老少年 俗呼變葉

蜀葵 俗呼裏梅一呼五月菊一呼龍船花即一

丈紅

美人蕉 金銀花 木芙蓉

紫薇 俗誤呼紫荊

山丹 俗呼野百合

夾竹桃 山茶 千日紅

夜合 一名百合

石竹 俗呼剪絨花

洛陽花 俗呼十樣錦

荷包花 一呼荷包牡丹

映山紅 雞蛋黃 金絲柳

蝴蝶花 俗呼扁竹根

草類

茅 有獅茅巴茅二種可蓋屋亦取為薪

藻 萍

魚腥草 一名狗腥草 歉歲可和飯

奶漿菜 可作蔬

虎耳草 車前草

豆瓣菜 歉歲可和飯

鶴峯州志

卷之七 物產

六

夏枯草

蓼 俗呼蓼辣子可造酒麴或毒溪魚

地米菜 野蔬

燈心草 馬鞭草 通草

螫麻草 有毛螫人

香根 作啞酒麴

蘭莖臺 枝條略似蕨亦似貫衆初生時莖如蘭

故名味肥美可食

芭蕉 階前草 艾

蒿 種類不一 歉歲葉可和飯

九里光

打不死 可治癆傷

火靈芝 俗呼伸筋草又呼過山龍

四月黃 一呼黃花菜可和飯

婆婆針 歉歲亦可食

淡竹葉 可作蔬

水麻 可飼豬

土芙蓉 可固垣堤葉可糞田故呼爛泥巴葉

鳳尾 爛草 毛蠟燭

冷草 可飼豬

鶴峯州志

卷之七

物產

七

萬年青 狗尾草

粳米菜 嫩葉可作蔬

野蒜 似薤可作蔬

崖蒜 一呼天蒜又呼老鴉蒜歉歲可食

鶩兒腸 可作蔬亦可飼豬

木類

松 柏 梓

杉 又有洗杉一呼牛尾松

冬青 卽萬年青又呼凍青

楠 又一種臭者名雞屎楠

椿芽 香可食又一種臭者皮可入藥

楓 樟 白楊 黃楊 梧桐

槐 邑初無此木前牧吳煥彩自山東攜子植州堂前今成大樹

凍綠皮 可染有銀青樹一種與之相似

桑 邑不飼蠶故不甚多

柘 櫻櫚 桐

椰 皮作條香

構 皮可搗為紙

烏白 俗呼為木子其油呼木油

鶴峯州志

卷之七

物產

八

油茶 子可為油昔人以為南油俗呼茶油

杪櫚 楸 檀 樺 馬鈴光

楊柳 種類不一

漆 又有野生者

阜莢 俗呼阜角厚者呼肥阜瘦者呼柴阜

尖栗 花栗 黃栗

香果 鴨掌木

按草木類不識名者尙多以待博雅採入

竹類

慈竹 俗呼叢竹

斑竹 紫竹 筍竹 笙竹 篁竹

水竹 筠竹

冷竹 可作紙

箬竹 俗呼為籜竹

藥類

黃連 生崖上土司時作貢今不易得

何首烏 有赤白二種白者少

黃精 貝母 獨活

杜衡 又名馬蹄香人呼為馬蹄細辛

藁本 射干 薄荷

鶴峯州志

卷之七

物產

九

紫蘇 以州署後圃產者為佳

牛膝 王不留行 一名金盞銀臺

石菖蒲 水菖蒲

海金沙 俗名竹園葵

茜草 羊蹄又名牛舌菜

骨碎補 俗呼巴山虎

惡實 石胡荽

枸橘 俗呼缺泥巴果

女貞子 即白蠟樹實

石斛 土名吊蘭花

官桂

大薊小薊

穀精草

香需

括樓

俗呼瓜萋一呼燈姑萋

天花粉

卽括樓根所搗

蕭蓄

覆盆子

沙參

俗呼奶漿菜

升麻

澤蘭

草烏頭

天南星

赤土茯

黃藥子

白藥子

鱧腸

又名旱蓮草

石葦

又名石皮

白及

崖防風

貫衆

淫羊藿

鶴峯州志

卷之七

物產

十

蓖麻子

五加皮

青箱子

桑寄生

以他木寄生桑上者良

山藥

厚朴

黃柏

邑有山稅開墾日久不多產

蒼耳子

苦棟子

畢澄茄

俗呼山胡椒又呼木薑子

蒲公英

茱萸

枳實

枳壳

地膚

常山

黨參

天麻

三七

威靈仙

續斷

一名屬折一名接骨

豨薟

木賊

鍾乳石

桑白皮

穿山甲 陀僧 青皮 陳皮

蜜蠟 蜂房 蜜

文蛤 卽五倍子

土草薺 俗呼木笋臺一呼龍鬚菜

獺肝 鹿茸 牽牛 百部 紅花

細辛 土人有馬蹄細辛之名其實葉似馬蹄者

爲杜衡

枸杞 香附 芡實

花椒 卽川椒

薏苡 俗呼穿骨子

鶴峯州志

卷之七 物產

土

小茴 滑石 硫黃

鳥類

鶴 錦雞 吐綬雞 四兩雞 秧雞

鶴鶉 鴿 雀

杜鵑 俗呼陽雀其聲不如歸去

百舌 卽反舌

竹雞 其聲泥滑滑

鶯 俗呼黃歌郎

鸛 俗呼瓦去聲子

鳩 種類不一俗皆呼斑鳩



啄木 俗呼啄木鶴

鸚鵡 一名八哥

鴉 鵲 鷹 鶴

山喜 俗呼山麥子

鷺鷥 俗誤呼白鶴

鳩 俗呼打魚老翅有翠

伯勞 卽鷓俗呼苦雀

鴟 俗呼貓兒頭

鷓鴣 捕魚者俗誤呼鷺鷥

布穀 俗呼麥枯鳥

鶴峯州志 卷之七 物產 七

立夏雀 立夏節鳴土人謂其音云蚊蟲捉了就走又云文章做得可好未詳實爲何鳥俗謂之

立夏雀

白頭翁

畫眉 燕 點水雀 紅嘴雀

鳧 俗呼野鴨

伏翼 卽蝙蝠俗呼簷老鼠

鶩 卽鴨 鶩 雞

獸類

熊 有猪熊狗熊馬熊無人熊

獾 兔 水獺 旱獺 蝟 鹿

麀 麝

猴 懸崖峻壁百十成羣攫食包穀秋成時農人設法防守或募獵戶除之

雌 俗呼為倒鼻猴

武馬 卽野馬

豪猪 有重至二三百觔又一種小者呼為土猪

山猯 俗名古未詳按說文狼似犬銳頭白頰高

前廣後埤雅狼犬如犬青色作聲諸窾皆沸善

逐獸今山猯形狀頗似之

鼠 松鼠 竹鼯

鶴峯州志

卷之七

物產

三

鼬鼠 俗呼黃鼠狼

鼯鼠 俗呼飛生子 猫 豕

犬 羊 牛 馬 騾 驢

鱗類

白甲 一名石鯽魚之佳者

陽魚 冬藏春出新崩以下無

山精 紅翅多刺

鯉 鯽 青魚 鮎

鮠 卽草魚堰塘中畜溪河無

線鱧 亦畜堰塘

鰻子 卽魴魚

青柳子 多刺

油骨子 多脂質小味腴

刺公頭 多刺無鱗味不佳

岩爬魚 小魚爬石上者

黃岩骨 脊刺一條味腴無大者

鰍 白鱧 黃鱧

哇哇魚 似鮎有四足聲如小兒按本草鮎魚一

名王鮪在山溪中似鮎有四足能上樹天旱則

含水上葉覆身鳥來飲因而取之一名鱖一名

鶴峯州志

卷之七

物產

古

人魚膏然燭不滅疑卽此魚俗一呼辣狗

介類

龜 不多有

鱉 俗呼脚魚不多有

蟹 小不中食

蝦 生草澤中小不中食

蚌 質小無採食者

螺螄 生塘澤中無大者

蟲類

蛇 不一種

蝦蟇 俗呼爲四脚蛇

蜈蚣 蜣螂 螟蛉

螻蛄 俗呼爲土狗

叩頭蟲 俗呼打卦老

蚰蜒 俗呼爲馬黃

乾柴棒 最毒能傷人

竈蟲 一名竈雞其稍大脚長者名竈馬俗言竈有馬爲足食之兆

蟾蜍 居陸地俗呼爲癩蝦蟆

蛙 俗呼田雞

鶴峯州志

卷之七

物產

五

蝦蟆 水陸俱有

崖蚌 生溪澗中然火取之

蚱蜢 螳螂

蟬 俗呼貴牙齒

蜂 蜜蜂外有土蜂黃蜂

飛蛾 蝴蝶 蜻蛉 蜘蛛

蟻 俗呼馬蟻

蠅 俗呼青蠅爲飯蚊蒼蠅爲綠蚊

蚊 俗呼夜蚊

蠹魚 生衣箱及書函中

蟋蟀 俗呼爲區區

螢 俗呼爲亮火蟲

蚊 俗呼爲干脚蟲一呼稱桿蟲

鯽魚蟲 生刺樹幹中狀似僵蠶隨晨昏易其處

喉舌緊急風火取塗有效又小兒出痘用爲表

藥俗呼其樹爲牛王刺

斑斑蚤 蚯蚓 偷油婆 紅娘子

土蠶 蛙包穀暨烟草根用灰糞點種則無

蝸牛 草鞋板

雜產

鶴峯州志

卷之七

物產

六

礦 銅礦鉛礦曾經試採旋奉封禁鍊礦亦未開  
茶 世述錄稱神仙園陶溪二處茶爲上品今查  
各處所產無甚分別

烟草 茶油 桐油 煤

藍 不多有

紵麻 低處歲三刈高處再刈

葛粉

蕨 嫩莖爲蔬根可搗粉歲歉民以代米糧

硝 磺 二種皆由州領價採辦

竹麻紙 出高山產冷竹處

金針 野生

筍 有香筍凍筍黃絲筍獅毛筍重陽筍涼傘筍  
包穀筍羊肚筍灰包筍雞冠筍各種

木耳 石耳 竹筍 山藕

陽芋 似芋紫色邑高荒土瘠民人多遠徙近十  
餘年來得此代糧并以飼猪雖遇歉歲可無大  
虞

紫草

按州屬田土苦窳生殖不饒山林之產惟茶利  
最厚次則飼猪種烟販出外境藉通泉貨篇內

鶴峯州志

卷之七

物產

十七

所載如藥材雜糧可遠攜者皆以開墾日久漸  
就銷耗又地不產棉人弗知織力田作苦外復  
少習百工之業而生計所需如布購自荆澧鹽  
運自夔巫道里險遠售價必倍一遇水旱不時  
則懸罄之嗟十室而九固由物產涼薄所致亦  
人工之興作有未盡也莅斯土者欲使家樂阜  
盈人免凍餒其道固非易易矣

鶴峯州志卷八

祠祀志 寺觀附

秩祀之廟與佛老之宮異而

國家馨香至治懷柔百神蓋錯處於山陬海澨矣鶴  
邑春秋常祭悉如典制固官師之所駿奔而虔祀  
者也他如埔山塹水舊建新修亦有寺觀所莫敢  
廢者迹其肸鬻焄蒿之誠若可以庇良善而休暴  
橫焉斯亦神道設教之意也志祠祀

社稷壇在州城東門雍正十三年知州毛峻德建每  
歲春秋仲月上戊日致祭

鶴峯州志

卷八 祠祀

祭品

帛二 色黑 羊一 豕一 釧一 簠一 簋一

籩四 豆四

乾隆九年奉頒祭文云惟

神奠安九土粒食萬邦分五色以表封圻育三農而

蕃稼穡某恭承守土肅展明禋時屆仲春敬修祀

典庶丸丸松柏鞏磐石於無疆翼翼黍苗佐神倉

於不置

風雲雷雨山川壇在州城南門外雍正十三年知州  
毛峻德建每歲春秋仲月上戊日與城隍同祭其

位以風雨雷雲居中山川居左城隍居右祭品與社稷壇同

乾隆九年奉頒祭文云惟

神贊襄天澤福佑蒼黎佐靈化以流形生成永賴秉氣機而鼓盪溫肅攸宜磅礴高深長保安貞之吉憑依鞏固實資捍禦之功幸民生之殷盈仰神明之庇護恭修歲祀正值良辰敬潔豆籩祇陳牲幣先農壇在州城東門外雍正十三年知州毛峻德建每歲仲春亥日致祭祭畢舉行耕籍禮文武官更穿緋袍農夫駕牛印官行九推九反禮耆老捧青

箱捕衙播種

祭品與山川社稷同惟用帛一白

乾隆九年奉頒祭文云惟

神肇興稼穡粒我蒸民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘民勞謹奉爨章聿修祀事惟願五風十雨嘉祥恆沐於神庥庶幾九穗雙岐上瑞頻書於大有

常雩始於乾隆九年每歲孟夏遵頒擇日在先農壇合祭山川社稷與雲致雨之神



祭品與山川社稷同惟用帛五俱色

乾隆九年奉頒祭文云某恭膺詔命撫育羣黎仰體 彤廷保赤之誠勸農勸稼俯爲葑屋資生之本方稼力田令甲是頒肅舉祈年之典惟寅將事用昭守土之忱黍稷惟馨尙冀明昭之受賜來牟率育庶俾豐裕於蓋藏

勾芒神於立春前一日用土牛春花迎春東郊致祭至本月祭勾芒神畢行鞭春牛禮

厲壇在州城北門外雍正十三年知州毛峻德建每歲清明日七月望日十月朔日迎請城隍之神至

鶴峯州志

卷八 祠祀

三

壇主祭以享無事鬼神先期備牒移告城隍弔祭孤魂以彰祀典

祭品

羊一 豕一 羹飯 香燭酒紙衣襲隨用

城隍廟在州城西門內雍正十三年知州毛峻德建嘉慶二十四年知州吉鍾穎重修

龍神祠在州城南門外原爲土司三義祠乾隆五十年知州楊樹本改建嘉慶二十年邑人徐光表等倡重修

關帝廟在州城南門外 神像係土司舊奉廟亦原

基歸流後仍之每歲春秋仲月遵頒選擇日期暨五月十三日誕辰致祭

春秋祭品

帛一色 牛一 羊一 豕一 籩十 豆十

五月十三日祭品

帛一色 牛一 羊一 豕一 果五盤

乾隆九年奉頒祭文云惟

帝浩氣凌霄丹心貫日扶正統而彰信義威震九州完大節以篤忠貞名三國神明如在徧祠宇於寰區靈應丕昭薦馨香於歷代屢徵異蹟顯佑羣

鶴峯州志

卷八 祠祀

四

生恭值嘉辰遵行祀典筵陳籩豆凡奠牲醪

關帝曾祖光昭公祖裕昌公父成忠公祀於後殿殿原係土司舊建觀音庵三公神主奉於其中嘉慶四年邑人喻文太等倡首併建觀音庵於百斯庵而後殿始專奉三公神主每歲祭期與帝同道光二年知州吉鍾穎修葺

春秋祭品

束帛一色 羊一 豕一 籩八 豆八

五月十三日祭品

束帛一色 羊一 豕一 果各五盤

乾隆九年奉頒祭文云惟公世澤貽庥靈源積慶德能昌後篤生神武之英善則歸親宜享尊崇之報列上公之封爵

錫命優隆合三世之肇禮典章明備恭逢諏吉祇事薦馨

文昌廟在州城西門內神像係土司舊奉原祀南門外之百斯庵乾隆四十五年邑人移奉於九峯書院嘉慶七年奉文致祭而無專廟嘉慶十五年邑人洪繼周劉正性部生榕洪先裁謝景安于白貴陸光武等倡首勸捐始建今廟每祭春秋仲月

鶴峯州志

卷八 祠祀

五

初三日致祭

祭品與 關廟春秋祭同

嘉慶七年奉頒祭文云惟

神蹟著西垣樞環北極六匡麗曜協昌運之光華累代垂靈爲人文之主宰扶正久彰夫感召薦馨宜致其尊崇茲屆仲春用昭時祀尙其歆格鑒此精虔

文昌神先代祀於後殿每歲祭期與神同

祭品與 關廟春秋祭同

嘉慶七年奉頒祭文云祭引先河之義禮崇反本

之思矧夫世德彌光延賞斯及祥鍾累代炯列宿  
之精靈化被千秋綿人文之主宰是尊後殿用荅  
前庥茲值仲春肅將時祀用伸告潔神其來歆  
新關廟在州城北門內原爲馬王廟乾隆三十年闔  
營官弁兵丁改建

斗姥閣在州北門內土司舊建今廢

福田寺在州城西門外土司舊建乾隆五十年間邑  
人洪繼周喻文奇李林安等倡首勸捐重修

報恩寺在州城西門外土司舊建原位南面北向乾

隆五十三年大水冲塌邑人洪繼周喻文奇等移併於福

鶴峯州志

卷八

祠祀

六

田寺東

百斯庵在州城南門外土司舊建嘉慶初年間邑人  
喻文太洪繼信等倡首勸捐重修

萬壽宮在州城南門外乾隆三十年間江西人公建  
四官廟在水寨土司舊建

紫雲宮在紫雲山土司舊建

龍王廟在細柳城

杉樹觀在天台山土司舊建

關帝廟在三路口

朝陽觀在南府

關帝廟在五里坪基地係裁缺州同署舊址  
潮水寺在山羊隘

五穀廟在山羊隘

回龍閣在千金坪監生劉正新倡捐重修

真武廟在五星山

關帝廟在太平鎮土司舊建

萬壽宮在太平鎮江西人公建

關帝廟在奇峯關嘉慶八年由州新關廟移奉

泰山廟在茅壩

大神廟在陽河官屋場

黑神廟在三叉口

玉皇廟在五等頭

鶴峯州志

卷八

祠祀

七

金龍寺在金龍山

潮水寺在上陽河

泰山廟在洞長灣

關帝廟在躲避峽土司舊

建

萬壽宮在鐵爐坪

寶善宮在白鹿坡土司舊建嘉慶 年邑人易顯榮

等移建池塘

玉田寺在北佳坪土司舊

建

靈龍寺在巴焦河

金雞廟在三姊妹山左

觀音寺在大典河

關帝廟在走馬坪

關帝廟在青山坪

真武廟在古城砦

關帝廟在燒巴岩

五里廟在南渡江西山上

文昌閣在百家坪

真武廟在五龍山

紫金觀在五里坪

太平寺在鄔陽砦關石龍

轄神廟在麻水

永靈寺在所坪尚有古銅鐘

關帝廟在羊角岩

五谷廟在千金坪

觀音岩在麻水

回龍閣在馬頭山

真武廟在獅象山

真武廟在河圖山

關帝廟在喬陽坪

玉皇閣在椿木坪

飛身廟在八十畝

廟田附

本城關廟

鶴峯州志

卷八

祠祀

八

石車峽佃戶七租銀玖兩貳錢

南府朝陽洞佃戶廿租錢陸千貳百文

桂花橋佃壹租銀貳兩

和氣山佃陸租銀拾兩

毛填坪佃壹包穀租每年平分

九官均菜田坡田地價錢柒拾伍千文租錢貳千

肆百文

水沙坪水田一坵價錢壹百零壹千文租穀叁石

本城百斯庵

水沙坪佃戶肆租六穀叁石

紫草山佃戶壹租銀叁兩

城隍廟

東流水佃戶廿租銀玖兩零五分玖釐

板庄坪佃戶廿七租銀拾捌兩

三峯溪佃戶式租錢式千壹百文

瓦場坪旱地當價錢十千文租穀陸斗

丁家坡旱地當價錢叁拾千零伍百文租穀壹石

把路口旱地當價錢貳拾千文租穀伍斗

太平鎮舖屋當價錢叁拾兩租錢貳千文

板倉坪旱地當價錢壹百零壹千文租穀壹石

鶴峯州志

卷八 祠祀

九

炭場埡李家屋場價肆千玖百文租錢壹百文

五家灣白虎臺沙灣課地一分

河坪旱地價拾貳千文租穀六斗

杉山旱地當價錢肆拾玖千陸百文租錢貳千伍

百文

陽坡旱地當價錢叁拾伍千文租穀肆斗伍升

胡家灣陰坡旱地當價拾兩租穀叁斗

炭場灣白虎臺沙灣價叁拾壹千肆百文佃戶租

錢叁千貳百文

水寨四官廟

古樹灣東坑佃戶六租銀拾叁兩零六錢

細柳城

廟前後水田每年額租大石拾石

青水山旱地一處租錢壹千文

石場坡旱地一處租包穀壹石貳斗

九峯橋唐良龍施旱地壹處租壹千陸百文

福田寺

報恩寺

本街舖基佃戶捌租錢玖千捌百肆十文

三元橋水田壹處壹百零捌坵廟僧自種其餘旱

鶴峯州志

卷八

祠祀

十

地水田房基佃戶玖租錢叁千四百四十文

鎗桿坪佃戶玖租錢捌千零七文

官山坡佃戶肆租錢叁千壹百廿文

和氣山佃戶陸租錢貳千貳百叁拾六文

七家山佃戶一租包穀貳大石

茅竹山佃戶二租錢貳百肆拾文

芭蕉灣佃戶捌租錢伍千肆百伍十文

梅菓灣佃戶陸租錢

文昌廟

本城

廟前佃戶一租錢叁千貳百文



山羊溪太平鎮佃戶拾租錢玖千玖百伍十四文  
石龍砦太平寺

廟前後水田貳拾玖坵旱地壹處廟僧自種  
按邑之有秩祀也固也然其間名山古刹都都相  
望邑邑相屬逸流快士過其地者風韻松濤鶴鶴  
來聽清磬梵唱心骨俱驚豈盡祈福木居士者哉  
然而淫祀亦不可使狄梁公見也

鶴峯州志

10260, 201  
136  
Sp-203

卷九至卷十二

學校 兵防  
秩官 人物



鶴峯州志卷之九

學校

自古化民成俗必由於學鶴邑草昧初闢前牧毛  
倡建學宮而書院學署闕焉閱歲既久以次漸興  
至乾隆五十年士民重葺學宮并增名宦鄉賢祠  
以待奉祀蓋所期於長吏師儒者重矣文翁興教  
而蜀民從風趙德爲師而潮人知學士林從公芹  
藻固宜爭自濯磨然而型仁講讓使州人皆有所  
矜式則良有司之董率與鄉先生之化導又曷可  
少哉志學校

鶴峯州志

卷之九

學校

一

學宮在州治左乾隆元年知州毛峻德如式創建乾  
隆五十三年邑人洪繼周部泮劉正性龔經德趙  
學謨劉祚鳳等倡首勸捐重修並建名宦鄉賢二  
祠於大成門左右

乾隆五年奉頒

御書與天地參額嘉慶六年奉頒

御書聖集大成額道光元年奉頒

御書聖協時中額頒到日敬摹懸掛

大成殿正位

至聖先師孔子

舊司奉祀

五十五年重修

聖像在今城隍廟左乾隆大成殿知州楊樹木

率諸生移  
祀殿中

東配

復聖顏子 述聖子思子

西配

宗聖曾子 亞聖孟子

東哲

閔子損 冉子雍 端木子賜 仲子由 卜子商

有子若

西哲

冉子耕 宰子予 冉子求 言子偃 顓孫子師

鶴峯州志

卷之九

學校

二

朱子熹

東廡先賢

蘧瑗 澹臺滅明 原憲 南宮适 商瞿 漆雕

開 司馬耕 梁鱣 冉孺 伯虔 冉季 漆雕

徒父 漆雕哆 公西赤 任不齊 公良孺 公

肩定 鄒單 罕父黑 榮旂 左人郢 鄭國

原亢 廉潔 叔仲會 公西輿如 邾巽 陳亢

琴張 步叔乘 秦非 顏噲 顏何 縣亶 樂

正克 萬章 周敦頤 程顥 邵雍

三十九位

西廡先賢

林放 宓不齊 公治長 公皙哀 高柴 樊須  
商澤 巫馬施 顏辛 曹卹 公孫龍 秦商  
顏高 壤駟赤 石作蜀 公夏首 后處 奚容  
蒧 顏祖 句井疆 秦祖 縣成 公祖句茲  
燕伋 樂欬 狄黑 孔忠 公西蒧 顏之僕  
施之常 申棖 左邱明 秦冉 牧皮 公都子

公孫丑 張載 程頤 三十位

東廡先儒

穀梁赤 伏勝 后蒼 董仲舒 杜子春 范甯

韓愈 范仲淹 胡瑗 楊時 羅從彥 李侗

鶴峯州志 卷之九 學校

三

張栻 黃幹 真德秀 何基 趙復 吳澄

許謙 王守仁 薛瑄 羅欽順 陸隴其 二十三位

西廡先儒

公羊高 孔安國 毛萇 高堂生 鄭康成 諸

葛亮 王通 司馬光 歐陽修 胡安國 尹焞

呂祖謙 蔡沈 陸九淵 陳淳 魏了翁 王

柏 許衡 金履祥 陳澥 陳獻章 胡居仁

蔡清 劉宗周 二十四位

崇聖祠

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

東配先賢

顏氏無繇 孔氏鯉

西配先賢

曾氏點 孟孫氏

東座先儒

周輔成 朱松 蔡元定

鶴峯州志

卷之九

學校

四

西座先儒

程珦 張迪

按歷代褒崇之禮自漢祀

孔子於闕里始隋乃命州縣學皆以春秋仲月釋奠唐

宋以來因之庶崇王號

唐元宗封爲文宣王始設座像宋真宗加爲至聖文

宣王元武宗又加爲大成至聖文宣王

其弟子及從祀諸儒歷代或

封公侯伯等爵

元至順間封顏子充國復聖公會子邾國宗聖公子思子沂國述聖

公孟子鄉國亞聖公

其廟制始於宋太祖詔於廟門立戟十

二徽宗加戟二十四元以殿爲大成殿其冕服始

於宋徽宗加冕十二旒服九章金世宗大定間大

成殿服十二章元因之明永樂八年正文廟聖賢  
塑像衣冠令合古式其祭器無考其祭樂用六佾  
唐用宮懸宋景祐間始詔上丁釋奠設登歌之樂  
然施於堂上不施於堂下又不設舞於庭成化加  
八佾堂上堂下制始備嘉靖九年允輔臣張璁議  
詔易王號爲至聖先師孔子四配十哲及先賢俱  
稱子諸儒稱先儒某氏一切公侯伯不復稱改大  
成殿曰先師廟戟門曰廟門悉撤座像易木主  
國朝因之歲以春秋仲月上丁釋奠牲用太牢樂用六  
佾

從祀考

漢安帝延光三年始祀孔子及七十二子於闕里  
唐太宗貞觀二十一年始以左邱明卜子夏公羊高  
穀梁赤伏勝高堂生戴聖毛萇孔安國劉向鄭衆  
杜子春馬融盧植鄭元服虔何休王肅王弼杜預  
范甯賈逵二十二人從祀

宋神宗元豐七年加荀況楊雄韓愈從祀理宗淳祐  
二年加周敦頤張載程顥程頤封爵與朱熹並從  
祀景定二年又加張栻呂祖謙從祀度宗咸淳三  
年加邵雍司馬光從祀

元皇慶二年以許衡從祀

明洪武二十九年罷楊雄以董仲舒從祀正統二年以胡安國蔡沈真德秀從祀八年以吳澄從祀宏治九年以楊時從祀嘉靖九年去申黨存申棖以黨卽棖也其公伯寮秦冉顏何荀況戴聖劉向賈逵馬融何休王肅王弼杜預吳澄俱罷祀林放蘧瑗鄭衆盧植鄭元服虔范甯俱祀於其鄉以后蒼王通歐陽脩胡瑗增入從祀隆慶五年以薛瑄從祀萬曆十三年以陳獻章胡居仁王守仁從祀四十二年以羅從彥李侗從祀

國朝康熙五十一年以朱熹升祔十哲五十五年以范仲淹從祀雍正二年復以林放蘧瑗秦冉顏何鄭元范甯六人從祀增入縣廩牧皮樂正子公都子萬章公孫丑諸葛亮尹焯魏了翁黃幹陳淳何基王柏趙復金履祥許謙陳澔羅欽順蔡清陸隴其二十人從祀冉雍冉耕顓孫師有若增置博士四人乾隆二年復以吳澄從祀三年以有若升祔十哲六年額定位次道光二年復以劉宗周從祀

嘉靖九年詔天下學宮建啓聖祠祀齊國公叔梁紇稱哲聖公孔氏以顏無繇曾點孔鯉孟孫激公宜



配稱先賢程珦朱松蔡元定從祀稱先儒祭期與  
文廟同萬歷二十三年以周輔成從祀

國朝雍正元年崇封孔子五代王爵改啓聖祠爲崇聖  
祠二年以張迪增入從祀

祝文 乾隆九年新頒

惟

先師德隆千聖道冠百王麗日月以常行自生民所未  
有屬

文教昌明之會正樂和禮節之時倅雍鐘鼓咸恪薦於

馨香泮水膠庠益致嚴於籩豆今當仲春祇率爨

鶴峯州志

卷之九

學校

七

章肅展微忱聿將祀典以復聖顏子宗聖曾子述

聖子思子亞聖孟子配尙饗

崇聖祠祭文 乾隆九年新頒

惟

王奕葉鍾祥光開聖緒盛德之後積久彌昌凡聲教所

覃敷率循源而溯本宜肅明禮之典用申守土之

忱今屆仲春聿修祀事以先賢顏氏曾氏孔氏孟

孫氏配尙饗

祭期

每歲春秋二仲月上丁日

祭品

帛一色白 牛一 羊一 豕一 豈一太羹 釧二

和羹 簠四黍稷 簋四稻粱 籩十白餅黑餅形鹽藁魚鹿脯棗栗榛菱

芡 豆十脾析豚拍鹿醢兔醢魚醢醢醢韭菁芹笋 白瓷爵三

東配祭品

帛二色白 羊一 豕一 每位釧一 簠二 簋

二 籩八 豆八 白瓷爵三

西配同

東哲祭品

帛一色白 豕一 釧一 簠二 簋二 籩四

鶴峯州志

卷之九 學校

八

豆四 每位白瓷爵一

西哲同獻官拜位東西各一壇每壇共獻爵三

東廡祭品

帛一色白 豕一 簠二 簋二 籩四 豆四

每位銅爵一

西廡同獻官拜位每廡三壇每壇共獻爵三

崇聖祠祭品

帛五色白 羊一 豕一 釧一 簠二 簋二

籩八 豆八 每位白瓷爵一

配位

帛二色白 豕首一 簋一 簋一 籩一 籩四 豆四

每位銅爵一

兩廡

帛二色白 豕肉一 簋一 簋一 籩一 籩四 豆四

每位銅爵一

樂章

迎神奏昭平之章 大春秋六尺哉一凡孔上六尺子尺五先尺六覺

上凡先尺五知上六與一凡天上六地上凡參尺五萬尺六世上凡之尺五

師尺五祥尺五徵上凡麟一凡紘上六韻一凡答上凡金尺六絲上凡日

一凡月上六既尺六揭尺五乾一凡坤上六清一凡夷尺六

鶴峯州志 卷之九 學校 九

初獻奏宣平之章 予尺六懷一凡明上六德尺五玉上凡振一凡

金尺六聲上凡生上六民一凡未上凡有尺五展一凡也上六大尺五成

上六俎尺五豆上凡千尺六古上凡春上六秋上六上尺五丁上六清尺六

酒上凡既一凡載尺六其一凡香上六始一凡升尺六

亞獻奏秩平之章 式尺六禮一凡莫上六愆尺五升上凡堂尺五

再一凡獻尺六饗上凡協尺五鼗一凡鏞上六誠尺五孚上凡壘尺五獻

尺六肅尺五肅尺五雍上六雍上六譽一凡髦尺六斯上凡彥尺六禮尺上

陶尺五樂一凡淑上六相尺五觀上六而一凡善尺六

終獻奏叙平之章 自尺上古一凡在上五昔尺六先上凡民尺五

有一凡作上六皮尺五弁上尺祭一凡菜尺六於上凡論尺五思上六樂

一凡惟尺五天凡上牖六尺民尺五惟一凡聖凡上時一凡若上六彝尺五

倫凡五攸凡上叙六尺至凡上今尺五木一几鐸六尺

徹饌奏懿平之章先六尺師一凡有上六言尺五祭六尺則凡上

受六尺福尺五四凡海六尺鬢尺五宮凡上疇一凡敢上六不一凡肅

六尺禮尺五成凡上告六尺徹尺五母一凡疎上六母一凡瀆六尺樂尺五

所凡上自一凡生六尺中尺五原上六有一凡菽六尺

送神奏德平之章鳧六尺釋一凡峩上六峩尺五洙尺上泗尺六

洋一凡洋上六景凡上行尺五行尺五止凡六流一凡澤上六無尺五疆

六上聿尺五昭凡上祀一凡事尺六祀六尺事凡上孔二凡明一六化尺六

我尺五蒸六尺民凡上育一凡我上六膠一凡庠六尺

鶴峯州志 卷之九 學校 十

禮器

筐 爵 坩 登 銅 簋 簋 籩 豆 牲

盤 俎 毛血磔 饌盤 供案 香鼎 香几

花瓶 燭臺 燭檠 太尊 山尊 犧尊

象尊 雲雷尊 壺尊 尊 龍勺 祝版

福尊 胙盤 罍 洗 燔爐 竽 彝 茅沙

池 執爐 提爐 庭燎 盥盆 帨巾

樂器

鑄鐘一 編鐘十六架一 特磬一 編磬十六架一

琴六張 瑟四張 箎 鳳簫 龍笛

洞簫

雙管

笙

埙

楹鼓一

懸鼓一

鼗鼓一

應鼓一

田鼓

搏拊

祝 敔

舞器

麾旛

旌節

籥

翟

贊禮生

康熙二十五年令府州縣學贊禮生應選在學肄業儀表端莊聲音宏亮者補充大學六名小學四名考試時准為優等仍行報部

樂舞生

鶴峯州志

卷之九

學校

十一

文廟舞佾三十六人乾隆五年部議加取四人以備疾病事故更替之用乾隆七年令樂舞生祭丁用生員藍衫雀頂

學額

乾隆二十八年間節經前牧李林署牧吳世賢據邑人劉世顯李靜安向惠年等呈請設定學額通詳各憲乾隆三十一年學政胡召南檄州屬文章於各州縣試畢後隨棚局試因會同督撫咨部請照小學額數歲科試各取入附學生員八名乾隆三十四年前牧方天葆呈送文章赴郡學政戴第

元考取如額乾隆四十年額設武學二名  
乾隆四十六年學政吳省欽額定廩生四名增生  
如之四歲貢一人

學署在明倫堂左乾隆三十五年邑人劉世顯等  
倡首勸捐新建

### 書院

九峯書院在南門外龍溪橋東乾隆十九年知州  
李林籌項二百六十餘兩又邑人向鳳舉捐銀三  
十兩新建館師修銀每年三十二兩內赴藩庫請  
領十六兩又十六兩於學租內支送

鶴峯州志

卷之九

學校

十三

五里坪書院乾隆十九年知州李林籌項新建館師  
修銀每年十六兩赴藩庫請領

北佳坪書院乾隆十九年知州李林籌項新建館  
師修銀與五里坪同原建在劉家司地甚荒僻嘉  
慶七年屋已傾圮邑人部泮易顯榮田文斗田周  
南等呈請倡捐重修改移今地

### 儒學田租

王家坪佃戶二共稻穀六斗八升

學署旁佃戶一租錢四千文

水田填佃戶二租銀二兩五錢

七丈五佃戶二租錢八百五十文

又佃戶一租銀五錢二分五厘

官荒坪佃戶二共租銀二兩八錢七分五厘

落龍潭佃戶一租包穀三斗

黑水潭佃戶二租銀二兩五錢

椿木坪佃戶二租銀九錢六分

鄭家洞佃戶三租銀一兩七錢

百順橋佃戶一租銀九錢二分

田家窩坑佃戶一租銀七錢

舊塘嶺佃戶一租銀二兩

鶴峯州志

卷之九

學校

十三

九十九路佃戶一租銀八錢

半邊城佃戶一租銀五兩六錢三分

梓木灣佃戶三租銀一兩五錢五分

踏梁村佃戶三租銀一兩三錢

營房坪佃戶九共包穀一石零一升

又佃戶十共租錢四千五百二十文

車家溝佃戶二租錢五百文

假岩頭佃戶一租錢一千文

又佃戶一租銀三錢

猪圈峪佃戶二租銀九錢五分

鶴峯州志卷之十

兵防

兵可百年不用不可一日不備方前明嘉靖時崗長田九霄從胡宗憲征倭屢立戰功何壯也及當崇禎十三年楚撫方孔炤調容美土司兵增當陽遠安戍非其地久尙武功哉顧土司藉民爲兵祇資其獷悍果敢之氣

國家養兵衛民必定其征防守衛之法衛昌營實轄鶴樂二邑而鶴爲川楚扼要故作營治焉厥後兵額遞減而營制如昔蓋以險隘宜防故也州歸流

鶴峯州志

卷之十

兵防

八十餘載而吾民日安耕鑿無烽燧之警有由也夫志兵防

設營源流

衛昌營原係夔陵鎮右營容美土司歸流後改夔陵鎮爲宜昌鎮并改右營爲衛昌營移設鶴樂二州縣雍正十三年原額兵丁七百名乾隆十六年奉文裁撥六名歸德安營添補塘汛又二十四年奉文裁撥六名歸安陸營添補塘汛又四十七年奉文裁撥養廉六十六名公費二十一名刪除名糧名色改支正項又嘉慶二十年



奉文裁減五十名現在兵額五百五十一名內  
除外委四員額外一員外實兵五百四十六名  
營員

遊擊一員駐州城

守備一員原駐防長樂縣之灣潭乾隆三十三年  
移駐州城以存城千總一員移駐灣潭

把總三員一駐州城一駐奇峯關一駐五里坪

外委四員一駐州城一駐鄆陽關一駐山羊隘一  
駐北佳坪

額外外委一員駐州城

鶴峯州志

卷之十

兵防

二

又千總二員把總  
一員俱分防長樂

兵額

馬兵五十七名內弓箭五十三名鳥鎗四名戰兵  
六十二名內弓箭二十六名鳥鎗三十二名籐  
牌四名守兵四百二十七名內書識二十一名  
弓箭七十七名鳥鎗二百九十二名籐牌二十  
一名炮手一十六名

以上總共五百四十六名除分防長樂塘汎兵  
丁一百七十一名外所有州屬存城暨分防塘  
汎兵丁名數列左

存城兵丁二百二十六名

東路塘汎兵丁二十三名內涼水井五名石龍洞  
五名燕子坪五名三陡坪四名百順橋四名係  
存城把總外委分防

西路塘汎兵丁三十二名內太平鎮五名奇峯關  
十四名三岔口四名大崖屋四名馬蕉坪五名  
係奇峯關把總分防

南路塘汎兵丁四十九名內茶店子四名柘潭坪  
五名五里坪十四名三路口五名白果樹五名  
牛角尖四名山羊隘十二名係五里坪把總與

鶴峯州志

卷之十

兵防

三

山羊隘外委分防

北路塘汎兵丁四十五名內水沙坪五名北佳坪  
十名劉家司四名係北佳坪外委分防高橋四  
名鄔陽關十四名雲霧村四名樓角四名係鄔  
陽關外委分防

以上共兵丁三百七十五名

經費

官兵俸餉每年兩季兼請回營存貯州庫於季初  
移取包封會同支放

兵米春夏二季按月赴州倉支領南糧米秋季支

領本色米冬季支折色每石折銀七錢赴糧道  
衙門請領再本營稻穀稀少米價昂貴寬給銀  
三錢赴藩司衙門請領

營中公費每年額領銀二百六十二兩九錢四分  
本營兵丁紅白事件惠濟銀兩每年兩次赴藩司  
衙門領銀共二百二十兩存貯白事給銀五兩  
紅事給銀三兩

額設操馬六十二匹每年每匹支草乾銀十兩零  
二錢每年報倒一十八匹請領馬價銀二百三  
十四兩隨倒隨即買補

軍器局在州城後山北門內內貯花鐵盔甲六十

二副棉鐵盔甲一百七十二副素鐵盔甲三百  
二十一副籐牌二十五面牌刀二十五口虎衣

帽褲鞋二十五副刷刀一十九口大銅礮二尊

一尊重三百八十斤一尊重  
三百七十八斤係土司舊鑄馬蹄礮三位土司  
舊鑄

劈山礮一位過山鳥一位子母礮三位金蟒大

旗十二面金蟒小旗十二面紅旗十二面戰箭

六千一百一十支步弓五十八張烏鎗三百五

十九桿腰刀五百二十六口帳房六十九籠單

堂屋六十九個鑼鍋六十九口鐵鍬鋤各六十

九把鐵斧五百七十五把長矛二十四桿撒袋  
一百四十七副鐵羣子二斤九兩大小鐵礮子  
五百五十斤鉛子七十四斤十兩寬刀刷刀十  
口號帽四百零六頂號褂五百八十件號袍三  
百四十八件盈餘刷刀一十一口

葯局在軍器局之上內額貯預備三年火葯五千  
三百二十八斤操演缺額赴藩司衙門請領硝  
磺配造又貯預備三年鉛彈五千三百二十八  
斤打靶後遵照檢七銷三之例核發所有缺額  
差目赴漢鎮買黑鉛回營製造

州城四門每門設堆卡一處又分布塘房二十五  
處每處大小木牌二面木架一座木棍四根長  
矛二桿鈎鏹鎗二桿銅鑼一面又每塘塘旗一  
面

額設救火激筒一乘號旗一桿號衣二十四件雙  
鬚火鐵鈎四桿鋏鋸二把鋏斧二把鋏鏞一口  
麻搭四桿雲梯二乘水桶四擔吊桶二個潑桶  
四個

按善守者藏於九地之下此言兵防不可不深也  
假如蜀以一旅阨陰平則鄧艾不可以坐縛哉

鶴峯州志卷之十一

職官表

州有簡要官有能否鶴峯設流之初爲要缺後改簡而期於報最績傳循聲則一也州長而外有教職有佐雜有管弁供職則有庸曠官則無濟自來郡邑志皆列職官姓名不專以爲榮也亦寓箴戒意焉當前牧輯志時職官無多今以次續載若干人爰標其班途里居及其大概著於篇其有功德於州者別立名宦傳俾覽者指而目之曰某也賢某也才某也素餐而尸位其亦前事之鏡也夫志

文職官表

雍正十三年

毛峻德 順天  
良鄉監生  
有傳

知州

繆鵬起 順天  
宛平監生  
州同

州佐

王都 順天  
大興監生  
州判

訓導

胡藩 浙  
會稽吏員  
呂存芳 順天  
大興吏員

吏目

巡檢

乾隆二年

六年

黃 袁 直隸

高 和 建福

曹 煜 江蘇  
長洲吏員

姚 昂 順天  
大興吏員

七年

鶴峯州志

卷之十一

職官

二

真定舉人  
署 州同 閩縣貢生

王 曜 山東  
濟南監生  
州判

八年

鹿 驄 豫安  
阜陽貢生

林 容 建福  
連城副榜  
州判

九年

十年

胡式璟 饒  
旗漢軍監生

十一年

沈 錦 江蘇  
周寅 坤 江浙

朱 縉 江蘇  
上元吏員

年十二

年十三

年十七

年十八

年二十

年二十

年二十

年二十

岑映奎  
廣西  
陵雲貢生  
署

李林  
順天

大興監生  
有傳

姚丙  
江蘇  
丹徒舉人  
署

翁光岳  
浙江  
仁和監生  
州同

鶴峯州志 卷之十一 職官

連頤山  
安徽  
阜陽監生  
州同

顧夔  
江蘇  
長洲監生  
州判

張光墀  
湖南  
湘鄉副榜  
州判

馬霖  
陝西  
長安監生  
州同

元和監生仁和吏員

郭成詩  
陝西  
華州監生

施元愷  
安徽  
青陽監生  
恤獄愛民  
輿情浹洽  
調補隨州  
吏目

胡國梁  
順天

二十八年

二十九

三十一年

三十一年

三十三年

三十五年

三十六年

三十八年

署馬霖  
同州

王豫  
諸城監生  
署州判  
趙廷璧  
大興吏員  
署州同  
許青錢  
普明監生  
州判

吳世賢  
奉賢進士  
有傳

方天葆  
江浙

泰順拔貢  
有傳

鶴峯州志

卷之十一

職官

四

大興監生

祝崧泰  
直隸  
滄州監生

徐在炎  
舉人由長  
陽訓導改  
授邑設訓  
導始此

黃道配  
安陸  
陳泰  
江西  
金谿吏員  
有傳

崔爾堂  
旗漢軍官  
學生州同  
王承輝  
番禺舉人  
州判

劉文遠  
四川  
缺裁以後  
表內俱係  
州判故不

署南谿舉人



三十九年 徐堅 江蘇 鄭思全 直隸 豐潤舉人

楊大烈 陝西 咸陽監生

四十年 楊大烈 州判 署

四十年 張介禧 山西 浮山監生 署

分註

鶴峯州志

卷之十一

職官

五

李玉衡 江浙 海鹽監生 署 胡光薰 江西 廬陵監生 署 逯超羣 河南

四十二年 梁植 廣東 周連元 直隸 張天培 江夏 順德舉人 新河拔貢 拔貢署

四十四年 蔡述謨 湖南 王大愷 石首 華容舉人 歲貢

四十四年 王蕙元 鑲白旗漢軍監生

四十五年 蕭先達 廣東 馮體曾 直隸

何剛中 順天 宛平監生 署 熊達諭 江西 石城監生

河南監生 署

始興貢生 清豐貢生 署

四十六年 雷應方 山西 任安邦

平遙廩貢 潔已愛民 未期歲以 終養乞歸

四十七年 徐運彩 河南

光化舉人 署

四十八年 劉元鼎 直隸

高陽舉人 署

吳煥彩 福建 俞榕 江

南安進士 鎮江監生 有傳

鶴峯州志 卷之十一 職官

四十九年 劉承銓 江西 萬善傳 陸安

長盈監生 舉人 署

五十年 洪成鼎 應山 舉人

五十二年 劉永華 湖南 舒正載 湖南

益陽舉人 淑浦拔貢

王燾 江蘇 王景邕 四川

震澤監生 巴縣拔貢 署

五十二年 楊樹本 浙江 蕭文鉦 福建

桐鄉副榜 尤溪拔貢

五十四年

楊廷煥  
江蘇  
陽湖監生

五十五年

朱掄芳  
直隸  
署蕭盈舉人

鄧夢潔  
天門  
歲貢

五十六年

何學青  
廣東  
署番禺舉人

黃銓  
保康  
歲貢

五十七年

劉光俊  
江西  
署廬陵監生

程現  
江西  
永豐吏員

五十八年

蕭文鉦  
再任  
署廬陵監生

張定模  
當陽  
歲貢署

鶴峯州志

卷之十一 職官

七

五十九年

茹宗培  
順天  
署密雲拔貢

薛名臣  
均州  
歲貢任未  
久病故因  
匪亂路阻  
視不能歸  
邑紳於醱  
資葬於北  
門外有墓  
碑

嘉慶二年

楊樹本  
回任

沈思銑  
江浙  
餘姚監生

陳文禧  
應城  
舉人工制  
藝課士有  
方後右臂  
病痺以左  
手削改課  
卷諸生服  
其精細旋  
告歸

四年

五年

六年

七年

九年

十年

十三年

十四年

十五年

陳大松

吳縣監生

鄧膺垣

廩貢署

胡攀龍

黃梅

袁道亨

江西

余遠思

湖南

平江監生

博雅課士

諄詳截取

廣西思恩

縣知縣

秦樹松

廣西

王惟球

江浙

陽朔舉人

麗水拔貢

調補隨州

鶴峯州志

卷之十一

職官

八

州判

彭之材

江西

宜春拔貢

李元

順天

張增齡

江西

署新淦舉人

范繼昌

順天

宛平吏員

豐城監生

拔貢署

司效徽

谿竹

劉運浩

湖南

署巴陵舉人

杜如錦

河南

鍾

城

順天

原武舉人

劉運浩復署

十六年

十八年

王惟球由隨

州州判調署

十九年

董惟培直隸

豐潤吏員常

二十年

林廷翰江浙  
鄞縣廩生

署

胡宗李蘇江

干廷植廣濟舉人

宛平監生署

陳錫鎮福建

順昌監生

余遠思湖南

平江監生

鶴峯州志

卷之十一

職官

九

二十二年

吉鍾穎蘇江

丹陽進士

蕭琴漢陽

優貢

道光二年

張泳孟四川巴縣監生

葛文鑄安徽歙州附貢

武職官表

遊擊

雍正十三年

王鎮維 直隸真定人

守備

彭文炤 福建人

千把

馬中德 東湖人千總

樊超 四川人把總

張祥 東湖人把總

趙玠 穀城人把總

雷戎 東湖人把總

乾隆三年

姜啓周 湖南芷江人

張文藻 蘄州人

馬天祥 江夏人千總

姚夫遠 東湖人把總

七年

王烈 福建惠安人

鶴峯州志

卷之十

職官

姚夫遠 千總

陳大用 東湖人把總

魏賡禹 東湖人把總

陸君美 興山人把總

崔世麒 陝西人千總

劉永中 辰州人

十二年 趙元長 江蘇上元人

劉啓英 武陵人

范笏 東湖人把總

張彤標 河南人把總

何應基 江夏人千總

蔡先杰 辰州人

十五年

十七年  
二十二年  
王介福  
山西徐溝人

沈補佐  
江夏人

二十三年  
二十四年

段義勇  
河南人

二十八年

張世富  
靖州人

鶴峯州志

卷之十一

職官

十一

三十一年  
劉乘龍  
直隸定興人

三十一年

曾錦  
長陽人把總

三十二年

張廷揚  
遠安人把總

三十三年

是年以前守備駐防灣潭而州屬係其所轄故備載

李春華  
興山人千總

三十四年

任愷  
遠安人

三十六年  
張攀龍  
福建上杭人

余燦  
東湖人

三十七年

雷震棠  
貴州人

張兆虎  
東湖人

鶴峯州志

卷之十一

職官

十二

三十一年

吳進功  
甘肅盈朔人

張人鳳  
監利人

三十四年

豆  
甘肅固原人

關必升  
江陵人

四十四年

楊洪倫  
恩施人

四十六年

袁光宗  
江陵人

五十四年

聶永春  
本邑人

五十五年

王啓龍  
東湖人

五十九年

王  
凱  
貴州貴陽人

王吉鼎  
字荆山南漳人嘉慶元年在宜都白田

六十四年

六十九年

七十四年

七十九年

八十四年

八十九年

嘉慶元年

至八年

元年征勦教匪衝  
地隊手刃數人  
入賊陣亡奏奉  
中給陣亡奏奉  
賞給全葬致祭立  
傳入祀昭忠祠給  
雲騎尉襲次完時  
恩騎尉世  
職罔替

張順  
湖南宜章人

孫效前

朱槐  
興山人

田繼秀  
東湖人

田應林

張豹  
遠安人

熊錦太  
襄陽人

張如賓  
恩施人



高承耀

三福

以上三員軍前  
拔補未經到任

呂連桂

以上二員軍前  
拔補未經到任

王廷桂  
南漳人  
父王吉鼎

蔭雲騎尉  
署任兩年

邵貴

以上二員軍  
前拔補未經  
到任

到任

陳連升  
邑人

楊文光  
江陵人

蕭貴  
安福人

汪應龍  
東湖人

九年  
十年

十二年  
姜元祥  
山東盈海人

鶴峯州志

卷之十一

職官

十三

劉殿魁  
江夏人

王之貴  
江夏人

羅永貴  
東湖人

李洪志  
東湖人

周文雅  
華容人

羅應宗  
東湖人

二十二年  
二十三年

十六年  
十七年  
十九年

毛竣德順天良鄉人雍正十二年以安陸別駕奉委  
提土司田明如進京行抵荊州會容美民變明如  
縊土民解押從犯投請設流監司委鞠得實率赴  
容美辦理鎮撫峒黎安插犯屬各事宜以才幹薦  
授新開州牧是時民物凋殘建城垣修壇宇官廨  
倉廩百役具舉竣德擘畫周詳分里出夫計役給  
直吏無欺隱民無擾累復設條教以變苗風遵軌  
同文與爲更始六年而政成迺以改土顛末及邑  
中所應紀載者纂爲志升宜昌守

李林順天大興人慈惠愛民政簡刑清每下鄉召父

鶴峯州志

卷之十一

職官

古

老咨詢民風課農種桑誥誨諄諄蒞任五年清介  
如一日是時改土未久人文固陋林捐俸修建義  
學三所延師訓迪有墾荒田爭訟者撥歸學租公  
暇親詣館課童子誦讀給紙筆糕餅獎勵之由是  
邑人始知嚮學

吳世賢江蘇奉賢人進士乾隆三十年署州事嚴毅  
果斷人不敢撓以私法立令行奸宄斂跡劉世顯  
等呈請開考世賢召集闔屬生童扃校文藝以糾  
其紕繆而獎其明通用此文風振興請設學額通  
詳當路批允邑人至今尸祝焉其爲文廉傑精悍

詩亦高古署篆期年吟咏成帙邑庠李靜安有抄本存

方天葆浙江泰順人由雲南知縣授鶴牧下車初卽召集生童校閱文藝訓迪諄摯如師弟子前署牧吳世賢詳請設學檄下核查葆如世賢指復詳奉奏准設學額八名乾隆三十四年學使按臨宜郡歲科兩試取士如額外撥府學二名葆所考取前列皆入彀蒞政數年政通人和公暇輒飲酒賦詩文雅風流脩然物表後以才幹調補隨州

吳煥彩福建南安人家貧力學中年成進士選范縣

鶴峯州志

卷之十

職官

十五

令以治行卓異秩滿授鶴峰牧范人不忘遺愛走數千里來鶴省視彩力止不能絕也始下車見案牘稽滯尅期集兩造日鞠數起剖決如神踰月獄訟衰息時召鄉老咨訪風俗或畏其嚴毅懼伏不能措一詞慨然歎曰范人於父母官親而不尊鶴民尊而不親自是務爲平易然於莠民必置諸法不少恕以是人懷其德而益畏其威性喜延接士人有投以文卷者雖紕繆必批改面爲訓迪觀風校士得洪生先燾部生生榕召與子裕中共筆硯飲食爲講解經義者三年解組歸士民攀轅泣送

數百里後先燾領鄉薦生榕選拔爲邑舉貢發軔  
先燾署大埔縣與閩接壤俾往復書曰道德齊禮  
聖訓非迂濶也切勿染宦途習氣蓋自道其所得  
云年八十餘卒於家裕中中福建鄉榜今任浙江  
知縣

陳泰江西金谿人由方略館供事議叙選鶴峰吏目  
老成持重事上官無牴牾亦無詭隨慈祥愛人尤  
尊禮文士俸雖薄延師課諸子讀不計費自奉儉  
約茹蘖飲冰怡如也蒞官四十年以大計膺保薦  
者數矣卒不獲遷擢歿之日篋無餘資士民醵金

鶴峯州志

卷之十一

職官

夫

白喻孺人卜葬於水寨之高岡次子鶴翔先以幕  
遊援例捐未入流分發陝西服闕卒踰年喻孺人  
與次媳亦相繼卒皆祔葬近處長子長青撫州府  
庠生寓邑中課徒

按史記一書上下數千載而入循吏傳者僅五人  
嗚呼何循吏之難也自班范以下則加多焉豈後  
人遠勝於前人耶抑或不免於濫收也鶴牧白毛  
竣德至吳煥彩共五人或闢草萊或興文學或用  
德禮誠近日之良有司哉此與司馬氏所載豈異  
也

鶴峯州志卷十二

人物

邑沿千百年溪崗之舊欲其去喬野而敦詩書化  
獷悍而作忠義蓋非旦夕可致矣然其間膺選舉  
而隸仕版者時不乏人他如疆場捐軀閨閣完貞  
與夫敦倫飭行足以表率閭鄙者且後先相望焉  
固由山川磅礴之氣鍾毓爲多抑亦

國家太和翔洽遍及荒陬之所致也昔孫子荆論土  
地人物之美其山巖巍而嵯峨其水洿深而揚波  
其人礪礪而英多不信然歟木一樹而十穫人一  
樹而百穫茲嘉與生長斯土者鴟黠鳧藻翩然偕  
來安知芸夫牧豎不皆爲搢紳先生哉志人物

選舉

舉人

洪先燾

乾隆戊申科中式第七名

選拔

部生榕

乾隆己酉科

田福康

嘉慶癸酉科

恩貢

向廷杰

潘如珍

李先春

游永興

劉漢珂

歲貢

鶴峯州志

卷十二

人物

二

龔傳諭

部生崧

何夢芝

劉美

劉祚鳳

楊盛典

劉正梅

張賜彥

趙正德

廩貢

洪先緒

喻章珩

附貢

劉正性

龔經德

周必超

李洪秀

馬大文

文仕進

知縣

洪先燾任廣東三水縣歷署大埔南海  
教諭

部生榕署任公安縣學

訓導

龔傳諭任蒲圻縣學

部生崧任漢陽縣學

洪先緒歷署江陵枝江縣學

喻章珩歷署安陸府蒲圻縣學

雜職

覃倫純任四川石泉縣典史 吏員

鶴峯州志

卷十一 人物

三

聶愈煥任安徽岳山司巡檢 附生

武仕進

吳開泰任福建延平協副將

向進才任廣東那扶營都司

張映槐任福建長樂營守備

陳連陞任保康營守備

張兆虎任衛昌營千總

聶永春任興山營千總

張士魁任宜昌鎮中營千總

劉榮任宜都營把總

袁光宗任衛昌營把總

田繼秀任衛昌營把總

汪廷舉任陝西千總

洪永科任宜昌鎮中營把總

袁文任宜昌鎮中營把總

周朝相任宜昌鎮中營把總

雷開科任衛昌營外委把總

向升榮任施南協外委把總

袁光先任衛昌營外委把總

陳元任衛昌營外委把總

鶴峯州志

卷十一

人物

四

胡士雄任宜都營外委把總

張士元任衛昌營外委把總

鄧開榜任衛昌營外委千總

黃登鏊任宜昌鎮中營外委

李輔臣任衛昌營外委

雲騎尉世職

劉朝相以父劉榮廕

向錫爵以父向升榮廕

田大英以父田繼秀廕

雷開位以兄雷開科廕



雷克振以承繼雷開科廕

恩騎尉世職

張士魁以父張兆虎廕

按地不必皆名勝人不必皆高位而海剛峯以瓊州興楊椒山以典史顯彼固有足重者存也一命之士苟存心愛物於人必有所濟徒誇閭里而耀鄉黨甚哉淺之乎爲丈夫也

義行

洪永清城坊人其先世自安慶來山遂家焉清容  
美時負販爲業家漸裕改土後與弟永源永隆  
均財分爨友于無間時邑多桀驁子弟橫逆相  
加笑謝之不與較中年喪偶不復娶子繼文繼  
武早卒故朝夕經紀家務孫殿選聖時入武庠  
意弗慊也囑長子繼周延師課子以紹江左書  
香病革時孫先燾赴鄉試語家人曰吾病已不  
支而燾孫必中蓋以夢兆卜也不數日殂燾果  
獲雋

劉世顯千金坪諸生果敢有爲鄉里公舉每身任  
之遇爭訟者力爲勸解邑改土三十餘年未設  
學世顯倡首由州上嶺各憲得 奏准設學額  
八名乾隆三十四年開考取士世顯同子正性  
俱入泮人以爲急公之報正性於邑修理 交  
武廟慷慨倡捐擘畫周詳工賴以竣世顯孫三  
庠生二曾孫六庠生一蓋四世青衿焉

部錫侯原籍澧州諸生遷邑和平里以孝友聞前  
知州李林延爲九峯書院山長來學者先命嫻  
習禮儀因材訓迪娓娓不倦時邑請設學慮土

籍能文者少擬客土分額李謂錫侯掌教有造於邑人將編入土籍爲報雖事未果行而已以土籍存檔矣子四太學生二孫十一拔貢一歲貢一庠生四太學生四

何士敦原籍桃源年八歲而孤弱冠棄舉子業肩家事撫兩弟成立婚娶無間言析居時並出妻奩貲與弟均分里黨咸義之旣遷邑三父口以詩書課子孫爲急務邑請設學命長子清與焉平生言動不苟家政嚴肅而和平接物人皆樂與之交子四歲貢生一

喻公禮城坊人誠樸簡重與人無競其兄充在城鄉約辨有口得前牧信任左右袒人不敢忤公禮諫弗納遂請析居命諸子各執一業而躬釣於河濱其兄沒後子式微而公禮孫明經一廩庠生三太學生一人咸謂忠厚之報云

李世龍水寨人躬耕自給族中有艱婚娶者嘗捐田畝以助其資爲人剛正不阿交遊有過必面折里中不肖子弟聞其警欵卽避之子二長名林安性爽直勇於爲義邑城修理及各廟皆賴以葺事福田寺出力尤多子邦瑛庠生

洪永源城坊人粗涉書史邑設學年已五十餘自恨不能應試喜勸人讀書常置酒食召里中子弟卽其家會課館師評定後列甲選者給以紙筆不合繩墨者正色責之其培植後進類如此子五其季名繼德因軍功得議敘以善醫名孫十一人一候選從九品一庠生

向鳳舉燕子坪人世業農嘗以未讀書爲恨且涕泣前牧李林創建九峯書院自請捐金助之李謂之曰爾不知學而急於興學如此子孫必有食其報者後其子廷杰爲邑恩貢首孫亦廩生

鶴峯州志

卷十一 人物

八

田萬應小蒿坪人性溫和尤善處橫逆兄弟析居後弟姪輩以游惰致貧乏常分潤之而不能供其揮霍一日適太平鎮諸弟姪毆之拔其髮辮其子欲訟之官力止之子四孫七庠生一部泮錫侯子太學生性直爽無隱情喜成人美始終力爲之盡尤篤於宗族其在原籍澧州不能婚姻者召之入山爲聘娶邑有公舉皆趨赴嘗重修學宮遍邑勸捐鳩工庀材寢食旁舍至落成始歸子四拔貢一餘皆庠生

李靜安水寨諸生父力田靜安喜讀書父審其能

計姓名卽自塾中召歸命之春靜安手書一卷  
且春且讀家人往視則米無完粒矣遂命卒業  
與劉世顯等請設學額居嘗爲人忠厚木訥無  
妄言戲語哦詩種花外無他好子三太學生一  
孫六庠生二

張俊城坊人少孤貧充營中書識以養母母嘗病  
俊割肱作羹以進尋愈後數年母沒俊廬於墓  
戚鄰憫其羸喻以毀不傷生乃掖之歸

謝士瑜城坊人與弟士璠同居以家計獨任而命  
士璠業儒喜排難解紛雖遇橫逆亦反覆開導  
或出以詼諧必得其心服乃己弟士璠天資英  
敏爲諸生歲科試屢冠軍以鄉試卒於途士瑜  
傷其志未遂抑鬱成疾不數歲亦卒

洪繼周永清子太學生少倜儻不羈稍長折節務  
醇謹懋遷化居而家益豐自奉淡泊而勇於濟  
急人借貸不稍吝或貧不能償卽不索凡焚券  
以數千計邑改土數十年城內外各廟宇日就  
傾塌周與部泮劉正性龔經德倡修 文武廟  
文昌廟又與劉龔諸人及喻文奇李林安倡修又與  
諸人分任福田寺募化一切購料督工及銀錢出入

俱手爲經營不敷則出己財以佐用其踴躍公事如此長子先燾以孝廉任知縣次子先緒以明經任訓導夫婦年登八十州牧吉鍾頴製文稱祝蓋紀實也

趙士剛原籍慈利三都容美改土後隨父移家走馬坪讀書通大義劉世顯等請設學赴省代籌資斧事得濟子儒珪儒欽力耕善治生季子學謨篤學不倦年四十餘與子政德同入泮學謨伉直耿介於公事有關利害正色直言豁如也課子嚴曰無以一矜自足賚志而歿儒欽有捐

修義渡事詳營建志士剛孫十歲貢一庠生二周嘉瑛邑諸生下陽河人重然諾不苟取與鄉有爭訟者力勸阻必得解乃已儉自奉遇公事慨然解囊不稍吝教子嚴入泮者三胞弟光武善盧扁爲里人療病不受一錢其子必超附貢生以克家稱超子光勳庠生

龔傳璽字六瑞少由石門遷邑屬之關外與弟傳瑜同居肩家事勸瑜力學析爨後移家懶板棧廢著鬻財命長子監生經緯次子州同經猷持籌握算課季子附貢生經德讀皆有成性爽直

與物無競病革戒諸子曰兒孫輩能讀固善不能則力田經商各有恒業舍此去惰游幾何諸子謹識其訓爲家法邑修理 文武廟文昌廟經德與其姻好劉正性皆慨然爲己任關外士民踴躍樂輸以二人爲之倡也孫十一太學生三庠生五曾孫十餘庠生二

胡仁則澧州人弱冠移家後溪坪習白圭計然事數年遷懶板櫂百舍重繭三貧五廉準物而估直以此居積致富先是懶板櫂戶口寥落自仁則懋遷商賈輻輳成市性謙和橫逆唾其面不

與較生平從無構訟事長次二子皆太學生三子維才州全銜季子維珍附貢生仁則未歿時子孫林立衣無羅紈出無輿馬其告戒儉約然也至今鄉人猶樂道其軼事以爲治生者法

孟士仁所坪人喜讀書通大義巡檢愛其才召爲攢典士仁端謹自愛財涉非義者輒麾去以致窘乏昆仲五將析箸諸弟以士仁負債百金係爲次兄姻事費用議將公產變還士仁曰券係我名我自有產不以累諸弟其長子起文意不欲次子起武慷慨請父將己應得田產立券出

售債得清鄉人皆以士仁篤友于而起武亦能繼父志云

戴士誠世居上陽河兄弟四人皆善事父母析爨後輪奉甘旨長兄移居兜長溝墾荒每歸省父母輒召與同餐諸弟恐妨父母膳有微言士誠獨以爲兄居深山食包穀以故兩老人憐之我輩治食當益豐諸弟如其言父母益心喜素豪爽喜濟人急癖書工吟詠教子孫悉衷諸道諸生周嘉殷者端方士語同學曰士誠行誼真吾輩師也

鶴峯州志

卷十二

人物

十三

向帝書大典河人力農事和平正直鄰有忿爭者必力爲和解身在則里無爭事身沒則鄉人思之

林遠占事親以孝聞生母卒事繼母如生母繼母壽至九十二歲未嘗一日遠離

劉綸音韭菜壩人性和平與人無競遇橫逆則斂手謝之鄉人皆服其長者子二次名人美太學生

王遂虎茅坪人世忠厚富而仁病革謂諸子曰凡親友借貸者有券在篋多不能償恐爾輩於我



歿後迫索盍焚其券以釋吾憂子從之至今衣食仍裕孫五人一名相儒太學生

田萬里原籍江西僑居邑太平鎮善醫市藥爲業遇貧乏者不取值人比之宋清先是其父與同姓某夥商權若兄弟後某死子幼萬里承父志遇之如同產

郭易開原籍公安僑居邑蓼紅溪性伉直喜排難解紛善岐黃術不索謝子三人一名傳薪補諸生

田清年龍潭坪人樸實公直重然諾鄉里事無鉅

細必倚焉前牧報舉鄉耆

牟昌元三岔口人力農爲業其母病禱於神願以身代一日母索肉食家貧市遠無以應昌元割左肱肉熟而進之母病遂漸愈

田正南五里坪人居近市多強梗或以橫逆相加雖唾其面弗較也善耕作家日以阜子四虎斗桂斗俱監生孫林立有游泮者

洪先緒繼周季子由廩貢援例分發訓導歷署江陵枝江縣學事性廉敏財利無所苟邑有公事必毅然引爲己任分校邑志時已得嘔血疾垂

危猶手檢一冊訂其錯訛送局未及見書成而卒士林惜之

覃祚倫劉家司人醇謹公正前州牧方奉文建修塘坊義學廉其人命作北路督修首領祚倫毫無所侵卒其不敷者捐貲成之後州牧吳命充鄉約數年賜以善良可式額其先世丁單至今子孫繁衍人以爲厚德之報於此益信

龔旦小龍潭人勤儉孝弟里中有相爭者善爲排解或謝以財却不受旦歿後里人多因口角細故構訟不休僉曰使旦在斷不至是子四人次

鶴峯州志

卷十一

人物

古

子學濱邑庠生

汪惟一父早歿事母極孝中年妻復亡惟一不能再娶躬操井臼以事母母病私取中裙廁踰入子舍身自澣濯

樊恭綢性醇謹言笑不苟卒後鄉鄰訓子弟者皆傳述以爲師法

按五代史一行傳而知歐陽子之取善也寬矣方尚蠻據險自雄此與梁唐之壞亂無以異自歸版圖而此風丕變十室之邑必有忠信三人並行厥有我師豈如蠻花狢鳥之無知者哉

列女

謝國綸妻唐氏居城坊年二十五夫歿子方昇甫  
三歲氏撫之稍長延師課讀涉書史每道其母  
苦節輒嗚咽涕泣乾隆十四年知州胡式璟詳  
請咨部奉

旨旌表

譚文用妻傅氏居燕子坪年二十四寡遺孤方四  
歲氏堅志撫子迄於有成乾隆十四年知州胡  
式璟詳請咨部奉

旨旌表

鶴峯州志

卷十二

人物

十五

部灝妻張氏年二十夫亡子生林甫六月氏矢事  
翁姑撫孤子備極勞瘁兼能經理家計衣食贍  
給爲子捐從九職銜乾隆五十九年知州何學  
青詳請咨部奉

旨旌表

鄒龍妻李氏年二十五夫亡子女俱無翁姑竊憐  
之託鄰嫗勸改嫁氏輒正色以拒翁姑知其志  
堅聽之歷四十餘年粗衣糲食足不踰閭罕有  
聞其言笑者乾隆五十九年知州何學青詳請  
咨部奉

旨旌表

覃世相妻田氏年二十六歲寡子甫三歲家甚貧氏矢志撫子未冠而死孤苦終身備茹荼蓼

吳之書妻康氏許字後書病癱兩姓父母患書病不能痊議欲改字氏不從乃成昏調藥餌不避穢惡年二十八歲而夫故氏撫子苦節辛荼備嘗

劉百祥母羅氏年十九歲寡百祥甫一歲家無長物氏冰蘖撫孤門戶皆待以支持命百祥就學鄉塾補諸生

鶴峯州志

卷十二

人物

十六

鄒永珍妻徐氏年二十九夫亡家徒壁立而有四子衣食所需皆待氏經營茹荼嘗蓼任兼男女四子皆賴以成立戚鄰憫之

田金南妻翟氏年三十夫故有一子二女氏撫之昏嫁皆畢甫生一孫而子又亡氏復撫孫兩世零丁卒能箕裘不墜迄今衣食饒足並皆粗習書史故鄉人憐其苦而服其能

袁逢春妻田氏年二十夫以征苗匪陣亡而遺腹子始生氏苦節撫孤知州范繼昌旌其門曰蘭心鍊性

覃文翰妻周氏許字後文翰父母相繼歿氏時年十六而文翰甫八歲氏知文翰家撫孤無人請於父母曰郎無所倚女願待字其室以肩家事父母許之遂往任操作碩黦織屑月沒星替並勸文翰附村塾讀書兩涇則背負往還文翰粗識文字衣食亦不缺乏皆氏力也生四子年六十五先文翰卒

王文蔚妻李氏年二十六夫歿一女甫三歲無子氏柏舟自守擬俟夫第生子爲夫承祧而夫第復艱子嗣乃招壻爲終老計

周德興妻謝氏年二十七夫亡無子有二女俱幼親鄰憐其貧無所倚諷以再嫁氏不從撫女擇配完潔無疵以針黹度日

雷開科妻戴氏夫爲衛昌營外委征教匪陣亡氏時二十六歲有一子甫二歲逾年夫歿氏母居桑植苦竹壩老而無子氏遂往事奉而以夫弟襲世職後夫弟生子氏爲夫立嗣夫弟歿以嗣子請襲氏遭倫紀之艱而完節守貞慈孝兼盡爲巾幗所罕有

生員部生樑妻覃氏年二十九夫歿三子皆幼其

姑哭之慟氏諫曰未亡人撫遺孤以事姑猶夫在也姑過於哀傷設有不諱如諸孫何姑爲之節哀氏孝事老姑延師課子以儒業世其家嚴女許字梅姓梅以移業遷陝西數年遠問不通人傳爲已死嚴父母更字他姓及親迎在途聞梅姓由陝歸娶不敢成昏女兩不欲行遂雉經死以解訟端州判王惟球爲作烈女傳入藝文志

黎家祥母杜氏孝事翁姑嘗值姑病醫藥弗效氏禱於神割股肉奉之病漸愈子家祥家彬皆諸

生

覃秀林妻劉氏年十九而夫亡氏撫孤孀守孝事老姑不衰學師蕭矜其志節白於學憲沈旌其門曰松貞荻誨

吳在德妻李氏生員李靜安之長女年二十二歲夫歿家極貧氏孝養翁姑撫遺腹子與榜成立備極艱苦今抱孫矣年六十餘言笑不苟巾幗中以爲矜式

柳興舉妻恩貢向廷杰之姑年二十三歲夫歿氏甘守苦節撫二子文煥文炳蚤夜力作衣食得

以粗給年七十餘諸孫林立擇聰俊者負笈從師前訓導陳文煊道經其宅贈以匾曰節厲熊丸

生員謝士璠妻岳氏年三十歲士璠以鄉試歿於途氏痛不欲生勉撫二子以養以教俾至於成人以一子承夫兄祧

洪繼武妻戴氏年二十八歲夫亡無子氏以夫兄子聖時承祧視如己出聖時應武試爲庠生

李士茂妻子氏生員于吉爰之姪年十九而夫亡子僅一歲氏冰霜自矢依母家度日撫子成人

鶴峯州志

卷十二

人物

九

于淳妻李氏年二十六歲夫歿氏紡績度日養葬翁姑備盡婦道撫二子可克家

徐南極妻鍾氏年二十八歲夫亡孝事翁姑撫二子引年願年業儒引年弱冠入邑庠氏六十二歲卒

劉國棟妻鄧氏年三十歲夫亡子開泰甫一歲氏孀守撫孤勤儉臻至嚴督開泰誦讀補諸生

周必洸妻趙氏年二十四歲夫亡止一子氏上事翁姑下撫幼子險阻艱難備嘗之矣非松柏爲心曷克臻此

生員余情芳妻李氏夫本安福籍僑居邑劉家司以授讀爲業氏年二十八歲夫亡家無擔石氏矢節匪他紡霜績雪以撫其子卒無忝於所天唐玉先妻劉氏年二十七歲夫亡三子皆幼氏縮衣齋食勤紡績而勗詩書命其子屢應學試氏歿時猶以未補諸生爲憾

王世聰妻鄧氏年十八歲于歸三月而夫故姑痛哭屢絕氏泣跪姑前曰氏卽姑子也姑以無子難守氏撫夫兄子承祧家雖貧窘而仰事俯畜皆能經營

龔經文妻皮氏年二十六歲夫亡遺一女氏撫姪爲嗣生一孫而嗣子歿氏撫孤兩世備著苦節李斌妻江氏年三十夫故氏清操自矢孝養翁姑撫子成立壽至八十一歲

何逢龍妻燕氏歲貢何夢芝之長媳年二十五歲夫亡子甫三歲氏矢志孀守所居三岔口至火燒嶺山路險峻氏請於夫翁捐金修治行旅便之

張天倫妻黃氏年二十九歲夫亡氏守貞苦節恩勤鬻子乾隆三十六年前州牧方天葆旌以匾



額曰名烈柏舟

樊尙華妻劉氏生員樊彬之祖母年二十六夫亡氏冰兢自守撫育其子翁姑亦爲之歡顏慈孝交盡閨中之彥

田光輝妻王氏年二十一歲夫亡氏勤儉持家數米稱薪卒能事翁姑而撫孤嗣以完太璞而溫惠淑慎尤爲鄉里所景慕子士選補諸生

朱浩妻高氏年二十七夫亡氏礪節如松堅心似石事翁姑以孝撫孤子以慈而持家嚴謹賢於古之名媛

鶴峯州志

卷十二 人物

三

康士淇妻田氏生員田光普之姑母年三十夫亡氏勵志完貞甘荼如薺現年八十有三

劉民表妻田氏生員田種德之姊年二十六歲夫歿無子家極貧不能繼嗣氏誓不再醮依母家度日現年七十有六

孫學禹妻喻氏年二十四歲夫亡無子氏守口如瓶防身如城撫夫姪爲嗣孝養翁姑備極勤劬按仁者不以盛衰改節義者不以存亡異心不謂僻陋在鶴乃有婦人而爲烈丈夫者接踵相望彤管未輝豈所以激揚貞風哉悲鏡鸞而孤掩惜釵

鳳以分飛雖磨筭化石茂以加諸固知十八拍未  
足歌也

從祀昭忠祠營弁

張兆虎任衛昌營千總征大金川陣亡

劉榮任宜都營把總征勦教匪在來鳳縣旗鼓寨陣亡

田繼秀衛昌營把總征勦教匪在陝西洵陽縣三溪河陣亡

向升榮施南協外委把總征勦教匪在長樂縣四方臺陣亡

雷開科任衛昌營外委把總在房縣一碗泉陣亡  
從祀昭忠祠兵丁

鶴峯州志

卷十一

人物

三

袁龍 袁逢春 金友德 胡方來 辛宏舉

岳宏烈 吳兆富 邵開鼎 高登富 喻得勝

車廷華 劉貴 洪永升 熊天元 覃升

袁士雄 田輝斗 羅義開 張懷 唐得榮

田林受 李天富 洪繼相 張永珍 全德

趙士忠 王世臣 唐學周 袁士傑 陳開運

孫金得 鄧開元 金鳳 張大科 桂得科

向升恒 徐國相 魏光廷 曾士魁 孫順

劉士相 向升元 田義南 黃相忠 田炳斗

王廷輝 吳光太 馬懷 楊宏 王作順

周繼武 甄之鳳 田國受 王有義 曾士龍  
孟光才 周華 徐宗先 張正鳳 徐允康  
覃繼賢 魏光賢 劉金魁 劉士杰 覃太  
劉景 唐明魁 向祚華 羅春 游之倫  
桂連 葉允盛 田光才 田明萬 張廷秀  
徐國 王有臣 李元 田雲斗 孫開富  
唐繼學 羅正開 桂得忠 易顯德 葉永德  
羅文華 唐珍 廖中科 王貴  
王大烈 鄉勇

按屈左徒之哀國殤也出不入兮往不反平原忽

兮路超遠帶長劍兮挾秦弓首雖離兮心不懲誠  
既勇兮又以武終剛強兮不可凌身既死兮神以  
靈魂魄毅兮爲鬼雄嗚呼斯言也豈但慰死魂哉  
亦足以作士氣張國威矣

耆壽

紳耆年歲相符者附列

向子貴年一百零八歲嘉慶十四年詳報有案  
龔傳瑜年九十三歲任蒲圻縣訓導告歸曾元十  
餘人

陳東陽年九十六歲住謙吉里孫曾繁衍嘉慶二  
十四年詳報有案

田儀如年八十四歲住在田里

田萬選年八十四歲住在田里

嚴玉賢年八十五歲住謙吉里

潘玉美年八十六歲住純化里

鶴峯州志

卷十二

人物

五

饒朝宗年八十八歲住正德坊

以上八十以上五名嘉慶十四年詳准有案

于自貴年八十一歲住正德坊

唐康國年八十五歲住和平里

向士文年八十二歲住在道里

黃允連年八十六歲住在道里

張成周年八十一歲住在道里

姚玉甫年八十三歲住在田里

燕緒承年八十四歲住在田里

譚邦旭年八十七歲住在田里

以上八十以上八名嘉慶二十四年詳准在案

馬 安年八十歲

梅士親年八十七歲

孟仕智年八十六歲

康國禮年八十六歲

王錫爵年八十七歲

田士遇年八十歲

胡大經年八十歲

宿子文年八十九歲

以上八十以上八名現據採訪補報係品行端

方者合並列入

按張蒼事秦柱下而至漢孝景思邈生隋開皇而及唐永淳古有其人乃今於向子貴等親見之其可使與編戶齒乎三老李躬五更桓榮邈乎不可及已今據已報未報者並皆錄之於篇庶知絳縣老人不可見役於輿尉也

部生棟性孝友年十七以身肩家事俾其兄弟得  
專心誦讀分爨後兩弟相繼卒子俱幼皆賴其  
經理督教排難解紛尤爲鄉里所重其歿也來  
弔者皆號泣而去

楊世忠奇峯關人充衛昌營兵丁性慷慨人以事  
相譟諉皆力爲之盡有分爭者反覆開導婉爲  
調停必事寢乃已在行伍中真鉄中錚錚者

洪先燾乾隆戊申科舉人初任廣東大埔縣事以  
勤廉稱士民愛戴卸篆後大署民之父母四字  
於行舟以餞之補三水令調署南海因失查被

議解組歸以文章培植後起與部生榕分葺邑  
乘稿甫定而病卒邑鄉舉暨任民社皆自先燾  
始未竟其用士林惜之

田應富妻劉氏年二十五夫歿一子甫三歲家無  
次丁氏內外兼營撫子成立孫三人長興邦補  
邑諸生

長樂縣縣丞羅文杰字甫田四川富順人娶邑人  
彭聯勳之女爲繼室羅卒於官舍彭甫二十六  
歲官况清苦不能扶櫬回蜀暫殯於漁洋關彭  
撫一子一女以針黹度日貞白自矢脩嘗茶蓼

鶴峯州志

100210.2054

156

Sp. 20K

卷十三卷十四

藝文 雜述

跋





鶴峯州志卷十三

藝文志

州設學甫四十餘年其文詞不少概見宜矣然序述時事歌咏風俗或出宦遊所著作或出邑士人之記撰卽改土以前其碑刊序記與投贈詩文之類亦時時散見於他說蓋不得以無文少之焉文不尙炳烺詩不侈綺麗義苟繫乎邑雖異地之人弗畧也義不繫乎邑雖鄉賢所著亦弗錄也詞章辨而人才亦歸於正屈原生於秭歸宋玉起於宜城惡可以山陬僻陋概之哉志藝文

新建文昌廟記

知州 吉鍾穎

州舊有文昌像附祀武廟後又移於書院嘉慶六年頒行文昌祀典 命州縣皆得立廟並祀其先代於後殿禮與武廟埒前署州劉運浩王維球相繼董率其事廟在州西闔內蓋昔土司奉祀至聖像舊址其地狹復買民基而擴之所費益多

鍾穎

抵任後紳士丕振再接再厲創始於嘉慶十六年告竣於二十五年匪獨新之又從而廣大之匪獨堅之又從而永固之嗚呼何其善也文昌於天官家言爲戴筐六星上將尙武威也次將正左右也

鶴峯州志

卷十二

藝文

二

貴相理文緒也司祿賞功進士也天垂象聖人則之固已梓潼上直參宿有忠良孝謹之象實掌文昌府事及人間祿籍故天下科名之士皆宜祀之

顧鍾穎

有欲爲州人士告者士君子自束髮受書

知在國爲忠良之臣則必恥貪鄙而尙節義知在家爲孝謹之子則必黜乖戾而進慈和體諸躬爲有本之學見諸文爲有德之言其能如此者雖未見神而禮拜之而神已深契之也其不能如此者雖日向神而禮拜之而神已深惡之也然則神豈關乎祀與不祀哉亦在乎人之賢與不賢而已矣

是役也矢公矢慎庶幾能有始終者八人洪繼周  
部生榕劉正性龔經德洪先裁謝境安于自貴陸  
光五於例得並書以誌美也亦以勸善也

重修城隍廟記

吉鍾穎

州城隍廟創建於乾隆三年前州毛峻德備極籌畫重修於乾隆五十五年前州楊樹本雷應芳皆以鄉保董任其事所用物料率雜舊木土塼未及三十年而已有岌岌欲崩之勢

鍾穎

於嘉慶二十

二年抵州任每值朔望瞻拜憂棟宇之將墜憫垣墉而欲傾其何以蔽風雨而妥神靈爲之相度其形勢而經畫其財用自捐可也勸捐不可也夫民者神之主也欲事神而先擾民則百弊生焉因首出俸資鳩工庀材而民之不待勸而樂輸者磨至

於是楹桷之撓折者易之蓋瓦級輓之殘缺者新之丹青之漫漶不鮮者朽之并置廟田若干以備常供固已有光於前無壞於後矣自古治民之法備則以人道治人事後世治民之法窮則以神道制人心官以掌陽教神以理陰教人有不畏官而

未有不畏神者也然則神廟之修惡可以已哉

鍾穎

穎司牧茲土樂其地僻而事簡時與山中父老課晴望雨爲之祈晴而晴祈雨而雨者已無不捷於影響卽其四方之多罪遁逃亦虔禱於神而時亦弋獲俾此州得以安居樂業而屢獲豐年者吾知

非神力不至於此也

重修州志采訪小引

署知州 董惟堉

粵惟九野分星職方氏區物土之產八荒殊氣小  
行人上民風之書故稽地掌圖蘭臺既典籍宜備  
而徵文考獻邑乘尤輜軒所資鶴峯舊屬土司嗣  
成州治版圖初附闢草昧者畧紀源流時序代更  
覽風教者大異疇昔弗及今重爲蒐輯必歷久益  
就銷沉本州才愧烹鮮學慚製錦緣紳耆圖此遠  
舉嘉會適逢念民社任匪他人仔肩莫貸因之欣  
允所請并囑亟謀厥成惟是八百里樹密雲深勢  
難諏度遍及千餘年碑殘簡斷能勿見聞異詞谿  
峒溯唐宋而遙制雖殊而源不可沒黔黎濡  
堯舜之化風旣周而事多可書劍犢牛刀習俗誰  
爲潛易風琴雅管人文孰與振興標傑特之峯巒  
名材非榲楠可罄涉幽深之澗壑佳士當蘭蕙同  
芳宣力戎行洵多捐軀報國之英俊束身名教亦  
有爲善於鄉之秀良至於孝著南陔貞完白首或  
已邀 旌揚於綽楔或猶且汨沒於窮檐斯固風  
化所關允爲表章難畧若夫居鄰屈宋名人續風  
騷餘音地廣林泉開士闢仙佛勝境雪泥鴻爪觸  
懷而留華翰者幾人徑塗河梁捐貲以成義舉者

安在值 重熙累洽之盛庥嘉知史不勝登洩五行百產之精瑞異亦理所時有薦紳稱道固足以廣流傳閭巷誦揚非無能備紀述彙輿論而成實錄邑長吏臆見毫無申鄉評以愜羣情都人士偏私必屏喜文物衣冠之迥異前日庸庶幾乎成章斐然惟風土人情之咸無闕遺所厚望於是邦賢者

宣慰土司田九峯二十一史纂序

岳常道 姚淳燾 烏程人

風俗與化移易得善變者數人焉倡之而王道之行可以四達不悖矣今

天子聲教洋溢萬國賓服日照月臨之下凡有血氣者皆得曉以禮義導以名分沐以詩書使之蒸蒸嚮化靡有違心况土司星分楚徼禹貢荊州之域去王畿纔三千里奉正朔守防禁輸忱報績歷有年所而拘墟者謂當別其種類羈縻籠絡使不得與於玉帛冠裳之盛嘻何其小也予剖符常岳職在

鶴峯州志

卷十三 藝文

八

寧邊莅政之初卽聞宣慰田子尊賢禮士飽飫詩書以著述名家私心固已異之旣又聞其編輯史畧二十一朝互有商確芟繁摘要考誤析疑殆類通儒之所用心非苟焉而已也戊寅夏四月田子忽遣使載書滿車冒風雨數百里走蘭津投贈索叙其子應恒款門入謁風流淹雅有吳公子遺意予益歎田氏之澤再世未艾而

聖天子文教誕敷涵濡浸灌其收效於天下若是其大且遠也雖然止水鑑形日光體影千秋得失史文大備矣田子披覽之下見古者山陬海澨有奉職



勤王銘勲天室者有夜郎自大抗天拒命冥冥焉  
不戢自焚者有世篤忠貞分茅錫土傳之無窮者  
有叛服不常初終異轍嘗試天威隕其世墮其緒  
者其間是非禍福一一澄觀而靜驗之於以敦修  
自好力帥諸司永承帝眷後之人踵其業者學成  
而升於有司試於鄉舉於春官彬彬乎後先王國  
與一代名臣並光史冊此誠稽古之榮善變者所  
宜自效而功先倡導予亦藉手田子報南服之最  
績焉日夜望之矣

平山萬全洞碑記

土司 田舜年 九峯

平山容陽一大保障也昔文相國銜菴寓此有年稱不容口其山四圍峭壁寬廣縱橫可百里東西南北有四關所謂一夫當關萬夫莫往之地南關保安橋飛虹天半又八峯十景之一也創自先曾祖郢陽公今東關古城是其經始遺堞先祖太初公造廳事數楹於橋之東偏至大伯父雙雲公時值闖獻肆訏不信文相國之謀以致張皇遠避及事後始痛定思痛而大修其城卽今東關之新城也雙雲公卽世二伯父夏雲公僅遵成事迨先少

鶴峯州志

卷十三

藝文

十

傳公乃稍修理之自夏雲伯與先少傳兩任間流賊竄擾歲歲用兵皆以天泉爲根本蓋天泉小而平山大天泉數人可守平山非土軍數百莫能布置而不知平山之下有萬全一洞也洞初名何家洞萬全則予修葺後所名也予爲兒時隨夏雲伯往來天泉道中見洞圓廠如畫竊思一遊未果自乙卯承緒後鑒於先少傳公去天泉而移黃鸞鎮致有闖司入於劉營之變於是一意以天泉爲肯構以九峯爲司治而更葺萬全洞焉始入洞時中皆大石填塞平地僅二丈許爲土民屯守之所予

相其勢可開闢也遂於去洞咫尺之新坪始葺署舍環列四市以定其基舊稱洞中無水僅仰汲山巖上涓滴然非無水也水皆由石中行也盡起其石築爲城臺而泉流如注矣予自癸亥春移居新坪在洞經理日多至丁卯之冬守禦旣固亭閣亦稍稱完備每當日月照耀雲霞捲舒覺山川草木蔚然深秀遊其間者莫不嘆爲物外巨觀而豈知良工心苦籌所以緩急可恃者非一朝一夕之故耶夫山間之洞不少而萬全有平山爲之表平山得萬全爲之裏表裏相依而前人經始平山之舉萬全卽以記平山也

重建虹洞橋碑記

今名花橋

明庶吉士

黃燦

澧水東北折別沂溪稍西上天門抵陵陽距百里許爲添平禦治隣禦齒屬則麻陽麻陽者麻寮守禦也唐氏世職於茲攷麻陽古婁中地西接客美東折出石澧達荆岳南邇九谿慈利慈利在昔爲臨澧國朝割臨澧天門之僻隘建設守禦隸屬九谿俾阻要害關叢篁備征繕遏克攘地多懸崖箐林丹障邃谷岠嶺激轟澗派凜冽雨注泉鳴瀑湍駛迅迴合成溪其兩水環唐氏宅夾抱周旋滙於麓右則虹洞橋是也每當山漲岸裂勢同望洋需

鶴峯州志

卷十三

藝文

三

藉浮龜續斷航宏治初年戶侯唐公明德就墩架木構亭其上久之頽圯後龍崗公嘉靖年間重輯捲石飛甍磷磷更新舊傳于姑元學者董助甚力歲月浸遠洶濤激石流澌齒唇乙酉徂暑泡雨衝潰裔孫唐侯君秩惻然念之迺出私橐鳩傭工求礪礮斬陰木浹旬告竣亭廈備具橋成仍其故額曰虹洞勿忘祖也時余伏苦塊避寇添平唐君走使告書其事余以時事愴心楮墨久廢辭唐侯復請曰夫再造者艱前經始者勸後某之營此先是得諸祖夢彷彿仙姑內子同符矧梁成卽捧檄出

師矢勒先烈殆有神乎明公何惜一言不以示鼓舞後之人罔聞知余惟周禮司險知川澤之阻而達其道路水涸具舉獨木云榘橫木云杓石杠云倚麻陽雖僻然棘除道通合爲九谿侯之事此視夾彩架天有間比諸榘杓則已懸矣又陽羨似虹謂其橋南北高起有似虹形棘陵垂虹宋紹興中金人犯境衆議焚橋郡守洪遵持不可縣父老亦集哭圯下得不果焚虹之命名厥來有自今者北師南下狡寇星奔所幸長江一帶宛然天塹使得勝兵良將造舟爲梁斷流可期奚止遏其飛渡耶

夫慈利治西有水沉洞焉發源酉水經流魯陽山俗呼爲魯陽溪計虹洞浸流相去不遠異源同派繇臨澧共會湘沅以道於江水之朝宗橋之取義悉與時事合唐君此建以其治橋節而愛推諸治兵律而臧指俟奏膚公膺上賞貽後昆光祖德端在茲矣詎止修葺一橋之爲功德乎遂走筆書之以示唐君曰其毋忘此志是役也起於某年月日落成某月日唐君名加陞字君秩世襲麻寮守禦所正千戶

江坪普濟渡碑記

知州方天葆

州南路江坪九女河水迅激舊以獨木槽舟爲濟  
往來者患之前牧毛公峻德捐俸設渡船一隻並  
置買地畝山場以爲渡子養贍修船之費立有普  
濟渡石碑碑陰鐫刊地山界址糧稅數目欲以垂  
久遠故並載之州乘百姓至今頌之不衰嗣因碑  
燬於火而接管渡子私賃前置之地船亦朽壞民  
苦病涉復歷有年所今山羊司胡公國梁重修渡  
船復召募里民陳乾一爲渡子清查前地爲餼資  
禁止勒索並於渡口捐置房屋三間給與居住俾

棲身有常不至行人呼渡需時其所以便民至矣  
事蕪之後詳請立案備考予曰此州牧事而賢司  
先我爲之予能無愧焉雖賢司莅任以來諸廢俱  
舉匡我不逮者正多然卽此辦理普濟渡一事其  
心與政蓋亦可與前牧毛公相媲美歟爰爲之記

邑大崖關外舊有所官隘官唐姓其一也設流後所隘缺裁唐姓子孫之處石門慈利者倚世職作護符每朋黨入山指荒土爲祖墓誣人剗毀給以錢則不興訟而其實唐姓祖墓關外止三冢皆經標識有不甘受其誣者互相訐訟事涉疑似不能驟決民多因以廢業失時於是關外荒土爲唐姓奇貨歲有獲焉乾隆四十八年石門世襲千把唐彌盛唐盛業唐運太生員唐業精四人者以監生王炯毀其曾祖唐世順叔祖唐之徵墓控於予予

卽其所呈族譜驗之覺其奸詰之曰爾譜內已故者數百人並未載葬某地惟於唐世順唐之徵簽標葬白果坪則此數百人皆可隨時簽葬地矣毀墓之獄安有窮乎四人者譏譏爭辨固請予往勘蓋關外距州治百四十里山峻路險意予必憚跋涉卽往亦必不輕發人冢而彼之奸仍可售也越翼日予召兩造隨出關至則四人者痛哭涕泣詐爲祖墓受毀傷狀予曰王生毀人墓有明法在顧不見墓中棺獄無由具爾等自舉鋪刨之以爲驗四人者有難色予怒而迫之刨至六尺許皆實土當

是時環觀之人無慮數百其代王不平者有喜色其助唐詐索者有懼色四人者左右瞻顧頰形於面釋鋪叩首曰公信燭某等之奸矣某等力竭願伏辜不能創矣先是民人劉士元者亦以唐彌盛等誣其毀墓具控予卽於是日往勘仍命自創則一水坑也四人者益惶恐無詞予取其誣控結狀遣之去邑士民請於予曰關外居人以毀墓受累數十年矣公一日履勘其奸俱露幸何如之然願公更有以警將來也予旣爲之示禁并書其事而勒之石



重修

關帝廟碑記

知州楊樹本

州城之南有

關帝廟衆山拱峙一溪環流地旣崇隆勢亦宏敞洵一州巨鎮也攷之舊碑蓋創建於土司田太初其孫田舜年復擴而大之并範銅爲像以奉香火時爲康熙壬申厯今已百有餘年矣顧是時名弗彰改土後列於祀典春秋官僚肅衣冠致祭於是典制攸隆而神威益著於遐邇嘉慶丁巳春予復來茲土竊見棟宇漸頽門廡盡圯急謀所以新之會軍務不果八月事竣偕州人士載瞻廟宇方以工

鶴峯州志

卷十二

藝文

七

鉅弗克任是慮而一時咸起而言曰我儕之得有今日微神之力不及此曩者隣匪肆擾已入北境之金雞口賴官兵追遁而挺而走險屢迫州疆最後復欲由北境竄入時大軍已移藩籬莫保人心惶惶幾不知身家爲何有乃卒不敢窺伺從間道遁去不啻如見八公山隱隱有所懾伏者豈非神靈默佑俾我儕罔罹兵燹耶不寧惟是州人率山愚耳顧數年以來無一人入其黨悉皆應募當役急公趨事又安知非神之聰明正直有以默牖其衷而邪妄悖逆之輩無從煽惑耶今茲議新廟

宇誠我儕所亟宜酬報者願乞一言爲各鄉勸爰  
議城鄉首事庀材鳩工樂輸者踴躍恐後於戊午  
八月正殿一新固未有工成如是之速者也由是  
山門廊廡以次建立且於殿前構亭爲各官肅拜  
之所兩廂翼其旁鐘鼓亭峙其側歌舞臺臨其前  
規樞雄壯氣象聿新迥殊舊制真可扼重一州佑  
我黎民於百世者矣落成之日偕同官瞻仰殿庭  
徘徊眺覽不惟巍峩炳煥神志肅清而林巒森秀  
溪水澄鮮更與畫棟丹楹交相輝映是神之威  
靈不且與山之高水之長永昭赫奕乎哉是役也  
各勸諭首事及監修諸人靡不各殫心力而不憚  
勞苦以身率先則里民喻文奇爲最故未及期而  
工竣余旣誌其顛末復列書姓名於後其樂輸工  
費無論巨細亦各勒於石俾一覽可得并可知州  
雖山陬固不少急公好義之人也

改建劉家司義學記

州判 王惟球

古之教者家有塾黨有庠州有序化民成俗雖鄉曲不可廢也容陽自改土歸流漸沾文教六十年來鄉舉選貢均已有人厥後人文蔚起月異而歲不同烏知不於家塾黨庠驗之余自壬戌之夏莅任北佳坪查所屬劉家司向有義學卽古黨序意也閱兩月公便過其地見其屋已傾圮且在深山古廟之旁孤僻荒涼人跡罕到匪直獨學寡聞且恐燕朋燕辟或惑於外誘而不覺良可惜矣又閱兩月紳士有部聖堂者余同年父也偕田仰韓易

鶴峯州志

卷十三 藝文

九

仁則田紹武諸人來商於予愿勸捐改建於北佳坪余欣然諾之捐俸爲倡並以署右餘地讓作基址前爲講堂後爲坐廳兩旁正室界分四爲生童臥舍右偏廂房爲厨竈暨天井門樓墻垣臺砌落成之日無不楚楚可觀有謁余者曰此座山作伏虎狀易曰大人虎變其文炳也且左倚官衙右連文昌閣翠屏環拱清溪抱流與夫竹木之陰翳禽鳥之飛鳴滙爲活潑潑地他日文才之盛不卜可知顧所切念者惟以是舉費雖不多成亦匪易亟爲訪通儒主講席離經辨志敬業樂羣以冀有得

視向之僻處劉家司有名無實亦已愈矣其部發  
館金牒詳州郡每歲仍令照領舊舍卽捐彼處廣  
福寺作爲廟業至若修脯之宜增膏火之應給又  
在有志諸君另爲籌備茲特喜其成用記顛末云

嚴烈女傳

王惟球

北佳坪保墨湯井民人嚴紹文有女名珊年二十  
一幼字同里梅氏子士龍梅遷居陝值蓮匪之亂  
傳言合家遇害女遂改字宣邑之張堯典已親迎  
矣士龍由陝適回女聞信中道而返背父母縊焉  
閱日紹文士龍堯典暨各戚黨不赴州控而集訴  
於余余曰此聰明貞烈女也一死而三家之事俱  
釋矣蓋女之字梅而改字張者傳聞之謬也梅張  
互控官必歸過於其父女似可以父命爲辭字梅  
歸梅字張歸張人盡夫也聽之而已此鄉曲女流

罔知大義惜性命而不顧廉恥者比比然也若烈  
女則審此至熟以爲故夫旣在不得藉口父命猶  
踐新盟而行已在途亦復恥尋舊約之張不可之  
梅不能且以區區之身速父於訟何以爲人歿則  
已矣猶可明無二心以釋憾於梅而慰謝夫張並  
得全其父非故敗盟而爽約也其處此萬難之勢  
而能曲盡其情其心之苦雖古節孝之嘖嘖人口  
者不過是也吾不意窮鄉僻壤風氣衰頹忽有是  
女而有是事也士龍堯典亦復何言判令紹文收  
葬亟爲述其事勒石表揚之庶幾貞魂慰而風俗

敦不僅士龍三人永息訟端已也

鶴峯州志

卷十三

藝文

三

州人洪穀齋封翁八十壽序

州知吉鍾穎

丙子秋副憲蔣丹林先生聞予補秩鶴峯自京來書云鶴峯雖僻在一隅其間有舊友洪君鳴臯曾任粵東令爲人廉靜誠直足資延訪予卽心焉誌之而知其見重於鉅卿者必有自來然猶未悉其世德之若何也丁丑夏予莅斯土洪君鳴臯偕其弟理堂通刺相見得悉其封君穀齋太翁年高德盛好善樂施爲鄉黨所矜式其太孺人亦克相夫子力操井臼辛勤起家長嗣君以孝廉歷官廣東大縣所至卓卓有政聲次嗣君以明經屢任司鐸

鶴峯州志

卷十三

藝文

三

訓迪有方今皆歸里承顏養志諸孫頭角嶄然顧而樂之以引天年翁之膺福受祐其亦厚矣哉竊思夫世之以勤儉裕家業者未嘗不課子讀書漸有成立然未必其二難競爽先後皆獲祿仕以顯揚其親卽兄弟皆仕矣而未必其親之年登髦耄卽父母皆壽矣而未必其身之康疆今乃於人人冀倖而不敢必得者賢伯仲獨能之可不深幸歟繇是里之人咸嘖嘖稱羨以爲翁之受祿於天實有倍於尋常者然徒慕其嘉偶之齊年子孫之逢吉而不知所以致此之由是猶溯流而忘其源也

豈知翁者哉翁性純篤家居以孝友聞且材識練達籌畫如燭照數計因是家業日興誼周宗戚惠浹里鄙顧其性甘儉約衣服飲食澹如也州中有大工役惟義所在必力自肩任蓋鶴峯自改土後一切修建事宜前此皆未遑舉行得翁爲之首倡凡鬻宮學齋與祠宇之載在春秋祀典者咸鳩工庀材次第告厥成焉其餘如福田寺三元橋復不吝貲財偕衆修整完固以是知天之報施善人固自有由翁之受 褒封享多福所以倍於尋常者其在斯乎其在斯乎吾聞之壽者壽也有壽於世

之行天必壽以大年將見保艾爾後洪氏之興何可量焉夫敬禮高年表彰碩德以維風化以厚人心固有司之責也茲值太翁與其德配先後八十年壽辰鳴臯昆季請予一言以爲壽爰撫實以道其梗概如此



謝晴文

吉鍾穎

浹旬秋雨山吏心焦諸陰不閉積澮難消溢隄泛  
隴達旦連宵誰告帝所爲止飄蕭所未轉瞬霽在  
崇朝求神神在孰云其遙神司容土幽贊德昭豐  
年屢告腹不至枵屠維紀歲雨露尤饒豈於小潦  
遂起曉曉况在拙吏敢有妄要心雖顧慮身隔重  
霄而蒙神聽立予颺颺黑蜮縮頸跋烏揚翹四山  
雲氣劈之使影明星在戶突見斗杓迴異昨雨濕  
鑱僧寮授文使誦星必箕招有人來告溪漲山橋  
石路泥滑路阻噍噍豈惟耕者水沴爲悵言已而

嘆告我同僚山衙夜靜坐聽蕭蕭禱憂難達望斷  
秋寥神意忽動元冥不驕豈私於我俾我釋慘我  
爲民喜可保蓂穠穗不慮臥水不愁漂非神之佑  
民何以聊欲寫神貺握槩難描同官肅拜言取血  
膏坎其擊鼓間以笙簫式佇來格歆此申椒我更  
有請福豈一邀神終其惠玉燭常調

募修百斯庵引

洪先燾

州人舉人

百斯庵何自仿乎予聞諸父老蓋容美時爲艱於子息者建也其名則取諸百斯男之義云爾夫以文王之德有太姒爲之內助其所以綏福祿而迓天休往往見於歌頌矣而說詩者推其發祥之自以爲周家世篤忠厚積功累仁者十五王鬱焉未食其報而眷顧所加不得不以開闢未有之盛佑啓而光大之蓋千古一人而已報與施適相當有符契焉非可倖而致也後世自學問之士多諉於氣數而不盡其理而流俗又祇以拈香獻媚爲求

福計則宜乎吉祥之無由迓而抱伯道之憂者比比也申包胥曰天定勝人人定亦勝天蘇長公曰仁者必有後皆以言乎報施之理捷於桴鼓而萬世莫之或易也今夫世家右族瓜瓞綿延賢才輩出或十餘世或數十世人莫不羨其門之大也而不知所以致此者必其祖若父爲之培植子若孫爲之世守以相引於不替而美不先盡也雖其視聖賢之所以得天與天之所以報聖賢者有大有小其爲燕翼貽謀則一也人誠能卽是以求焉求自盡其分以無愧於心焉燕蘭之夢長庚之兆何

必古人咏螽斯而誦麟趾皆理之一定而莫之或  
爽者豈非然哉豈非然哉此前人名庵之本意也  
今庵歲久坍塌同人謀所以新之時議方於嗣息  
厪念因舉古義爲說併請爲諸君子發軔有能發  
大歡喜心者雖與誦思齊之什可也

重修城廂各廟紀畧

洪先燾

昔裴度修福先寺皇甫湜爲作碑文一字三絹曾  
王學記炳耀千古近年畢秋帆先生撫河南時修  
八里橋 關帝廟予宗亮吉太史根據陳壽三國  
志叙述忠義凜凜有生氣此皆文章之極至足令  
文士擱筆者然予嘗輯大埔志因得博覽各郡邑  
之志學不必曾王莫不有學記日未覩陳壽三國  
志莫不有 關帝廟記筆不若皇甫湜莫不有祠  
觀廟宇之文此豈徒採藻摘華競勝詞章已哉蓋  
亦以紀建置之原委著作者之勤勞崇國家之祀

典編地方之香醴藉筆墨以昭來許云爾今吾刺  
史修纂邑乘命博採各廟碑記虛無以應舊碑間  
存一二文不足錄則邇日之金碧輝煌更閱數十  
百年有訪求相度之歲月改建之始末亦都無所  
考証豈非邑乘中一大缺憾事哉是吾輩操觚者  
之羞也燾請撮序其畧容美於今城隍廟旁建學  
舍數楹祀 先師像改土後創建 文廟多用田  
氏舊材至乾隆五十餘年遂朽腐不可支邑侯蔭  
軒楊公勸諭重修署州蘿陽何公繼之邑人踴躍  
趨事規式照舊工較堅固又於其前添建獅子亭

及名宦鄉賢祠乃移城隍廟旁 聖像入祀加藻繪焉共約估費以一千八百金計 武廟建自容美改土後屢有補葺至嘉慶初漸圯邑人醵金重修大殿兩廊戲樓并添建拜亭及左右鐘鼓樓費約數百金廟旁爲百斯庵於嘉慶初重修其前爲三義祠後移祀神像於 關帝殿後另建廟移祀細柳城之龍王像併入武廟僧掌管以便香火亦估費金以數百計福田寺容美古刹也祀大銅佛三上數百武爲報恩寺係田氏家廟前臨市後抵校武場邑人以供奉目連大加修葺頗極壯麗

至乾隆五十三年大水二廟漂沒殆盡父老以報恩寺地較低窪遂併歸福田合修亦約費金以一千數百計此重修各廟之大畧也夫爲善無近名亦不可沒人之善各廟雖吾父與有微勞設非邑士庶勇於趨公虔於事神烏能於廿年間百堵皆興釐然就理其必有文以表章之宜也乃燾爾時方與部子生榕從事帖括馳驅風塵又以題目重大名作林立未敢率爾握槩而邑侯之操燕許大手筆者適值苗匪教匪先後騷動調兵勦戍軍差旁午更不暇吮墨濡毫爲此不急之務故碑版至

今闕如也茲撮叙梗概依事直述詞不尙華聊補  
缺畧庶較沒字碑爲差勝也後人可以無譏又邑  
舊有 文昌像附祀百斯庵後移祀書院嘉慶六  
年奉文建廟祀典如 武廟邑人士呈請捐修至  
十五年諏吉上樑規模崇閎踰歲竣工燾解組歸  
里或以碑記見屬予以荒疎辭竊聞文昌六星在  
斗魁前蓋星名也 梓潼帝君之號唐時始見雜  
記世所傳文帝化書載七十二代士大夫身姓氏  
確鑿拘儒不敢道然在天爲星辰在人爲聖賢在  
幽冥中爲神靈貫通一理杳渺非誣 功令旣頒  
理益顯著邑人士旣知奉公修廟虔心裡祀必能  
仰體 帝訓父兄相教詔師友相磨厲俾秀異子  
弟爭自濯磨湛深經術砥行立名與陰騭相印合  
吾知 帝君司命司祿權衡桂籍亦必潛相默佑  
煥我山陬發科發甲後先接踵不似前日之朴魯  
無文也姑附誌於此以爲券

按前牧楊有重修 關廟碑記稿本付某未勒

石作者亦未見故文內云云茲將楊文採錄  
仍錄此文俾後人得識建修各廟梗概

邑少府陳楫川六十壽序

洪先燾

吏能備清慎勤三者循吏也其能得之下佐末吏乎而我邑少府楫川公實兼備之公以庚寅來鶴於今二十八年矣五斗俸外非分所應得者不乾沒民間一錢食蔬茹筍厨傳蕭然廩無馬囊無金不畜僮僕家有負郭之田不百畝可不謂清乎民以私訟質焉據理以平其曲直而冤抑不一聞也剖情以發其愧恥而笞箠不輕加也上以公事委焉職所當爲者詢諸衆庶而務爲力贊也義所不得爲者復以婉詞而不求希合也可不謂慎乎昔

崔斯立爲藍田丞無所施用孟郊尉溧陽以吟哦廢事名士無實世以爲譏公職在司獄巡視之惟嚴職在弭盜鉤鉅之惟謹簡書可畏不辭鞅掌案牘可省不滯期會曰吾以盡吾心耳可不謂勤乎然則公信循吏也哉使有爲之薦揚於上者焉一歲九遷其官可也胡爲看驗者四考績者九尙屈獲茲土也或曰圭璧其心者拙於求進廉隅其躬者短於趨時或曰位卑而地僻無殊尤之績可稱無崔苻之功可藉資格所限大憲亦無由以不次待之然公嘗爲叢言吾初筮仕時功名事業雅不

欲居人後今老矣回憶當日同事諸人有超擢飛騰者有獲譴落職者我雖不得顯處亦未履畏途不可謂非厚幸焉且我更是邑也久其於人民風俗也習往往與邑老者課晴問雨不啻故園父老也與邑少者言孝言第不啻故園子弟也與邑文士把酒論文不啻故園朋友故舊也一旦遷擢之他能免思用趙人之嘆乎蓋其胸中浩然以義命自安如此而於鶴人鍾情之深又如此歲十月八日爲公六秩弧辰邑士庶謀躋堂介觴而屬壽以嘏詞壽食公德者三世喜邑人之有同心也因以

芻蕘之言代士庶祝曰洪範之五福首壽公年屆指使髮尙未宣期頤可以徵已惟是吾儕小人之愛戴君子者不惟於其身猶望其多賢子孫公諸郎濟濟適符燕山寶氏之數長者能文章少者學伊喔瑤環瑜珥蘭茁其芽天其以此酬公與以公居官能於其職其子孫之象賢可知也則請歌小宛焉曰教誨爾子式穀似之以公積德未食其報其必發祥於子孫又可知也則又請歌南山焉曰樂只君子保艾爾後諸郎皆生長於斯異日聯翩蔚起翺翔雲達邑人士炫耀而侈談之曰我公之



盛德不虛也豈不美歟抑燾猶有私祝焉公不鄙  
夷吾民大概如前所稱矣俟再周一甲癸公解組  
歸田乎燾當縷述治績告於邑侯祀公於名宦他  
日續修邑乘得備載之以永其澤焉

三里荒修路引

洪先燾

三里荒大路離州三十餘里高峻爲諸峯最北出者由痴虎坪而上南來者由東鄉坪而上梯級百仞始躋其巔循巔而下山麓亦約百仞人汗喘馬虺隤矣山腰舊有樵徑險狹不可行乾隆五十年間附近田文龍等鳩工剔鑿成新路坦迤而近省攀崖陟磴之勞一嶺橫過上視向所經歷之天梯雲棧乃在空際行人以爲便顧路半皆石砌狹處祇二尺許左倚峭崖斧鑿難施右臨溪澗刻絕萬仞其上下有土處砂石夾雜間爲畚田耕種土旣

鬆動石易傾頽路顧屢修屢圯燾每過此下輿馬偃僂行目眩心悸不敢旁睨并聞土人言時有負重顛隕下澗立斃者心爲加嘆焉因思鞭山填海人則無術若但棄此磽确片壤勿耕種以搖土脉又環路廣栽樹木以作杆蔽而固根柢此固吾輩力所能爲謀諸同志皆曰善願各解囊助買地資地主覃志全等欣茲義舉憑衆估價若干金歸地於公燾喜此路之險可平狹可拓屢修屢圯之功可永固也爰志其顛末如此俟立券後覓工栽樹白諸當路禁止耕種採樵者勒文貞珉以垂永久

黑龍洞修路引

喻章珩州人廩貢

環鶴皆崇山峻嶺徑險阻少坦行處州南黑龍洞一帶尤爲崎嶇輿馬罕通而路當扼要前通西三保關外之咽喉也後抵八峯山州城之襟帶也肩者背者行旅之往來者不能舍是而他途之從焉沿溪數里皆羊腸鳥道一綫屈曲有罽崖一段尤逼仄人倚石壁行旁臨深淵心恒惴惴此五丁所未嘗開巨靈所不能擘也人視茲路爲畏途也久矣年來路益圯茲有附近耆民謀鳩工修理礧礧者剗削之傾畷者培補之窘仄者砌石而展拓之顧以工鉅費繁商及下走珩曰道弗不可行規國者以爲譏修橋補路亦陰騭文中要條也諸君以濟物利人爲心人之欲善誰不如我必有解囊以相助者易曰履道坦坦書曰王道蕩蕩行爲此險徑歌砥矢矣爰書顛末以爲發大歡喜心者勸

請重修州志公呈

部生榕

州人拔貢

竊惟風土攸分圖書資輜軒之采世年遞嬗邑乘備文獻之徵故必博覽旁參載筆不遺夫既往因之居今證古成冊永著於將來鶴峯舊屬土司嗣成山邑歷唐宋元明之久隸要荒者千餘年值

文武成康之隆設官吏者八十載服疇食德幸沐熙朝深仁一道同風允稱盛世樂土矣伏思宣猷布化司牧歷著循良釋耒橫經學校咸推翹秀疆場敵愾頗多効忠之武夫閨閣完貞不乏型俗之列女攬著作於秋苑固可問俗考風表善

鶴峯州志

卷十三

藝文

三

良於茅檐亦足振衰式靡雖山川城郭舊志已梗概之粗存而文物聲名今時覺規撫之小異倘其閱人閱世竟爾紀纂無聞從此傳信傳疑彌將荒蕪莫考恭惟老父師絲牽僻壤澤遍巖封守正無私江都相之家風未沫持平不撓雒陽令之政績猶存敷化理於鳴絃允矣民懷吏畏發幽潛於擗管定堪激濁揚清某等世處山陬身蒙樾蔭享桑麻之樂利敷歷幸逢龔黃憶父老所流傳文章思託班馬伏乞簿書餘暇俯賜丹墨沾濡改土以來之民俗土宜盈數寸之牘以不朽歸流而後之善

教卓行附如椽之筆而彌彰不惟宇下士民快同  
慶雲爭睹亦且山中瓦石咸藉珠玉生暉矣

重修奇峯關橋梁記

部生榕

奇峯關祀

關帝神像於土司舊建成樓樓砌

以石瀕於溪溪濶幾三丈當衝路架木橋以通行  
旅年來溪水泛漲岸日潰樓勢脆脆里人稍徙橋  
上流廟祝葛叟虞廟之遂以頽也鳩里人議遷他  
阜予曰遷廟避水策誠善然由此岸益潰樓莫保  
橋難架樓不保則古蹟湮橋不架則行人病得其  
一失其二矣且遷廟他阜剗山鑿石費不貲若用  
其費以修堤架橋廟既不患傾圮古蹟長存行人  
利賴是一舉而三善備也於諸君意若何僉曰然

鶴峯州志

卷十三

藝文

三六

爰議量力捐金分途募輸而推予董其事予鳩工  
庀材堤成橋架并建屋以覆橋上蓋閱歲而事乃  
蕆焉夫溪之有橋久矣溪岸之被衝突亦非一日  
矣今之修堤架橋緣葛叟議遷廟而牽連相及也  
設使葛叟不倡此議則堤終不修而橋終不架且  
使予不身肩其事葛叟雖倡此議仍無異築室道  
謀也豈鄉鄰貧乏者多憚於重役之興歟抑因循  
苟安急於義舉者之難其人與吾聞一介之士存  
心利物於世必有所濟自茲以往堤雖築不能禁  
溪潦之不衝突也橋雖架不能保風雨之不剝落

也里之人若以爲事不係乎一身一家坐視其漸就坍塌而不爲之所欲求古蹟長存而行人利賴也不可待矣予故記其顛末而復以隨時補葺望於後之踴躍急公者

蓮花石賦

以砥柱中流形似蓮花爲韻

部生榕

兩岸青山。一泓碧水。瀏其清矣。何緣浪沸成花。激而行之。幾見川平如砥。罨春草於河畔。彌望葱蘢。湧霜楓於灘頭。亂浮紅紫。誰爲之拒傍崖。盡洪水湯湯。是不可磯盈瀨。皆白石齒齒。爾其郭繞西流。峽橫南浦。雙溪逼合。颺若雲捲。電馳峭壁對懸。東成龍躍蛟舞。方溯渤以飛騰。倏漩滾而瀆怒。堆非如馬。漫擬江到瞿塘。勢忽迴瀾。恰同河流砥柱。則見石紋割蘓。花影漾紅。轉移無時。殊泗濱之浮磬。雕飾盡去。異莖露之凌風。乍疑下有驪珠。竟日精

鶴峯州志

卷十三

藝文

碑

光四射。不道中無泥玉。長年深色一叢。偶臨流以攄懷。如遊池上。倘涉波而言采。宛在水中。於焉魚戲。東西南北。蕊歷冬夏。春秋驚艷。匪遙擷來。思同澧浦。裛芬殊杳。望去空憶芬洲。或者天補媧皇。遺片石而鏡光難掩。不然機支織女。付清流而錦段猶浮。漫云郎面同妍。丰姿近若壁立。可是女身倏化。幻相逾添風流。爰乃放情巖壑。躡屐郊坰。陟岡巒兮徘徊。彷彿佛座湧現。瞻極浦兮懸眇。依稀仙舟。艤停證山海經之名葩。光驚四照。分西王母之異種。開閱千齡。倘遇好奇坡公。中宵定亦理棹。如



逢善畫王宰。五日可能繪形。彼夫鑿池精舍。規入社於遠公。作說濂溪。比不淄於君子。既清殊錦城芙蓉。亦韻勝河陽桃李。然而英標曲沼。迎初日以嫣然。迨至芳萎淤泥。彌寒潭其何似。則雖足遠超凡葩。孰若茲常對彼美。至若磬鍾雲夢。珉產藍田。靈壁新奇。寶玩米顛之袖。鬱林磊砢。裝載廉守之船。美縱比天上三品。秀終輸波中一卷。曾說客遊湖心。花堪作壁。爭知頭點水面。舌亦生蓮。觀夫響激。鏗鏘猶是硨磲之石。根磐唇窟。居然燦爛之花。清露濯姿。蕩搖曾無綠蓋。碧波漾采。掩映不借朱霞。若箇舉芳製裳。應思清徹肌骨。何人枕流漱石。可有香盈齒牙。漁父問津。當年羨桃花夾岸。畸人探勝。此地學斗牛泛槎。

鶴峯八景

八峯聳翠 紫草輝霞 龍溪夜月

印石承基 果老仙洞 蓮石砥柱

龍潭古鼎 天泉保障

以上八景爲土司所標列故舊志有容美八景之語溯其舊也嗣後咏八景者皆改題容美爲鶴峯焉

州署八景

鶴亭遠眺 射圃歸鴉 古梅殘雪

荷亭避暑 竹院聽風 雙桂排衙

鶴峯州志

卷十三 藝文

四十二

雙柏插雲 西山夕照

以上八景前牧方天葆標列

黃象洞在瓦屋臺洞水浸滴成崖筍其形如象齒鼻皆具色黃故以名洞

三潮水懸崖壁立有泉按寅午戌三時飛流瀑布過期止一綫涓滴故名

日月崖在黑門兩旁石壁上懸二圓岩一赤色一白色故名

夜珠池在玉溪峯頂有寺寺前有池名夜珠

包穀

知州毛峻德

山田多犂确惟黍實生之吳下呼雞豆秋深老玉  
糝白抄雲子碎青怕沐猴窺粗糲思艱苦窮檐足  
療飢

啞酒

板屋團團坐歡呼挈一瓶白波捲細管紅友吸仙  
醺戶小鄆箎醉魂招楚澤醒底須杯在手麴部未  
圖形

鶴峯州九日 用杜韻 知州李林

高倚山樓腰帶寬客中佳節強爲歡三杯白酒辜

鶴峯州志

卷十二 藝文

三

新蠲一徑黃花笑破冠候雁影分重嶺斷丹楓錦  
碎隔溪寒租符底似催詩急爲寫煙雲作畫看

鶴峯懷古

署知州蔡本愨

才子工愁懷宋玉 在巴東 美人遠嫁惜明妃 在歸州 騷

增月冷荒青塚獨對空山雲影飛

夜郎相近灤西東流落天涯尊酒同一自共開詩  
世界至今巒嶂盡凌空

先主荒祠配武侯空山俎豆獨千秋幽魂長抱三  
分恨風雨靈旗戰古楸

白雲深處接巫山暮雨江城客夢還多事仙才工

作賦高唐神女有無間

荅宣慰土司田九峯兼送令嗣應恒歸里

岳常道 姚淳齋

蘭津峽路未全遙鎖鑰同心荅

聖朝三代風流歸洞口懷春詩草碎芭蕉

其二

幾年史畧費刪除投贈牙籤載滿車二十一朝披  
覽盡可知荒徼故同書

其三

鶴雛春暖向蘭臯還往翩翩試羽毛梨甕欲傾千

鶴峯州志

卷三

藝文

四

石綠爲清邊氣荅賢勞

其四

漢家明月共迢遙有意重過莫待招料得南州歸  
夢曉錦雞啼處憶吹簫

鶴峯八景

署知州 吳世賢

八峯聳翠

猛虎恃負嶠化蜀傳飛檄羅列刀劍形時平同面  
壁八峯峯無名蒼翠空欲滴

紫草輝霞

返照石壁紫綺散繞餘霞此中茁似草四時不斷

花莫問商山叟或者葛洪家

龍溪夜月

我出城南門亂山凹更凸下有一線溪  
潌洄貯明月相戒勿輕探俯恐驚龍窟

印石承基

臣心清於水臣節介如石放衙閒鎖印  
蒼苔繡一碧寵辱兩不驚一片留青白

果老仙洞

白雲與之俱仙靈洞中宿粒粒濟衆生  
何用監門哭爲問辟穀方倒騎驢尾禿

鶴峯州志

卷十三

藝文

巽

龍潭古鼎

古鼎垂雙耳下有毒龍藏酌泉泉不竭  
搗藥水雲將豈必享大烹霖雨溥羣蒼

蓮石抵柱

靡靡厭卑喧蓮花凌空結一柱抵中流  
衆魚潛其穴亭亭開十丈舌在還能說

天泉保障

雞公連石竇去天儼尺咫泉聲石上流  
楚氛淨足喜在德不在險保障固如此

運米行

吳世賢

萬山積雪雙足洗一步一跌運兵米兵鼓腹兮民  
忍涕有時破涕哥轉笑聲聲高唱邊關調邊關烽  
淨月如銀年年歲歲蠲租

詔況復將軍羊峴山旌旗細柳鎮南蠻軍中粒粒念  
辛苦力役何辭行路艱君不見昭君村接鶴峯樹  
萬里蒙塵輕故土

包穀行

吳世賢

萬峯簇簇人似烟鳴鉦擊鼓哥徹天小婦赤脚男  
尻肩相呼相喚來種田田中青青惟包穀粒粒圓  
勻珠十斛十斛量來賣街頭青錢只堪腰一束今

鶴峯州志

卷十三 藝文

吳

年處處樂年豐換得錢歸室磬空室空還仗明年  
種那顧飛躡兩脚腫衣不沒骭骨如柴包飯搏成  
走斷崖年年雪棧冰坑裏帖耳低首莫抗差差來  
側目冷一笑喝取包穀作馬料

州署八景

知州方天葆

鶴亭遠眺

八百延袤萬疊山斗州天塹四雄關桑麻雞犬風  
猶古文物衣冠俗不蠻洞裏笙歌聲寂寂溪邊鱗  
石水潺潺可憐改土歸流後荒塚空餘夕照間

射圃歸鴉

觀德亭前噪暮鴉羣舒金翅碧天涯無心出岫雲  
多態有意還巢夢正賒帆帶夕陽歸極浦雁驚歲  
晚落平沙分明識得棲藏處射圃何妨任爾家

古梅殘雪

長將瘦骨倚墻邊閒守名園半是仙魂斷雪餘拋  
玉珮夢驚風過落珠鈿林昏有霧籠綃帳月淨無  
塵染素娟此地寂寥君莫怨耐寒誰復占春先

荷亭避暑

水繞荷亭花滿池小橋南畔暑氛稀涼生翠蓋搖  
紈扇風弄銀波沁葛衣長日正愁午夢短幽窻却

喜晚香微爲憐此地真清寂斜倚朱欄待月輝

竹院聽風

庭院浮筠似渭川烟梢裊裊晚風前漫將屈態迎  
人笑好瀉寒聲却自憐簾外恍聞飛玉粟月中疑  
聽步嬋娟客來野飯休燒笋留得竿長譜管絃

官衙排桂

堂前列種木樨花爲愛天香不放衙霜薄瓊枝清  
徹骨雨肥金粟碧於霞端排雁序分班第好整鶴  
行作爪牙正是衆芳搖落盡貪看獨秀占秋華

雙柏插雲

古柏蒼茫望轉迷生來兩美一般齊參天黛色雲  
爲髻溜雨霜皮月可梯斗柄正垂高幹北山形低  
向嫩條西不愁歲晚驚寒雨長有祥鸞待汝棲

西山夕照

爽氣徐來日已斜西山憑眺極天涯碧峯疊作重  
重錦斷岸流成片片霞怨女罷粧還繡閣征人攬  
轡趨晴沙徘徊不盡登臨興回首名園待月華

細柳城觀刈稻與農民問荅作

知州雷應方

隴畝高低黃雲平南阡北陌耒耨聲長吏奄觀有

鶴峯州志

卷十三

藝文

哭

喜色老甿不覺嗟嘆生問言秋成非不好八口仍  
無半歲飽今年淫雨緜仲夏富室局倉長穀價手  
中無錢腹中飢不是倍償不能借可憐青青田中  
穀未熟已入飢人腹此日禾場索逋去婦子歸來  
吞聲哭貧家有年還如荒出門何處逢酒漿安得  
富室無債券有穀不上他人倉

登署後鶴亭

知州吳煥彩

四面擁烟鬟人行步步艱峽吞兩河水草占半城  
山竹樹圍村小魚蝦入市慳荒陬樂訟簡好共白  
雲閒



望鄉臺

盤折到絕頂危亭片刻涼雲邊山萬點巖際樹千  
行綿邈通巴蜀巍峩逼紫蒼海濱何處是東望憶  
吾鄉

容陽詞七首

知州楊樹本

陟岡種包穀履險乃如夷豈不畏蹉跌相期免調  
飢

深山多棄材採伐任枯槁山中木綿不易得楫枹  
滿爐代布襖

大米珍如珠高粱亦罕有祭祀及燕飲一味包穀

鶴峯州志

卷十三

藝文

四九

酒

高荒多苦寒五月蔬未熟何以給饗殮猪草和稀  
粥

背版山嗟峨任重取值多只願有力大如虎不辭  
身作牛馬馱吁嗟何人不努力山民力食勞如何  
黃豆漿包米飯秋稼初登適所願山農一飽勝珍  
羞日食萬錢猶貪怨

生長深山中不見山外事蚩蚩者何爲怒焉慙撫  
字

留別鶴峯諸紳士

署知州何學青

瀟瀟風雨兩忘年  
彈指瓜期忽惘然  
自分少香留去座  
他時高會憶羣仙  
雲依碧落三珠樹  
雁拂清霜九月天  
醉我醇醪無限意  
問君何以贈韋絃

咄酒二首

何學青

屏除杯棧對陶罌  
主客遞將雙管擎  
吸去香先迎沫上  
注來水屢挹壺傾  
不須漉滓煩元亮  
倘勸餽糟誤屈平  
最是少陵知此味  
無多酌我醉難成  
釀成貯到經年美  
試飲尤於夏日宜  
莫惜我須低首就  
可知人慮入喉遲  
暢懷頗勝傳荷柄  
勸醉爭禁唱竹枝  
蘆酒鈎藤名號舊  
漫因苗俗錯題詩

鶴峯州志

卷十三

藝文

五

容陽雜詠

署知州 王惟球

九峯南聳正當衙  
七里西流繞落花  
此是舊司中府地  
每逢遺老說田家

紫霧天高做四關  
地雄原許壓羣蠻  
世傳十八時方泰  
蠶爾無端欲作奸

盟心枉欲換羣疑  
江左何曾有應師  
愧煞苗人麻老丑  
尙知順逆靜邊陲

煉藥燒丹總自誣  
道人妖術豈良圖  
關城未築民先散  
不用王師勢已孤

恃險何曾得萬全  
平山深洞柱相傳  
至今鐵鎖空

橋影惟見蒼藤起暮烟

何處南藩近日樓却將寶善舊名留署衙左碑巖

宮右今日倉儲似昔謀

勝遊此日更如何高嶂危崖處處多可惜雲來莊

已毀野田惟得聽薜歌

祖墓松杉浸碧暉崇碑曾策武功巍我今重憩雙

鳧鳥華表依然鶴未歸

司鐸三載得風病告歸留別同學諸子

訓導 陳文燾

桃李欣初植琴書忍驟還隻身千里客老病萬重

鶴峯州志

卷十三

藝文

五

山編訂空留恨

曾與蔭軒刺史商修邑乘故云

文詞孰待刪祇餘

歸里後遊夢繞岩關

官軍屯鄔陽關堵禦教匪紀事

吏目 陳 泰

畢竟鄔陽險隘全么麼底事竄嚴關書符分帛無

明效滴水開鎗有秘傳吉甫戎車來六月韋臯練

卒出西川官家軍帑流星運計日饒歌唱凱旋

包穀吟

訓導 蕭 琴

包穀亦黍屬種植滿陵阜山農無他糧惟藉此餬

口幹高五尺餘葉與蔗蘆偶節間孕瓊津狀若筭

初剖綠籜裹爲衣紫絲纏若帚展或如鳳冠擎或  
如佛手結實臨深秋年年欣大有吾聞玉山禾樹  
大徒遮畝重思米似榴此物卽是否攜筐紛採摘  
歌響蒼林藪落日啣遙山黃雲覆查簍么姑好肩  
背奔趨忘路陡健兒莫逞強腰弓已却走歸家各  
磨礮一石米八斗精以供餅糜粗以釀咂酒旣可  
娛嘉賓復可介眉壽貧民得有此厥利亦良厚慎  
勿多費糜餘三猶待九吾願山中人常飽此梁糗

印山石

吏陳錫鎮

一印從天降山頭屹屹盤孤城資重鎮巨石得奇

鶴峯州志

卷十二

藝文

五

觀土戴文誰覩雲籠角不刊斗州同景仰珍重凜  
躬桓

鶴峯二首

州判林廷翰

昨日神仙降玉京翩翩化鶴到容城八峯山聳昂  
藏骨兩口河傳嘹唳聲赤壁飛來原是夢白雲乘  
去尙留名層巒擬向丹青舞莫訝三年竟不鳴  
羣山盤繞出城西幻作蹁躑羽翅齊白綴三分幾  
雪淺丹流一點夕陽低借鳴漫道坡無鹿獨立那  
知洞有雞只恐夜深湛露至驚飛欲與鳳凰棲

北佳坪

林廷翰

容陽風景溯當年何事佳名北也傳未許西方徒  
擅美肯教南國並爭妍千林夕翠山銜日萬壑晴  
光雨過天爲問春秋多勝賞錦囊添得幾詩篇

望鄉臺

林廷翰

仄徑危崖路幾環望鄉臺上望鄉關舉頭明月三  
千里極目歸雲八字山異地風光悲楚客故園花  
信訪梅灣隔年未得音書至時見天邊雁陣還

廡前白果樹一株不知植於何時然建廡處  
舊名白果坪則由來久矣乾隆中前巡司

胡君砌石護持樹日益盛而砌漸壘圻予

鶴峯州志

卷十三 藝文

三

重爲修治旣成賦此

巡檢余遠思

平江人

道左紛披穩結根孤標那礙植當門不同岸柳攀

還折切近庭槐曉逮昏培塿我非惜花果

花夜開難見而

此樹亦從未實摩挲客亦歷公孫

樹一名公孫謂公種至孫始得食

低徊

鴨脚勝鳧舄濃蔭幾人堪並論

萬全洞

浙江知縣吳裕中  
南安舉人

疊巘峻嶒一洞開懸空四阻絕塵埃窟成未必非  
全策巢破終然付劫灰危磴久無樵牧至荒天曾  
載管絃來藤花爛漫荆榛古連臂清猿日往回

鶴峯竹枝詞

吳裕中

禾黍高低亂石間高低收成不一般高處要晴低  
要雨天到山中做天難

栽秧薅草鳴鼓鑼男男女女滿田坡背上兒放陰  
涼地男叫歌來女接歌

過大岩關

舉人 鄭謙 安鄉人

全楚分南北雄關亘古今徑斜人百折岩峭樹千  
尋傳檄通荒道飛鴉慕好音當年防戍地弦誦滿  
平林

鶴峯道上

王震 松江人

秋風吹上嶺雲巔路入椒園可著仙一綫天開山

鶴峯州志

卷十二

藝文

五

罇裏千株楓冷日斜邊高風霜早飄黃葉巉石雨  
餘傾碧泉最愛靈花香滿路馬頭過處幾留連  
雨霽空山暮色蒼忽然山豁見平岡零星烟火連  
村社如水官衙對野塘把酒孤吟懷自遣擁衾入  
夢夜偏長明朝又踏雲邊路細檢行裝待曙光

紫雲宮

李靜安 州人 庠生

紫雲繚繞是仙宮滿目烟霞四望通矗立丹楹界  
天上橫鋪鍊鎖鍊山中北臨諸洞禪心寂南挹羣  
峯道法崇早晚鐘聲林外徹可能說法似生公

小溪霧行

李靜安

款段徐行溪復溪望中何處辨東西似嫌寫景詩  
人過牢鎖雲山不許題

容陽八景

八峯聳翠

謝士璠州人

聚五連三聳碧空排成奇嶺亦奇峯斗然拔地屏  
開峭儼若朝天笏執恭但覺眼前青八面更忘雲  
外翠千重晴嵐霽色都堪玩暇日城頭一盪胸

紫草輝霞

丁遠模州人

城東好是夕輝斜爛漫疑開四照花幾日燒痕青  
作黛終年草色紫於霞氣瞻寒谷仙應近芝滿商

鶴峯州志

卷十三

藝文

五

山我欲家長似楓林秋老後征人指點路三叉

龍潭古鼎

徐本立州人

陂澤天成數畝涵曾傳古鼎此中嵌水心誰遣神  
工鑄碕岸難同象罔探蝌蚪無因摹大篆風雷會  
待起澄潭龍蟠犀伏徒能說數典何人證籍談

印石承基

張賜彥州人

石方如印不煩削城郭因依駐蓋麾天上頒來承  
重鎮山頭磐處壯邊陲烟雲環繞緘封古苔蘚縱  
橫篆刻奇應是恒星化非偶斗州長藉作丕基

龍溪夜月

徐承爵州人

繞郭潺潺水向西蜿蜒折赴是龍溪每當良夜金  
波漾常恐中天月影低可有漁人吟在留若逢鮫  
客欲探驪清暉似勝千潭印遊侶歸遲聽唱雞

果老仙洞

徐承義 州人  
庠生

境異桃源別有天豁開一洞近城邊騎驢無復返  
蹤至貸米猶從俚耳傳藥竈丹鑪成往蹟異花靈  
草自長年能來此處求仙否不作飛仙亦地仙

蓮石砥柱

丁遠謨 州人  
庠生

芙蓉一朵四時妍峽口中流望眇縣出水何須香  
馥馥臨風只欠葉田田狂瀾砥柱莖寧弱頑質凌

鶴峯州志

卷十三

藝文

五

波品亦仙卽石卽花空色相奇觀漫詡火生蓮

天泉保障

龔祖曜 州人  
庠生

蠻觸紛爭策萬全所憑地險在天泉雄關以外狡  
焉啓峻嶺無多危則跽自昔烏烏驚鼓角祗今禾  
黍長風烟樵歌牧唱

熙時樂保障還資守土賢

讀楊蔭軒刺史容陽詞呈詩八首

錄三

洪先燾

山陬風景入吟哦事事都堪喚奈何一片獅毛彌  
磳確幾行龍爪列坡陀蕨根蒿葉饗殮慣女背男



肩痛痕多辛苦萬千民氣靜使君爲政本寬和  
妖氛蜂起遍荆襄守禦頻年費糗糧賽社更無三  
宿酒犁雲偶有數家莊勤披案牘防多訟減派夫  
徭抵救荒老杜胸懷次山句艱難曲繪出琴堂  
落花廳事滿青莎筆墨工夫得不磨野老新傳栽  
諸譜土人初換插秧歌萬千山匿奸頑少十六條  
添講解多更把新詞抄萬本後來良牧奉金科

鄔陽關軍中聞賊營歌聲

洪先燾

尚有投誠路冥頑奈爾何  
釜遊能幾日猶自起高歌

鶴峯州志

卷十三

藝文

七

容陽竹枝詞

洪先緒

州人廩貢

春山桃李爛如霞女伴相招笑語譁  
今日晴和天氣好陽坡去摘雨前茶

薅歌六月滿山岡鑼鼓聲中抑復揚  
莫道山中無禮數男男女女各分行

礮确坡陀歲易荒山氓半賴蕨爲糧  
冬來但得晴無雪也似耕人一例忙

薪盡荒山挖洞煤蒙頭垢面入城來  
不辭早晚頰肩苦猶有負鹽人未回

繞城一帶水流西廛市人多傍柳堤  
何處搗衣砧

石響沿河直聽到龍溪

隔宵相約赴城闕揀出蒙頭格子巾明日笙歌迎  
綵仗聽郎說是隔年春

郡城逢新授北佳坪別駕蕭梅菴問鶴峯景

象詩以荅之

邵生崧

州人  
歲貢

宦遊來鶴峯人言如謫成鶴峯萬山裏別駕當北  
路憶我總角時茲路未停履官廨雖幽僻尚有米  
鹽鋪轉瞬三十載惟餘別駕署變遷匪自今請爲  
君言故此邦初隸版編氓多流寓燒畝墾磳包  
穀徧栽樹壤藉腐化滋民慶豐年屢坡陀經雨洗

鶴峯州志

卷十二 藝文

五

歲久山骨露地廣盡不毛屣棄無回顧舊時井竈  
塲今日荆榛布戶口十二三蕪蔽供朝暮州堂可  
羅雀別駕若懸瓠夜停銜山月曉看罨溪霧廡旁  
有崇岡是我先祖墓寒食澆麥飯我來歲一度軒  
階如許立芒鞋當少駐古人林泉興多爲圭組誤  
君去撫鳴琴定得靜中趣莫厭入山深此是吏隱  
處

蘭莖臺

喻章琳

州人  
廩生

枝條畧似蕨初生時莖如蘭有白絮戴其  
頂味脆美用東坡元脩菜韻賦之

青青山中蕨春日敷蒙茸拳芽佐匕筋頗較園蔬  
豐卓彼蘭莖薑並起莽蒼中出土戴白絮繭甕裏  
絲蟲紫莖排戢戢綠野抽忽忽摘趁蓊方嫩簋殮  
咏有饒甘脆敵菽筍辛烈異韭葱味美人共嗜持  
掇數日空宿根自蘊藉潛滋蔓草叢來歲區萌時  
烟雨散冲融無勞施灌溉擢秀仍從同我家深山  
裏甘此自兒童頻年旅食久尊思每繫胸今來薄  
世味息壤上蟻封且勿剪早韭且勿蓄晚菘先時  
具筠籃薄菜出蒿蓬此腹殊不負竊擬傲萬鍾不  
似元脩菜夢想勞坡翁

鶴峯州志

卷十三 藝文

五

禾蟲嘆

壬申歲

何夢芝

州人  
歲貢

食葉蟲爲膳食節蟲爲賊一蟲二者兼肆毒更無  
敵初以葉作巢葉盡根是宅日出下藏身日入上  
薦食迅若蠶齧桑多勝馬齒樞能令信宿間委地  
稻狼藉粒粒田中珠農人和淚滴古來捕蟲法唯  
有焚埋力蠢茲螟螟醜奮飛少兩翼勢成附骨蛆  
醫治竟無策我聞蟲之生匪天不駿德騰由吏乞  
貸賊由吏貪墨感召不一端總歸吏失職方今朝  
史堂劉寵共潔白耕也餒在中厥故頗難測莫漫  
論穢祥使人興讒慝

蟲災後久雨

何夢芝

與蟲爭稻蟲可掬半墮田中半歸屋青黃錯雜易  
霉腐禾場亟平轉碌碡豈意舊雨招新雨崇墉比  
櫛不得暴眼看又去一半穀前日禾苗需雨潤晝  
夜呼龍龍潛伏此日穀粒愁雨黥龍公故故來不  
速龍兮龍兮苦與螟螣厚餘毒稽首方社前祈帝  
將龍逐好晴十日無片雲再荷蓑笠叱黃犢

遊晴田崗

李先春

州人恩貢

歲大淵獻秋相月往尋古崗戴笠出披榛躡屣迤  
邐上冠者五六童六七崗名題處蹊難通旁做大

鶴峯州志

卷十三

藝文

李

厂穿徑縱俛瞰來徑隔萬仞削削眩目蹲虬龍未  
入且先覓石碣碣不特栞依壁鏤撰記洋洋千餘  
言風霜剝蝕半殘缺捫壁摹畫推縱橫畧云修崗  
緣藏兵人情爲田民有奧康熙庚申九峯營振衣  
同向崗中遊寒析毛髮風颼颼靈草異花歷落長  
土壘石牀無可求含訝豁問參錯開人持油炬并  
楮煤蝙蝠飛驚蟾蜍笑少年譁呼鬼物來耳畔忽  
聞鞞鞞聲下有伏流穿崗行試投巨石響碎磕礫  
隙微露天光青溜巖玲瓏懸亂窟搜牢敲擊競勃  
勃賞勝故應還吾輩往時夢來殊荒忽袖雲崗口

行仍留禾黍高低原野秋蠻觸戰場底處是極目  
日落古梁州

田九峯宣慰墓

龔傳瑜州人歲貢

往代英雄多奇特破碎山河自成國豈知中原割  
據時更有餘人闢草澤夜郎自大膺專城蝸角蠻  
觸皆簪纓田氏累葉雄容美九峯將軍尤錚錚將  
軍制作藏內府舊事翻成新曲譜紅梅白鹿風雅  
留惜哉再傳失疆土阡碣矗立溪橋邊苔封碣字  
紛不全石馬縱橫臥榛莽松風蕭穆搖蒼烟陌上  
過客行行止太息冢中人不起有兒高建歌舞樓

鶴峯州志

卷十二

藝文

六

曾擬仲謀與亞子歌殘舞謝空悠悠深山杜宇春  
歸愁欲訪遺跡故老盡溪聲日夜西向流

望鄉臺

部生樗州人庠生

蜀山趨入夔陵止鶴峯山附蜀山尾勢如江流欲  
出峽盤折奔騰逞奇詭就中望鄉臺最高巍巍峩  
峩入青霄斗州廣袤八百里挺拔居然羣山豪此  
山正當我門牖終日瞻眺卯至酉今來躡足峯頂  
上始見羣山下界走林風颼颼振長空呼吸之間  
通蒼穹極目天低鳥沒處中隔雲烟千萬重峭壁  
老樹欹不折怪禽飛出虎豹穴暗泉淅瀝晴如雨

陰岩猶留太古雪我行至止方清晨我室人語猶  
可聞獨立蒼茫百端集嗟爾東西南北人

辛未歲劉邑侯編審戶口作長句上之

部生榕州人拔貢

柘溪歸流隸版籍坡陀延袤里八百編氓多從鼎  
澧來依厂結茅此與宅是時老林初燒墾草木腐  
化卽糞澤春日鋤翻烟雲叢包穀播處行歷歷蕉  
實旁挺大逾把筭簿密封長盈尺案如貫珠粒在  
房熟驗垂綫白轉黑實墜炊飯飽充腸一夫耕足  
八口食雞鳴狗吠山谷應往來行旅羨樂國數十

鶴峯州志

卷十三

藝文

三

年來雨潦洗磽确空餘鑿鑿石間有土山多不毛  
和糞播種終嫌瘠流寓紛紛復他徙貧者難遷腕  
徒掄可憐荒舍破釜中常雜蕨薇供朝夕可憐鷄  
衣鵠面人常棄耒耜應徭役我聞民生勤不匱柘  
谿勤亦生理窄力農旣苦壤無膏逐末偏值地太  
僻頰肩負茶復荷鹽辛苦傭保濡餘瀝豐歲難贍  
俯仰資若逢荒歉更逼仄召父杜母今何人殷勤  
編審戶口册請問此州男女數較量盈絀何如昔  
州堂槐樹四株閩中吳祀來夫子刺州時所  
手植也十閱春秋大逾拱把對之有作

部生榕

殷勤樹木種踰淮留取甘棠覆滿階惆悵公門桃李老成陰不得比疎槐

州城建修 文昌廟予赴鄉勸捐頗形踴躍

喜而有作 部生榕

文治烝烝秩祀新釀金作廟遍鄉鄰故交驚看鬚眉改初識咨嗟姓字陳富肯破慳緣信我貧嘗徹骨未欺人衆擎計日經營就好潔蘋蘩共禮神

過奇峯關作呈部晴峯 劉紹純 州人廩生

峯巒犬牙錯一綫少坡陀土瘠穀頭短山空泉眼

鶴峯州志 卷十三 藝文 三

多成無鳴柝警野習插秧歌好待新醪熟澆花處處過

重修 文廟落成恭賦八韻 部生椿 州人廩生

奕奕 先師廟何緣底再成告竣資代俎經始自專城工閱頻年集梁諏吉日迎飛甍依舊址澀浪感新闕以妥崇遺像於昭奠兩楹更增良牧位還待哲人生嘉樹吾翁植鳴絃闔邑賡儒林同釋奠竊喜厠羣英

山羊司 龔經德 州人附貢

層山疊嶂擁周遭禾黍芑芑土壤膏佇盼雄關盤

百仞翻嗟開署勝三刀當年蠻觸分蝸角此地熊  
羆成虎牢 聖代人安耕鑿樂絃歌聲出暮烟高

重過韭菜壩

田玉疇

州人

不見山家老圃勤重來春韭綠如芹朝經宿雨人  
初剪晚值新炊客欲分虎跡縱橫穿嶺過鳥聲啁  
晰隔溪聞荒榛一帶鳴鞭急無數鼯鼯亂撲雲

挖蕨

田士選

州人

斲根搗粉濟年荒共說入山開土倉得飽不須天  
雨粟積勞勝獲禹餘糧綱團絳雪千溪月杵發輕  
雷萬谷霜只待新畚蕎麥熟農歌又聽遍巒岡

鶴峯州志

卷十二

藝文

畝

迴龍閣懷古

趙顯廷

慈利生員

芳林日落訪遺蹤畫閣臨橋瑞靄濃漢土當年曾  
走馬谿山此日尙迴龍團團十畝開金地平遠千  
家人翠峯防隘營前空炬壘風清粟界夜聞鐘

江口卽景

于世超

州人

崖迴路轉小橋低夾岸人烟古渡迷林抹數峰界  
南北水流雙派會東西白榆山對紅花近青佛雲  
連赤石齊明月洲前憑晚棹恍疑身在武陵溪

紅花青佛赤石明月洲皆附近地名

登州城望舊司祖坐宰木伐盡感書二絕



無復風烟助慘悽縱橫翁仲臥塗泥誤他杜宇春  
來血盡日哀哀何處啼

劉開泰 州人

量圍解帶往時情此日城頭望眼驚寄語故家住  
子弟須防抔土也耕平

上望界

劉紹寬 州人

望去渾疑天可接到來真覺足離羣陰陽坡得日  
光半乾濕路從山頂分巖積三冬新舊雪樹穿四  
野往還雲一聲長嘯隨風起上界下方聞不聞

溪坪道上

龔紹崧 州人

鶴峯州志

卷十三

藝文

六五

細雨霏微欲釀泥霧籠馬首望中迷空山響荅丁  
丁斧知有樵人在隔溪

辛未七月龍潭坪雨雹殺稻

田興邦 州人

築場庠錢待攢珠硬雨偏教數里無傾耳初聞催  
羯鼓舉頭旋訝碎冰壺穗空成帚迎風掃種播如  
春貼水鋪天物仍愁天暴殄謀生底事是良圖

咸盈河道上

宋大松 州人

潦涸溪爲路羊腸曲曲圍猿循石梯下燕撲水簾  
飛逕轉天臨窄崖高日到稀前山雞犬見好去款  
雲扉

龍潭古鼎歌

拔貢 田福康 州人

青龍山脉寸雲起倏忽蜿蜒幾千里潛流滙作桃花潭風雨時噴老龍水但見波底雲鬱葱爭說寶鼎藏龍宮瓊樓貝闕在何許鱗甲照耀森玲瓏我聞黃帝迎日推策逢己酉冶金鑄鼎文從斗又聞神禹貢金九牧河光榮縷形列狀輪精誠龍潭之鼎鑄何年光芒閃爍千人傳披圖載考地輿志漆溪溶萬壑畫成山川如何龍頭豕腹有光怪不與高陵深谷同推遷自是化工鼓鑄多神力爐錘天地生雲烟及今精靈那可掩吐吞日月寒芒閃雷

鶴峯州志

卷十二

藝文

矣

車殷殷推九霄一鞭獨掣金蛇高四圍鬣鬣如潑墨潭水返照雲欲裂鼎在虛無縹渺間不知赤山之銅茗山鐵又或蟾魄懸天中金波下與銀河通珍珠燦爛貫星宿百靈呵護蒸霞紅昌黎當日歌石鼓大筆淋漓洒飛雨彭蠡湖邊尋石鐘聶公逸典爭千古龍潭之水何其深香溝森森流清音噌吰鞞鞞石與金不爨不汲留寄崆古物應響東西潄聽我匣中雙劍如龍吟

水砦卽景

李定南

老圃寒花作意黃丹楓烏柏逗斜陽秋山不讓春  
山好紅葉叢中蛺蝶忙

容陽雜咏和韻

李定南  
州人廩生

深山累葉擁蜂衙俗不彫題面不花拋却前人金  
紫貴忍伸螳臂抗天家

蝸角紛紛已斂關如何輸款後諸蠻遺民太息東  
東事從古貂璫總一般

寶善樓連寶善宮宮傾樓圯化秋風容陽舊蹟銷  
磨盡惟有西流水不東

鶴峯州志

卷十三

藝文

李七

風雲旌旆馬鳴嘶霜降公然出柘谿荆府羊裘虛  
想望皇輿直到夜郎西

脣齒相依理不誣可憑狡詐逞狂圖青麻索繫鄰  
酋日爭料巖封注已孤

鑿窟謀成喜萬全坐街苦把尙民傳顛當不遇蠟  
蠟寇亦有豺梟颺烈烟

無復當時著作樓名登四庫簡編留九峯應抱千  
年恨不道生兒擬仲謀

子夜聞聲喚奈何桃花扇惹客愁多只今菊部長  
消歇留得端公下里歌

橋頭墓碣頗生暉  
紫誥褒嘉世  
閔巍宰樹春  
深啼  
杜宇聲聲猶道不如歸

澗泉雲壑自清音  
往事悠悠歲月深  
琴閣艷傳新  
樂府馬鈴爭似雨淋淋

脚踏坪道上暑行

羅玉麟

州人  
庠生

去郭二十里無風自在涼  
馬頭出林外時有野花  
香

秋晚水沙坪道上

龔紹杰

州人  
庠生

泉聲濺濺飛山色蒼蒼接秋樹  
驚鴉起蕭蕭下黃  
葉

鶴峯州志

卷十三

藝文

六

石龍洞早行

徐承禮

州人  
庠生

曉霧迷離曙色微  
露珠顆顆洒征衣  
橋頭立馬塵  
心淨石上流泉學雨飛

神壇坪巖流細若檐溜  
每日寅午戌三時大

如傾盆逾時復細晴  
雨皆然人呼為三潮

水

周光勳

州人  
庠生

巉巖多是碧流懸  
幻出靈奇獨此泉  
涓滴頻頻驚飛  
匹練海潮不信到山巔  
應時消長真堪異  
隨月盈虧却未然  
一勺也教難蠡測  
惟餘三疊聽潺湲

紫雲宮

洪先燹

州人  
庠生

紫峯矗立望亭亭仄徑蛇盤入杳冥杖底雲連平  
野白門前樹界半天青斷橋歲久鐵如繡陰洞夜  
深螢似星太息尙曾遺蹟邈惟餘鐘磬苔山靈

印山石

田純德 州人 庠生

鶴峯山裏山山多峭石誰削方以平纍纍山以  
擲奇哉此石鈕盈丈自天割如匣函綠紋啓則耀  
金赤秦漢有印統王侯異品格梁代忠孝侯金印  
石胎擘大造生偉人精英竅山澤茲石真石材天  
肯爲剗剛轟雷攫其磧疾風刷其坳篆成天雨粟  
堅光發地脉莎廳亘於前握之擁檠戟山靈叶休

鶴峯州志

卷十二

藝文

充

徵勝蹟留竹帛

登鶴亭

龔紹嶠 州人 庠生

鶴亭留勝蹟登眺藉餘閒繞郭都成障憑欄飽看  
山遙青昏雨脚濃翠溼煙鬟刺史風流杳芳蹤不  
可攀

登平山

龔紹融 州人 庠生

高壓香爐勢倒懸真如螺黛白雲邊危峯傑立疑  
無地峭壁橫開別有天萬疊附庸晴後見四時真  
面雨餘傳土人猶說當年事指點城濠盡宿烟

郡城閩部晴峯采輯邑乘寄詩奉問

洪先緒

平生懶不學嵇康驛使來逢問必詳  
共道說詩匡鼎樂更聞握槩子雲忙  
如椽筆掇山川秀附驥人欣姓字香  
草創遙知思急就少微星色漸成黃

課徒暇采輯邑乘洪理堂自郡城以詩寄問

次韻荅之

部生榕

清時無處不平康風土先從里閭詳  
載筆難憑愛斯錄臨文仍恐錯因忙  
肯教泉下人多恨爭得山中草亦香  
搔首茅檐佇君至西窗細與共丹黃  
按自來修邑乘者列藝文一門祇載某人著某書

鶴峯州志

卷十三

藝文

七

凡若干卷經史子集皆以類編固未暇盡錄其詩  
文者而不可以此例鶴邑也鶴邑僻處一隅代無  
聞人惟田元頗事詩書有金潭吟意筆草田舜年  
多勞績而能文章所著廿一史纂容陽世述錄亦  
可謂鐵中錚錚矣下此則唐世英以能詩名而他  
無聞焉欲求如經史子集之以類編不誠戛戛乎  
其難哉操觚者於此廣蒐博採以歸一爐而成五  
鯖亦良苦矣乃世猶謂其求益選肥則何也

鶴峯州志卷十四

雜述志

唐段成式之諾臯宋洪邁之夷堅大抵近稗史小說姑妄言之姑聽之蘇長公以此資談鋒則可矣不然若王喬臯飛左慈羊鳴可入後漢書幽明錄搜神記可入晉書抑或不免於失之誣乎吾恐范蔚宗房喬諸人尙未足比功董狐也志雜述

容美司一稱柘谿按土司多以谿崗爲名如來鳳曰蕉谿桑植曰柿谿永順爲古溪洲溪卽谿也淮南子倣真訓登千仞之谿註谿蠻夷也以柘

鶴峯州志

卷十四

雜述

一

桑爲弓柘谿之稱或取義於此稱柘雜者誤土司之班宣慰爲上宣撫次之安撫又次之長官又次之然宣慰與宣撫不相統屬

土司承襲 國初猶屬吏部後改歸兵部

土司部勒土民分風雲龍虎等字爲旗旗有長又其下有大大頭目分管若干戶現在州民猶有存其祖先大頭目執照者

桑植縣志云永順保靖桑植容美爲四大土司而容美最強桑植亦能敵之後乃結好

容美宣撫司領長官司四曰椒山瑪瑙曰五峯石

寶曰石梁下崗曰水盡源通塿平椒山瑪瑙卽  
今劉家司地石梁司今屬長樂縣地

土民稱崗長曰都爺其妻曰夫人妾曰某姑娘幼  
子曰官兒女曰官姐子弟之任事者曰總爺其  
次曰舍人

土司世崇武功至田世爵以後頗事詩書故田元  
有金潭吟意筆草等刻而田旣霖兄弟三人未  
承襲時皆補澧州長陽諸生又田舜年所著廿  
一史纂載入省志

桑植中崗各土司嘗合兵圍田舜年於情田崗土

日有羅文虎者素驍勇率土兵突圍赴中府調  
援敵斷其一臂猶格殺數十人乃斃解圍後舜  
年斬先退土民二人以殉羅葬羅突圍三次因  
名其戰處曰送三壩

情田崗在太平鎮東里許高三四丈濶可容數百  
人門二在左者八分書情田崗三字在右者琴  
記於側字跡多模糊大畧言藏兵事尾署康熙  
庚申年田舜年誤相傳舜年被桑植各司圍崗  
閱數日於崗中伏流內捕魚數尾擲以與敵敵  
相顧謂曰彼尙有魚可餐我等糗糲已盡援師



至將何以戰因解圍去去之日大雨如注舜年  
訶知敵來時車東河苦竹壩二處皆繫繩兩岸  
緣繩而渡山水驟漲必難速濟遽發士兵分頭  
尾追感殺無算遂於太平鎮關廟鑄鐘銘功有  
以數百人殲賊數萬等語今其鐘猶存  
平山萬全洞田舜年所營有碑記在山上今尙存  
但洞須緣溪而上其舊砌磴級多爲崩石擊碎  
罕有遊者

紫雲山下有鐵鎖橋歸流後橋已傾圮而鐵鎖猶  
橫繫兩岸後亦爲人攫去

城北五里曰果老洞俗傳土司時有仙居洞中歲  
飢土民貸米於仙先一夕禱之明晨往取則米  
在洞門如所求之數後因貸者不償禱不復應  
語頗怪誕然果老仙洞爲容美八景之一或土  
司神道設教假此以愚土民歟

桑植縣志云縣西北一百二十里有大崖屋寬布  
數十席石壁上有墨書山高水長億萬斯年八  
大字相傳容美桑植二土司尋盟於此

土司曾受吳三桂僞封故其時給土目執照尾署  
周二年印鐫承恩伯印四字

土民皆不受學有唐世英者能吟詩邑士人曾見其遺稿百餘首今已散佚

湖南石門慈利所屬有世襲所官隘官以防禦土司爲責任據澧州志稱肇自蜀漢建興年間下及唐宋以來皆仍其舊至明洪武後乃確鑿有徵其制所官世襲千戶隘官世襲百戶所官地丁銀徵三免七隘官地丁銀徵七免三自行團練不請糧餉亦不給兵仗雍正十三年各土司俱已設流部議各所隘旣無防禦之責又無管束軍民之任請將原缺裁汰我

世宗憲皇帝俯念該祖父等著有勞績不忍令其廢置分別賞給千把總職銜准其子孫永遠世襲乾隆三年慈利所屬山羊隘五十里以內之地撥歸鶴峯各世職有歸州屬管轄者遇有承襲事件仍歸湖南州縣核辦

相傳彘陵鎮總兵治大雄微時販馬至容美司爲尙主所窘辱後鎮彘陵數構之制府以致列款糾叅然閱桑植縣志當雍正五年桑植改土時前制府傅敏密摺奏稱鄰司田明如桀驁狙詐或恐各傷其類相煽爲變請調兵預防是明如

之不軌素著不待他人媒孽也且雍正七年以前各土司以次歸流明如苟達時務自行歸誠改土必可仰邀

恩眷不此之圖而負隅自固已經糾叅尙謀抗拒其身死不致戮屍妻子復獲安插猶爲幸耳

相傳土司時老林未墾猴類之最多者俗呼爲十萬猴一日西路斥堠守者鳴角報警土目屬衆拒敵比至則鄰司並未犯境詢之守者對以遙見車東河敵兵水人數彌漫無筭土目轉告尙主議治以虛報軍情之罪尙主曰是必有故

使人往探則是日十萬猴過河也乃更賞守者土司女優最工桃花扇漫述云楚地之容美在萬山中阻絕人境卽古桃源也其尙主田舜年頗嗜詩書予友顧天石有劉子驥之願竟入洞訪之盤桓數月甚被崇禮每食必命伎奏桃花扇亦復旖旎可賞蓋不知何人傳入或有雜林之賈耶

明史載正德四年容美宣撫椒山瑪瑙長官司所遣劉思朝等赴京進貢沿途驛傳多需索爲偵事所發自魯橋以北計千餘金部臣以聞帝以

遠蠻宥之又嘉靖七年容美宣撫司龍潭安撫司每朝貢率領千人所過擾害鳳陽巡撫唐龍以聞部札按舊制進貢不過百人赴京不上二十人命所司申飭可見田氏恃險與遠恣意妄爲自明已然

故老言土司調民以箸則能飯者至以帚則掃境而出又言明如請中尙司過境奏伎歡飲密遣人往襲掠所獲民人繫以青麻索

州設流以後常德澧州及外府之人人山承墾者甚衆老林初開包穀不糞而獲每市斗價值四十文較官斗僅值二十文迨耕種日久肥土爲雨潦洗淨糞種亦有不能多獲者往時人烟輳集之處今皆荒廢然聞方開墾時深山箐林中掘土數尺每有殘缺鼎鏹與一切農器故知陵谷變遷由來已久異時必可再墾也

州無十分歉歲以宜晴宜雨高下之收成不齊也民遇歲歉則挖蕨搗粉并採可食野草和飯充腹然亦辛苦備嘗矣

飛蝗邑之所無食稻之蟲卽生葉上狀如蠶頭有黑紋似山字生於秋前盛於秋後大約地高而

成熟遲者生蟲之歲間被其災

盛夏大雨往往山崩地裂甚至冲塌民舍人畜俱有損傷說者以爲蛟起所致蛟之有無人未目睹然當山水泛漲雖時值白晝亦晦暝異常且必有雷聲隱隱似鎮蛟潛行慮其爲害者則蛟起之說信不誣也

山水泛漲無歲無之惟乾隆五十三年五月二十二日郭外西街冲去民舍數十間歷來未有山林旣墾野獸久稀近十年來有獸稍大於犬頭與耳畧似驢或黃色或黃白斑駁攫食村民雞

犬猪隻夜間或入城中同行或二三或十餘人逐之似不甚畏邑人呼爲山猋

教匪滋事宜郡七屬惟鶴邑未遭蹂躪蓋崇山峻嶺賊雖有險可據而無食可搏也惟與建始連界之冷草塘游賊來擾被鄉兵禦却及林之華一股竄踞芭葉洲大師駐札鄆陽關數月城市鄉村俱皆安堵

文昌神像原祀於百斯庵乾隆四十三四年間有外來學究自言姓方名曰士訓蒙庵中退然如不勝衣至四十五年春杪忽詣九峯書院言我遠

安武生遊魯堂也以避訟入山故詭今名自寓  
庵中以來朝夕見

文昌神像奉祀他神之側殊爲褻越而隱忍未言今  
屈行矣故告之諸君卽移祀書院徐議薦廟言  
談之間形狀迴殊平日諸生異之遂設座移祀  
越數日往問則茫然無以應有告以自道其姓  
名者頰發於面未幾辭館去

城中印山爲州治後戾城垣半跨其上若開墾耕  
種不惟形家所忌且水潦衝洗勢必馴致崩裂  
故歷來任其閒曠嘉慶十四年忽有兵丁耕種

鶴峯州志

卷十四

雜述

八

於西民人耕種於東并由州治後築牆直抵城  
根以爲疆界州屬士民呈請署知州劉運浩移  
查禁止永以爲例

邑諸生艾家鑑赴乾隆庚子科鄉試闈中卽卷上  
條陳本邑利弊以犯規戍烏魯木齊後遇赦歸  
艾生爲人謙恭重義輕財非素以武斷挾制爲  
能者緣以田土細故訟之官爲胥徒所窘辱故  
憤而爲此然不控切己之害於有司而陳一邑  
之弊於場屋其受譴宜矣志之以爲胥昧妄舉  
者戒

州人趙士琨作傭於諸生田志壽家志壽夫妻病  
瘵將死時子福琦甫四歲以屬士琨曰吾有弟  
四人皆非可託孤者汝爲我撫之琨泣諾志壽  
命子以叔呼之未幾相繼卒士琨內外拊搗一  
無所私雖珩諸父亦心折珩弱冠入州學不數  
歲亦死士琨復爲經紀其家可謂傭中佼佼矣  
現年六十有餘操觚者不欲自亂其例故不入  
義行傳

嘉慶十六年四月走馬坪民人某妻病見牀帳外  
有人長三寸餘時下衣冠老少男婦自窻孔中

出者絡繹不絕家人初謂病者譎語視之如所  
言然隔帳則見揭帳則無覩也鄰里聞其事者  
往視之所見皆同三日後乃滅病者無恙亦無  
他異

水沙坪有舊開煤洞附近民人某兄弟三人往取  
煤長者入洞甫丈餘疾呼救命其次入視亦什  
而呻吟幼者急歸邀妹夫某曳次入者出氣已  
絕矣而曳者暈而復甦以爲可無害也次日二  
人偕入曳長者之屍皆死洞中里人遂不敢復  
入以鐵鈎縛長竹竿曳三屍出七竅流血遍身

青色無他損傷嘉慶二十年夏月事

世述錄稱巴東世譜載田思全先代累世同居其家共牢之犬有一不至則羣犬不食宋哲宗旌爲義門思全卽田思政之兄弟

又稱彛陵文相國鍊菴黃太史中含明末避難來容美司按明史文安之崇禎末年由南大司成罷歸至永明時乃起爲相其間十餘年賊氛正熾又按東湖縣志黃燦傳有明命旣革遁跡山中語則所稱二公避難容美之說信矣

又稱土司田甘霖臨終時有大星隕聲如雷又山石行數十步等異似因諸葛武侯暨韓魏公臨終事而附會之存而不論可也

土俗尙哂酒按杜詩蘆酒多還醉註云糜穀釀成不醉也楊升庵曰以蘆爲管吸而飲之一名鈎藤酒卽今之哂酒

雍正初慈利唐姓隘官將千金坪一帶山場田土南至告箭坡北至杉木場週圍約三十里用印契賣與容美土司價銀一千零五兩經上憲訪察隨有民人以土佔漢產俱控勘實以隘官貧乏飭原控民人照繳價值給容美司業付民人



耕管價係合夥湊集故有十大股六大股之分  
此時林深木茂收成歉薄迄今開墾成塾田土  
膏腴爲一邑最價值較前不啻百倍固由人事  
興修亦地氣轉移使之然也

改土時慈利撥歸人民畏新邑役賦繁重紛紛具  
呈奉督憲邁 批示修建城垣衙署及運江公  
松三縣兵米俱撥土民應役客民免派故至今  
關外除軍需外並無夫差

周化定大典河人年十六父病篤私禱於神割股  
肉煎湯以飲父尋愈現業儒

分水嶺下陽河路旁有溜石一段於嘉慶年間白  
日石裂聲震如雷往視之約寬寸許長丈餘裂  
縫中深黑莫測如有星光飛舞遠近觀者旬日  
乃止

巫者謂之端公病者延之於家懸神像祝禱又有  
祈保平安或一年或二三年延巫祀神並其祖  
先曰完鑼鼓醮一曰解祖錢此爲土戶習俗今  
漸稀矣

又有祀羅神者爲木面具二其像一黑一白每歲  
於夜間祀之名爲完羅愿此湖南客戶習俗○

按遂林李如石蜀語云壇神名主壇羅公黑面手持斧吹角設像於室西北隅去土尺許歲暮割牲延巫賽之考爰微紀聞曰羅羅本盧鹿而訛爲羅羅有二種居水西十二營林谷馬場漕溪者爲黑羅羅曰烏蠻居幕後者爲白羅羅曰白蠻俗尙鬼故曰羅鬼今市井及田舍間有祀之紳士家否杜子美詩曰家家養烏鬼卽此也養去聲言供養也註杜詩者以烏鬼爲鷓鴣或云猪皆非又元稹江陵詩有病賽烏稱鬼句則烏鬼乃神名也按據以上所稱是羅神爲蜀人所祀而流傳於楚其來已久

按田舜年廿一史纂載入湖北省志非荒陋無文比也惜哉金潭吟意筆草不可見矣迹其風雲龍虎頗尙武功銘鐘勒碑非夜郎自大哉然又工演桃花扇宜顧天石歎其旖旎可賞也他如所載鬼神事不必辨要其中風俗物產等類亦足以補所未備後之君子得以覽焉

嘉慶丁丑歲 生榕 從邑紳耆後以重修邑乘請於  
前署州事董明府議甫興而篆已卸今

吉薌畦牧伯莅任之初卽召諭紳耆曰邑舊志修  
於毛公畧具梗概今已八十餘年矣宜謀重輯邑  
中士孰司采訪予其執筆以俟命下之餘覺經費  
惟艱不能專設志局命 生榕 廣爲蒐采偕洪君先  
燾商推草創稿初定呈請

牧伯編輯

牧伯簿書餘暇逐類修飾勒成卷帙并捐清俸命  
首事謀登梨棗雖山陬僻陋無可表揚然自官府

鶴峯州志

卷十四跋

三

章程以及閭閻物產風俗梨然畢具且又志切激  
揚於往時循良政績與邑之孝子節婦義士文人  
足以興起頑懦者有善必錄無微不彰蓋所以昭  
聖世一道同風之盛而有造於是邦也大矣 生榕 幸與  
從事不揣固陋敬綴數語簡末以志欣喜之意云

州人部生榕謹跋